

Audzu billahiminassaitoonirrojiim
Bismillahirrohmaanirrohiim

1. DANGDANGGULA

1. Alhamdulillahirobbil aalamin
kabeuh puji kagungan Alloh
pangeran alam sakabeuh
nu masihan tulung
ka sakabeuh abdi-abdi
anu murah di dunya
ka sakabeuh mahluk
sumawona sandang pangan
nya eta pangeran anu leuwih adil
jeung nu asih di aherat

2. Sanggeus muji kanu murbeng siti
muji deuyi ka kasihing Alloh
nu kagungan umat kabeuh
Kanjeng Nabi Rosul
nu nyaah ka abdi-abdi
dohir teka ing aherat
sarehing para rosul
makuta para anbiya
sanggeus pangulama para alabi
Jeng Gusti Nabi Muhammad

3. Sanggeus muji ka kanjeng nabi sinelir
muji deuyi ka para sohabat
kakasihing nabi sakabeuh
sohabat anu kamashur

nya eta Abu Bakar Sidiq Umar Usman Ali Murtado
 wadiyallohu anhu
 jeung sohabat Muhajir Anshor
 reujeung Abas Hamnah lawan Hasan Husen
 warodiyallohu taala

4. Sanggeus putus muji ka sohabat nabi
 jisim kuring anu nulis kitab
 nurun tina kitab sejen
 neda agung nya tabepun
 neda punjung nya hampura deui ka kulawarga
 ka nu anom ka nu sepuh
 ka sakur nu nguping layang
 ka sadaya ka pameget jeung ka istri
 sumawona ka nu maca

5. Sareng deuyi paneja sim kuring
 mugi-mugi Gusti nu murbeng jagat
 masihan tulung gede
 ka jisim kuring nu luput
 mugi maparin birohim
 ka sakur anu dimaksad
 mugi padang kalbu
 mugi adoh lampah
 diparengkeun sagala lampah nu
 jeung kuwat ngajaga baya

6. Sareng deuyi sim kuring hatur mepeling
 ka sadaya sakur anu nguping layang
 nguping ulah bari cek cok
 sing tegep nya ngadarangu

malah mandar jadi hasil
 mangpaat kana salira hibar karuhun
 disuhunkeun karamatna
 supayana jauh balahi salamet diri
 karamat wali sadaya

7. Enya ieu bubukaning tulis
 nu dianggit carios sajarah
 lampahing para wali kabeh
 asalna nu diturun
 Basa Jawa tapi ku nu nulis
 digentos ka Basa Sunda
 amih nu ngadangu
 istri pameget sadaya
 tambah hartos malah mandar mangpaat ka diri
 purwa dongkap kawakasan

8. Ari anu mimiti didangding
 nyaritakeun ratu Pajajaran
 waktu ditinggal ngalolos
 ku putrana ti karaton
 langkung tengtrem manah jeng Gusti
 ngan kantong putra dewa
 cadang geusan ratu
 anu pameget namana Walang Sungsang
 ari rayina teh istri
 jenengan den Roro Santang

9. Kacaturkeun putra Prabu Siliwangi
 nu ngalolos ti jero nagara
 jumlah salapan reyana teh

lima pameget wungkul
 ari anu opat istri
 sadaya sewang-sewangan
 tarapa di gunung
 putra anu pang sepuhna
 Di jagetra raja nagara kakasih
 dua Santang Pertala

10. Geus ngababakan di Panjang Kuning

tilu rahaden karanag Setera
 ka opat semu gumereh (?)
 bumina di lebakeun matuh
 nu kalima Sekar Sari
 istri nu kagenepna
 geus mashur ka sebut (?)
 Nyi Ratu Tunjung Buwana
 di basisir kulon matuhna saung putri
 ka tujuh putrana raja

11. Nu jenengan Nyai Gedeng Curi

bumina teh di Panjang Sagara
 basisir kidul pernahna
 kadalapan nyai ratu
 di Kawali linggihna deuyi
 salapan nyi Sekar Bang
 bumina nu matuh
 nya di Karang Pangantiyan
 sadayana putra Prabu Siliwangi
 nu ngalolos ti nagara

12. Kocap deuyi Prabu Siliwangi

dideuheusan ku para ponggawa
 Patih Mantri jeung sakabeh
 di paseban berhimpun
 Prabu Siliwangi ngalahir
 karahaden patih Arga
 maneh patih mudu (?)
 jaga ati-ati pisan
 lamun datang urang Arab nagri
 tangkeup sarta paehan

13. Saba kami giruk liwat saking
 ka jalma anu sok sambahyang
 Muhamad satru (?) aing teh
 saha anu muji Rosul
 eta tangtu hukum pati
 den patih hatur sumangga
 dawuhan Sang Prabu
 ngundangkeun ka wadya balad
 sadayana ulah rek nyembah ka nabi
 eta teh sartuning raja

14. Ka kocapkeun nu jero puri
 Putra ratu nama Walang Sungsang
 kasmaran imut ka impenan
 tepang jeung nabi rosul
 saban saban kulem sok ngimpen
 saurna Nabi Muhamad
 mun maneh hayang luhur
 mudu ka gunung Amparan
 enya eta guguru agama Nabi
 nya eta agama mulya

15. Ka nu ngaran Pandita seh Jati
 nu keur tapa di gunung Amparan
 Syeh ti Mekah asalna teh
 maneh kudu guru ilmu
 jaga maneh jadi wali
 kaget ngorejat gugah
 ngupingkeun piwuruk
 tuluy Walang Sungsang angkat
 sarta tuluy ngadeuheusan ka rama Gusti
 ngajugjug bae Maseban
16. Eukeur rempak para pawongan mantri
 Walang Sungsang sujud kana dampal
 serta metu jika saija (?)
 langkung gagas Sang Prabu
 Siliwangi seug ngalahir
 duh eneng putra mama
 pigentoseun ratu
 mengku nagri Pajajaran
 sareng adi Roro Santang nyai putri
 Walang Sungsang cedok nyembah
17. Pek unjukan raden bari nangis
 nuhun pisan timbalan jeng rama
 gampil kapayuna bae
 mun abdi enggeus makbul
 geus kapendak impenan sim abdi
 kangjeng ratu seug ngandika
 agus geura matur
 hayang naon putra mama

bisi ujang hayang gaduh garwa geulis
putra raja sejen negara

18. Ama sanggup ngadatangkeun putri
Syaur deuyi raden Walang Sungsang
bebendu ama sayaktosna
abdi sanes acan nurut
gaduh bojo namung sim abdi
ngimpen parantos tepang
sareng Kang jeng Rosul
saurna jeng Nabi Muhamad
abdi mudu guguru agama nabi
sumangga Kangjeng Rama

19. Urang anut ka agama suci
urang guru ka gunung Amparan
wawakil Nabi nu kahot
saha anu henteu turut
ka agama disiksa mistri (?)
asup kana naraka
mun Islam geus tangtu
meureun asup ka sawarga
nu jenengan pandita syeh Datuk Kapi
tapa di gunung Amparan

20. Eta syeh ti Mekah asalna nya bumi
abdi mudu gugur kadinya
saha anu hanteu anut teh
matak kapir geus tangtu
nyaur bendu Sang Siliwangi
ka putrana bari nyentak

aing moal nurut
 kana agama Muhamad
 eukeur naon teu hayang asup agama
 matak mawa sangsara

21. Matak apes mun jeneng bupati
 raden keukeuh haturan ka rama
 mendo ming tilu ngagepor
 ratu teh tambah bendu
 maneh mun teu nurut ka aing
 jor mantog sia Sungsang
 kaditu sing jauh
 kajeun henteu boga anak
 jeung nurut mah kana agama nabi
 aing teu sudi pisan
22. Walang Sungsang nyembah bari amit
 abdi neda jiyad (?) kangjeng rama
 saur ramana geura jor
 geus mengker raden tuluy
 kangjeng ratu nyaur ka patih
 Patih Arga ayeuna
 maneh indit mudu
 ngundangkeun ka kabeh jalma
 Pajajaran ti tapel wates nagri
 saha anu ka Amparan
23. Sumawona kadodokan (?) cicing
 anak kami ngaran Walang Sungsang
 pasti didengda eta teh
 sarta dihukum gantung

jeung dijarah saanak rabi
 kitu timbalan raja
 patih nampi dawuh
 geus mundur tipayun raja
 enggal yayi ngundangkeun timbalan gusti
 sadayana ponggawa

24. Prabu Siliwangi mulih

enggeus tepang reujeung garwana
 raden patih kacarios
 nabeuh bende geus ngungkung
 geus kamashur kawates nagri
 sawareh omong jalma
 aduh gusti Sang Prabu
 putra ngan sahiji-hijina
 taya deuyi eta nu baris ngaganti
 ratu di Pajajaran

25. Bet ditudung eta ku gusti

watir temen kitu omong jalma
 gentos anu dicarios
 rahaden putra kacatur
 sindang heula ka jero Puri
 nepangan ka rayina
 di jero Karaton
 manahna teu aya liren
 nu dianggo kamelang ngan raden putri
 nyaur dijero manah

26. Kuma bae saupami den putri

mun ditinggalkeun tangtu moal aya

nu ngasuh ka dirina teh
 aing melang kalangkung
 tapi aing lamun teu indit
 tangtu wirang mowal gagal
 sabab geus ditundung
 nya eta ku kangjeng rama
 ngan pamuga ulah lila maneh nyai
 nya nyusul ka lampah engkang

27. Sanggeus nganggo raden putra indit
 rundag randeg melang ka raina
 geus bijil ti jero karaton
 teu aya anu ngamaphum
 waktu angkat keur simpe jalma
 nyorang leuweung gerotan
 mapay-mapay gunung
 angkat taya anu diseja
 nu puguh mah nurutkeun kereteg ning ati
 ngapruk saparan-paran

28. Eunggeus jauh angkatna ti nagri
 cepet ngalayar ka basisir dongkap
 ka Karawang dongkapna teh
 gentos anu dicatur
 di Karawang pandita sidiq
 nu jenengan syeh waro
 asal ti Mekah punjul
 bangsa Qurais utama
 serta enggeus beat ka syeh gunung Jati
 pandita ngaraga sukma

29. Kacarios syeh Ora Sidiq
 katamuan harita ti Arab
 tili tatamu teh
 ngaran syeh Duragem tamu
 duwa santrina deui
 ki tomah reujeung huroma ngarana kasebut
 saparahu mawa kitabna
 anggeus dongkap ka syeh Karawang katingali
 eukeur ngasuh putrana
30. Syeh Duragem uluk salam gasik
 onkoh bae henteu diwangsul
 nyusul putra bae jongjon
 Duro gung usik nyaur
 notorogan pandita Jawi
 kurang adab jeung hurmat
 syeh Ora (?) geus makhum
 ning ali usiking manah
 tuluy bae syeh Ora mulih ka bumi
 nyarioskeun putra enggal
31. ka garwana ti dinya teu lami
 wangsul deui nemotan semahna
 bari jeung nyandak pelok
 sarta ditunda tuluy
 digigireun tatamu tadi
 syeh Ora sasauran
 haturan nu rawuh
 asal sampeyan ti mana
 syeh Durogem jawab kula ti Mekah nagri
 seja muwapakat kitab

32. Syeh Durogem lapad ma'na sidiq
 ngagorolang nggdukeun kitabna
 lapad ma'na kabeh seep
 syeh Ora teu ngagugu
 gurus keneh daluwang mangsi
 mana jatining sahadat kalimah nu monjud (?)
 Durogem males ngajawab
 geus mupakat hal kalimah sahadati
 ti Mekah terus ka Jawa
33. Sabot eukeur marebutkeun ilmi
 pelok tadi tea geus buwahan
 Durogem heran tataros
 buah naon nu lanun
 Ki syeh Ora ngawangsul deui
 iyeu teh buah manggah
 Syeh Durogem matur
 kawula nyuhunkeun buah
 geus ngadahar jeung santrina teu kari
 buah manggah enggeus beak
34. Harita waktu geus manjing
 syeh Durogem naros ka syeh Ora
 aya kulah didiyeu teh
 syeh Ora lajeng nyaur
 ka garwana nyi Ora bijil
 barina jeung nyandak ruwas
 awi ngan sabuku
 nya eta cai eusum
 tuluy bari dibikeun ka semah tadi

tah ieu pakulahan

35. Paranti wudu jeung mandi

syeh Durogem kaget ngawalonan
 kumaha petana bae
 cai sakeclak mutuh
 urang jawa kurang peryogi
 jadi wadahna ruwas
 dianggo kekemu
 oge tangtu eta beyak
 seug tidinya syeh ngalahir deuyi
 tuwan masing percaya

36. Mun teu percaya ka Maha suci

mangga tuwan asup kana ruwas
 Durogem ngandika alon
 maun kawula bisa asup
 kana ieu ruwas awi
 kawula seja tobat katuwan rek guru
 syeh Ora tidinya enggal
 jalma tilu diasupkeun kana awi
 semah teh heran manahna

37. Semah gegeroan dina ruwas awi

sabab geus teu katingal daratan
 ngeplak tembong laut kabeh
 syeh Durogem tuluy nyaur
 aduh tobat sang Ora kuring
 mugihampura
 geus dijait tuluy
 catur gancang carita

syeh Durogem geus asup wirid
ka syeh Ora Karawang

38. Syeh Durogem tuluy nyaur istri
anu ngaran Ki Toat Hurmat
maneh geura balik bae
kitab nu saparahu piceun bae ku maneh santri
Toat, Hurmat geus mangkat
Mekah nu dijugjug
kitabna geus dipiceun
tunda bae Toat, Hurmat geus balik
Durogem keur mandita

39. Kacaturkeun Walang Sungsang sumping
langkung kaget syeh Ora ningalan
sarta pok mariksa bae
asal ti mana lembur
sareng saha deui kakasih
ngawangsul raden putra
ngaran nu kasebut
sim kuring pun Walang Sungsang
Pajajaran asal putra Siliwangi
syeh Ora geus uninga

40. Yen putra Prabu Siliwangi
bakal jadi bibiting auliya
ngabuka sareat kabeh
syeh Ora anu dicatur
henteu kersa miwejang ilmi
tacan idin guruna
tuluy bae nyaur

rahaden lamun kitu mah
 jug-jug bae gunung Amparan indit
 di dinya geus tangtu aya

41. Pandita jenengan syeh Jati

saenyana eta guru bapa
 jeung deuyi ti dieu pernahna teh
 ngetan cepet nya maju
 Walang Sungsang ti dinya pamit
 sarta geus diwidiyan
 raden angkat laju
 seja ka gunung Amparan
 laju eta neangan syeh Gunung Jati
 eunggeus lepas angkatna

42. Nyorang gunung lebak reujeung pasir

tara kulem sumawona dahar
 gancangna geus dongkap bae
 ka gunung Sari tuluy
 ngadeuheus ka pandita leuwih
 eta teh pandita Buda
 Danu warsi mashur
 raden lajeng dipariksa
 agus anu ti mana asal nagri
 jeung saha nya jenengan

43. Raden ngawangsul tapdin

jisim kuring asal Pajajaran
 pun Walang Sungsang ngaran teh
 ari bapa jadi ratu
 Pajajaran Siliwangi

purwa sim kuring dongkap
 ka diyeyu ditundung
 sabab kagiruk pun bapa
 taya liyan ka nu sok resep agama
 agama rosululloh

44. Huleng syeh pandita kalahir
 geus ningali bibiting auliya
 di nusa jawa sakabeh
 tereh magelaran tangtu
 iyeu eunggeus deukeut ka jangji
 lamun agama buda
 digentos ku Rosul
 sare'at nabi Muhamad
 Walang Sungsang matur nyembah
 serta ta'dim
 naroskeun ka pandita

45. Pangapunteun bae jisim kuring
 seja naroskeun gunung Amparan
 lebah mana ti diyeyu teh
 nya eta arek guguru
 ka pandita agama suci
 Danuwarsi ngandika
 di diyeyu mah luput
 teu aya ilmu agama
 sareng deui bapa teh kakara nguping
 kangaranan ilmu agama

46. Ngan baheula bapa enggeus nguping
 jaman buda eta geus disebat

kitab mustaka jamus teh
 yen jaga putra para ratu
 Siliwangi bakal ganti agama
 agama anu mulya saenyana kitu
 mun hayang nyaho ka Alloh
 tanpa heula ilmu kabudayaan aji
 catur jatining asal

47. Samemeh urang aya dilahir
 hirup urang di mana ayana
 jeung nu aya naon tateh
 gampang agama rosul
 kudu tinu anu jadi tali
 nya eta anu disebat
 jatining hirup
 reujeung hirup urang teya
 saha eta anu ngahuripkeun deuyi
 mun gering sing waspada

48. Eta saha yaktosna anu gering
 lamun paeh urang teh kumaha
 poma-poma sing waspaos
 bijil atawana asup
 lamun bijil kumaha deui sabaraha jauhna
 jeung deuyi mun asup
 ata sabaraha deukeutna
 jeung di mana tempatna sing sidik
 pangawangsul Walang Sungsang

49. Nun sumuhun sang pandita mugi
 ka sim kuring kersa miwejang

gancangna carios bae
 Walang Sungsang diwuruk
 geus ningali jatining hurip
 sareng jatining eta
 sadaya geus putus
 seep ilmu kabudaan
 tunda heula raden keur guguru ilmi
 geus meunang salapan bulan

50. Kocap anu kantun di jero puri
 Pajajaran Nyai Roro Santang
 kalangkung tina prihatos (?)
 reh lami di kadaton
 ngantos raka teu geura sumping
 geus lami teu kapendak
 angkatna teu puguh
 geus kitu den Roro Santang
 nguping wartos ti para emban tur sidik
 yen raka dibenduan

51. Serta ditundung ku Kangjeng Gusti
 langkung, welas Nyai Roro Santang
 duh engkang kumaha bae
 kuring seja arek nyusul
 rada ewed manahna den putri
 rehna ditaluguran
 ku emban jeung babu
 beurang peuting henteu pisah
 para emban ngajaga kanyai putri
 siligenti salawasna

2. KINANTI

1. Roro Santang nu dicatur
niyat ngalolos ti peuting
harita emban geus tibra
wancina kira janari
kaluar ti jero puri
henteu aya nu ningali

2. Kadaton enggeus kapungkur
geus lepas angkatna putri
beurang peuting leuleuweungan
nyorang lebak reejeung pasir
teu puguh anu diseja
Roro Santang nyai putri

3. Unggah gunung turun gunung
teu tuang teu leueut cai
bawa ning hayang patepang
jeung saderek raden putri
tunda heula nu keur angkat
kakocapkeun di jero puri

4. Para emban kabeh geus ngaguruh
langkung nalangsa careurik
tuluy unjukan ka raja
gusti abdi tur tingali
ayeuna putra gamparan
ngalolos waktu ti peuting

5. Parameswari langkung gugup

ngersakeun ka kangjeng gusti
 bari jeung nangis sasambat
 kangjeng raja kitu deui
 aduh eneng putri mama
 naha mama ihlas teuing

6. Saha nu ngaganti ratu
 di Pajajaran nagri
 enggal Sang Raja nimbalan
 ka raden Arga Patih
 geuwat patih maneh iyang
 pangneyangkeun den putri

7. Lamun tacan hasil maksud
 tegesna tacan kapanggih
 maneh ulah waka mulang
 sumangga piunjuk patih
 parantos tuntas timbulan
 jisim abdi pamit indit

8. Geus kawidian ku ratu
 Siliwangi tuluy mulih
 jeung gerwa ka jero pura
 Raden Patih eunggeus indit
 geus kapungkur Pajajaran
 lepas angkatna den Patih

9. Di jalan henteu kacatur
 ka Taji Malela sumping
 tepung sareng hiji ajar
 tegesna pandeta leuwih

Den Patih masih di dinya
jadi santri Ajar Sidik

10. Tetep salawasna hirup
Patih henteu mulih deui
ka nagara Pajajaran
jenengan enggeus dilandi
nelah Dawung Awuk eta
Medang Kamulyan Dipati

11. Tunda ayeuna dicatur
nu keur angkat beurang peuting
nyorang pirang-pirang tegal
sapanjang jalan nangis
teu pegat nyusut cisoca
sasambatna melas-melis

12. Engkang kamana nyusul
antosan ieu sim kuring
di leuweung eukeur sangsara
kapaider beurang peuting
reya pisan sato galak
Den Putri jeung bari ngajerit

13. Belug tuluy Den Putri labuh
dina taneuh henteu eling
matak watir mun katingal
lalampahan Nyai Putri
teu lila tuluy kapendak
ku Nyai Endang Saketi

14. Di Gunung Tangkubanparahu
tuluy dipontok Den Putri
serta tuluy ditangisan
aduh eneng putra aing
Roro Santang enggeus gugah
geus ngalilir Raden Putri

15. Nyi Saketi gasik nyaur
mariksa ka Raden Putri
nyai teh anu ti mana
sareng saha ngaran nyai
sareng na arek ka mana
Roro Santang matur takdim

16. Jisim kuring putra ratu
Pajajaran Siliwangi
nu nelah pun Roro Santang
nyusul dulur sim kuring
nu wasta pun Walang Sungsang
ditundung ku Kangjeng Gusti

17. Kaget Nyi Endang ngarangkul
kutan ieu anak aing
bisi nyai teu uninga
nyai teh perenah bibi
ari Siliwangi teya
saenyana lanceuk embi

18. Embi saderek nu bungsu
Sepi Rasa ngaran embi
turunan ti maha raja

nu jenengan Celeng Saranggi (?)
 ari karep nyai eta
 eta rempung liwat saking

19. Nya eta rek neyang dulur
 anu lolos ti nagri
 tapi teu bisa mekelan
 ngan ieu mulyana nyai
 jimat raksukan nu ngaran
 anter kusumah ti ipri (?)

20. Kasiatna eta baju
 lamun dipake ku nyai
 bisa ngambah awang-awang
 raksukan enggeus ditampi
 sarta dianggo harita
 ku Roro Santang den Putri

21. Nyai Endang mindo nyaur
 jeung nyai mundu dilandi
 nyai batin eta meujeuhna
 kitu deui maneh nyai
 ti dieu teh mudu lempang
 ka gunung Cikung indit

22. Eta di gunung Ciliyung
 di dinya eta nu sakti
 hanteu aya dua tilu
 eta sajatining hurip
 anu tembong teu katingal
 dina sajeroning ati

nyaeta pura wisesa
eta cahaya anu hurip

23. Tunda anu eukeur tapakur
kocap deuyi nyai putri
harita sumping kadinya
tuluy munjungan sakali
Sang pandita pek mariksa
ti mana asal nyi putri
24. Jeung saha ngaran nu tangtu
anu matak maneh wani
asip kana patapaan
Roro Santang matur ta'dim
sim kuring ti Pajajaran
Putra Prabu Siliwangi
25. Pun Roro Santang nu nyebut
anu mawi kumawani
dongkap kapayun ajengan
keur neangan dulur abdi
nu wasta pun Walang Sungsang
nu mawi kadieu mampir
26. Sang pandita lawas nyaur
euweuh didieu mah nyai
dulur maneh Walang Sungsang
teangan kawetan henjing
di dinya aya pandita
anu calik di gunung marpi (?)

27. Sang Danuwarsi kasebut
kitu deuyi maneh nyai
ku enyang dilandi ngaran
pantes nelah nyai eling
pasti kersaning yang sukma
lamun jaga putra nyai
28. Bakal jadi wali kutub
wawakilna Kangjeng Nabi
reujeung deuyi ditalukan
ku eusining bumi langit
nu jenengan kangjeng Sultan
Sinuhun mangku agama
29. Roro Santang nyembah matur
ka pandita anggeus pamit
kaidinan lajeng mangkat
Putri nyorang leuweung deuyi
unggah gunung turun lebak
henteu eureun beurang peuting
30. Tunda anu dicatur
Sang pandita Danuwarsi
nu keur ngawuruk santrina
nya eta ka raden manteri
catur pandita asalna
ti Dieng pandita leuwi
31. Duwa rencangna kapungkur
katilu Sang Danu Warsi
di gunung Singkup (?) saurang

kaduwa di gunung Kumbing
ceuk pitutu kitab Akso
Sang pandita Danu Warsi

32. Geus beak murukna ilmu
kabudaan geus ditampi
ku Rahaden Walang Sungsang
sadayana geus kaharti
ngan kantun ilmu agama
anu teu acan kapanggih

33. Sang Pandita alon nyaur
bapa mah tacan ningali
nu ngaran ilmu agama
mudu neyangan deuyi
sugan aya nu boga
raden mudu guru deuyi

34. Gentos deuyi nu dicatur
kocap Roro Santang sumping
sarta tuluy bae nyembah
ka Pandita Danu Warsi
Sang pandita pek mariksa
bageya nu anyar sumping

35. Ti mana nya lembur matuh
sareng saha ngaran nyai
matur nyembah Roro Santang
kuring putra Siliwangi
raja nagri Pajajaran
neyangan dulur sim kuring

36. Pun Walang Sungsang ditundung
numawi kadieu mampir
kuring langkung hayang tepang
neyangan parantos lami
pandita kaget manahna
pandita nyaur deuyi mantri
37. Geuwat-geuwat dieu agus
iyeu dulur raden sumping
Walang Sungsang angkat enggal
kaget ningal den putri
dirontok ku Sang Walang Sungsang
duwanana pada nangis
38. Nyai dulur engkang estu
naha saha rencang nyai
matur nyai Roro Santang
pun jisim kuring perbadi
teu pisan ngabantun rencang
nyai putri bari nangis
39. Danuwarsi alon nyaur
meunggeus putra montong nangis
balik ieu mudu tampa
ngaran ampal ali-ali
lelepen anu baheula
hasiatna leuwih sakti
40. Amot sagara jeung gunung
aya bumi aya langit

sakumaha alam dunya
 Walang Sungsang enggeus nampi
 lelepen dianggo enggal
 awor kulit eujeung daging

41. Sang pandita deuyi nyaur
 jeung ieu bapa maparin
 Putra bapa anggo garwa
 anu ngaran Indang Geulis
 Walang Sungsang enggeus nikah
 ka Putri pandita Sidik
42. Kana lelepen geus asup
 Roro Santang Indang Geulis
 Raden putra enggeus pamit deuyi
 Sang pandita nyaur deui
 Raden mudu pindah ngaran
 jenengan Somadulloh
43. Jeung mudu leumpang ka gunung
 Ciangkup ngaranna deuyi
 didinya aya pandita
 Sangiyang Nenggo langkung wulangit (?)
 Somadulloh enggeus jengkar
 lepas lampahna den putra
44. Nyorang pirang-pirang gunung
 neangan Sang Gunung Jati
 tunda anu keur lumampah
 kocap nu keur tapa lali
 Sangiyang Nenggo sabutna

langkung kasmaran ka Gusti

3. ASMARANDANA

1. Pandita Buda geus leuwih
 di gunung Singkup keur tapa
 tapi tacan aya keneh
 tataning ilmu sare'at
 wantu pandita buda
 keur sujud ka Dewa Agung
 henteunaya tingal duwa

2. Ngan cipta diri pribadi
 nu tembong teu katingalan
 jatining sukma eta teh
 lir upama surya kembar
 sajatining hurip pisan
 Sang pandita langkung sujud
 henteu pegat pancalriya

3. Tunda anu barangta kingkin
 sumujud ka den mulya
 kocap deuyi dicarios
 eta Raden Somadulloh
 tegas ngadeuheus ka pandita
 Sanghiyang Nenggo lajeng nyaur
 Mariksa ka Somadulloh

4. Bagea anu anyar sumping
 Rahaden anu timana
 Somadulloh matur alon

jisim kuring ti Pajajaran
wasta pun Somadulloh
sim kuring hayang guguru
Agama Nabi Muhamad

5. Sanghiyang Nenggo nyaur manis
didieu mah henteu aya
Bapa kakara ngadenge
nu ngaran ilmu agama
ngan bapa teh nguping warta
Kitab buda geus kasebut
yen eta agama buda

6. Diganti agama Nabi
kitu ceuk pitutur kitab
Mustaka Jamus geus tangtos
papagem agama buda
sarengna eunggeus kasebat
nu baris jadi pupucuk
ngabuka ilmu agama

7. Asalna ti ujang pasti
di Jawa aya agama
tapi bapa hanteu ngartos
ka eta agama mulya
ngan iyeu pikeun sarat
lamun ujang hayang punjul
golok ceng mudu tampa

8. Iyeu golok leuwih sakti
bisa ngambah awang-awang

kitu deuyi bisa ngomong
 sakumaha adat jalma
 jeung raden diganti ngaran
 kiyaki sangkan panuju
 bibitna agama mulya

9. Geura bral ka Gunung Kumbing

didinya aya pandita
 sipat oray pandita teh
 ngadeuheus raden kadinya
 sababna aya pusaka
 ata jimat mudu pundut
 bapa darma tuduh jalan

10. Raden putra enggeus pamit

jengkar lepas angkatna
 neyangan guru nu kahot
 angkat ti peuting ti beurang
 teu aya pisan eureuna
 hanteu dahar hanteu nginum
 ngiras jadi pangtapana

11. Neyangan pandita leuwih

tunda heula anu angkat
 kocap nu keur tapa jongjon
 eta Sang pandita Naga
 anu keur ngajaga jimat
 pusaka buda karuhun
 ngaran umbul-umbul tea

12. Jeung turna kopeyah warnung (?)

nya eta nu dutunguan
 tapi darma mungguan
 henteu meunang ngabogaan
 kusabab lain milikna
 mun jaga aya nu cunduk
 putra raja Pajajaran

13. Nya eta nu boga milik
 atawa anu ngabogaan
 mundu dipasrahkeun bae
 nya eta bibiting audiya
 Sang Naga ngatakeun jisim
 kawawang siting dewa Agung
 di Gunung Kumbing tapana

14. Henteu lila jebul sumping
 eta Raden Walang Sungsang
 tuluy ngadeuheus baye
 Pek Sangiyang Naga mariksa
 sarta kaget jero manah
 bagea nu anyar rawuh
 Rahaden anu ti mana

15. Sareng saha nya kakasih
 serta rek angkat kamana
 raden putra matur alon
 sim kuring ti Pajajaran
 nama sim kuring Walang Sungsang
 sim kuring neyangan guru
 seja ka gunung Anjana

16. Sang Naga pek nyaur deuyi
aki teu nyaho agama
kakara pisan ngadenge
aki iyeu mere surat
jimat ngaran umbul-umbul
wasiatna waong jawa buda

17. Kasiatna geus pasti
mun jimat dipake perang
sok kapaider musuh teh
teu nyahoeun batur mah
kasiatna matak teguh
henteu teurak ku pakarang

18. Jeung ieu kopeah waring
sok teu katingal ku jalma
jeung dipikasieun baye
ku jin jeung setan siluman
sadaya enggeus ditampi
Sanghiyang Naga mando nyaur
jeung aki mere jenengan

19. Somadulloh nya kakasih
pasti kersaning yang sukma
bibiting auliya gede
ngabuka elmu agama
lantaran ti raden putra
sareng raden mudu laju
ka gunung Cangak (?) nya angkat

20. Ngimpen aya jimat deuyi

panjang bereh pendil waja
 kasiyatna leuwih aheng
 Kodatulloh lajeng jengkar
 angkatna geus jauh pisan
 gunung Kumbing geus kapungkur
 ti dinya ngaler angkatna

21. Tunda ayeuna kocap deuyi
 kocapkeun di gunung Cangak
 nya eta Sang Ratu Bango
 dideuheusan wadiya balad
 pepek jeung para ponggawa
 Sang Ratu Bango ngadawuh
 patih gancang enggal dangdan

22. Jeung sakabeh para bupati
 ku maneh kudu timbalan
 sabab aing arek moro
 salawasna jadi raja
 aing teh tacan ngarasa
 meunang sorangan saena
 Den patih hatur sumangga

23. Geus pendak para bupati
 lajeng baye ratu angkat
 diiring ku menteri kabeh
 tengera ngungkung disada
 geus rame di awang-awang
 sang ratu geus gentos semu
 henteu nganggo karajaan

24. Jadi sipat bako naksi (?)
 ngalayang di awang-awang
 henteu lila eunteup bae
 sadaya kana kiyara
 pinuh ku manuk sadaya
 pateyup (?) luhureun kayu
 kocap keuna den Kodatulloh

25. Angkatna teh enggeus nepi
 ka deukeut tangkal kiyara
 Raden ningal langkung kaget
 manuk sakuti nyanak
 geus ngaguruh sowarana
 Rahaden emut kapungkur
 wasiatna sahiyang Naga

26. Sakiu nganggo kopeah waring
 serta bari ngadeukeutan
 tangkal kiyara nu gede
 Kadatulloh teu ningal
 ku manuk sadayana
 kasiyat kopeah punjul
 matak megatkeun paningal

4. MAGATRU

1. Enggeus sidik Raden ningali ka luhur
 taya antarana deuyi
 eunteupna di luhur kayu
 peteyep sapeun tur pipit (?)
 dahan kabeh eusi bango

2. Kadatulloh nyaur sajeroning raga
kumaha petana kenging
aing iyeu rada euwuh
kumaha akalna deuyi
ambéh beunang eta bango

3. Kadatulloh ningal awi gede alus
seug dipotong eta awi
sarta dijieun buku
tuluy dipasang sakali
dina dahan geus gumantung

4. Kakocapkeun Sangiyang enggeus asup
enggeus sipat langak cai
bango ningal kana languk
deleg nyampeurkeun sakali
rek asup ka jero badawang

5. Ratu bango geus ngagimbung
tapi ribung liwat saking
neyangan panto teu timu
sumawona bango manteri
ngiring isin
ku Sang bango katong

6. Teu waniyeun deukeut eta katong ratu
raja bango langkung ginding
dedegna gede tur pulur
buluna hideung lir mangsi
lir samberhan mencrong

7. Ratu bango nguriling neyangan pintu
hanas lila teu kapanggih
Ratu bango langkung bingung saur
lauk di teureuyan sakali
bijil neyangan panto

8. Na kamana
teu kapanggih ratu bango langkung bingung
nyaur sajeroning ati
iyeu aing bisa asup
tapi henteu bisa bijil
kamana neyangan panto

9. Awas ningal den putra enggal ngaburu
atuh leuwih untung aing
meunang bango enggeus tangtu
bango dicancang sakali
sukuna geus diborogod

10. Kadatulloh galakna geus dicatur
kersana arek dipeuncit
Sangiang bango tuluy matur
atuh raden beuheung kuring
paralun ulah dipotong

11. Diteb-ditebus bae ayeuna ku barana alus
atuh kuring ulah dipeuncit
Kadatulloh tuluy nyaur
lamun enya omong palias
heug ku kami moal dipotong

12. Sakumaha pamenta maneh diturut
maneh dihirupan pasti
Ratu bango ti dinya nyaur
naon pamundut ka kuring
moal datang ka mogok

13. Kadatulloh tuluy mindo deuyi nyaur
panyang beunang pendil beusi
ku kami nu dipundut
huleng bango bari mikir
dibikeun eta mah poguh

14. Enggeus tangtu sagala aing teu laju
ku sabab nu sakaliwat
jimat titinggal kapungkur
mun teu dibikeun geus tangtu
beuheung moal gagal dipotong

15. Kadatulloh ka bango pek deuyi nyaur
kuma pikarepkeun paksi
naha maneh bet ngaheluk
raja bango matur takdim
sumangga taya sawios

16. Najan kuring kasanggakeun kaulanun
sadaya kersaning puri
lamun ku raden dipundut
sim kuring sumangga teuing
ngan ulah datang ka maot

17. Raden putra Kadatulloh bungah langkung
bari nyoeran tali
jeung kadiyeukeun tadating
anu ngaran pendil beusi
Ratu bango matur alon

18. Meunggeus bae raden tuturkeun ti pengker
gancang bango tuluy indit
ratu bango tuluy ngaping
raden nuturkeun pandeuri
nuturkeun kalangkang bango

19. Henteu lila bango eunteup kana kayi
kana tangkal kiyara tadi
den Kodatulloh pek nyaur
tadi omong maneh paksi
majarkeun boga karaton

20. Jeung nagara maneh gede liwat langkung
naha ieu eunteup deuyi
kana tangkal kiyara luhur
sugan bohong maneh paksi
ratu bango nyaur alon

21. Antos heula didiyeu bisi kasarung
gancang carios digurit
teu panjang deuyi catur
ka gunung Cangak geus sumping
Den Putri jeung ratu bango

22. Kana guha duwaan enggeus arasup

katingal petana nagri
 sareng leungit sipat manuk
 geus digentos sipat jalmi
 jeung reya para Bupatos

23. Pepek kabeh para ponggawa ngaguruh

budak pendek budak leutik
 budak kembar langkung lucu
 raja bango matur takdim
 sumangga linggih kajero

24. Kadatulloh ngajawab kalangkung nuhun

kami enggeus lila tepang
 kadiyeukeun eta daling
 sareng panjang bareng deuyi
 dipaehan lamun bohong

25. Geuwat bango kami hayang geura puguh

ratu bango jawab deuyi
 raden mugi ulah rusuh
 moal burung eta pendil
 ku raden kacandak tangtos

26. Enggal bae pendil beusi geus dipundut

Kadatulloh enggeus nampi
 pangjang beurang sareng peuting
 beurang kasiatna leuwih
 bijil balad ewon-ewon

27. Ari pendil bijil kadaharan alus

kasiatna panjang deui

lamun ditangkubkeun tangtu
 sadaya sangu kabeuli
 gogorengan sambel gede wah

28. Geus sadiya sadayana deungeun sangu
 ratu bango matur deui
 jeung raden gentos jujuluk
 Raden Kuncung nya leuwih
 kuncung pamit ka Sang bango

29. Tuluy jengkar gunung jengkar geus kapengker
 gunung jati geus katingali
 nya eta nu dijugjug
 gentos anu dicatur deui
 nu tapa pandita kahot

30. Ayat Mekah nya eta pernah putu
 Kangjeng Nabi Kang Saliki
 keur tapa eta di gunung
 nu jenengan Sang Nurjati
 Kundung dongkap ka Cirebon

5. PUCUNG

1. Sang Nurjati eukeur perhatin kalangkung
 taya liyan tingal
 ngan cipta salira dewek
 Sang Nurbaiyan
 sidik eta geus uninga
2. Lamun bakal kasemahan putra ratu

ngaran Walang Sungsang
bibiting agama kahot
henteu lami raden Kuncung jebul dongkap

3. Enggeus naek kana pupucukna gunung
jeung Nurjati tepang
sarta lajeng munjung bae
Sang Nurjati tuluy bae mariksa
4. Raden putra bagea nu anyar rawuh
ti mana nya asal
reujeung jenengan teh saha jenengan teh
nyembah matur Kuncung ka pandita
5. Pajajaran asal sim kuring kapungkur
wasta pun Walang Sungsang
mawi sim kuring ngalolos
nya kadiyeu dongkap neyangan impiyan
6. Kitu deui ulah jadi bendu
naros ka pandita
beh mana gunung Jati
eujeung jengan sang Nurbayan
7. Sang pandita gumuyu barita nyaur
nya didieu pisan
nu ngaran gunung Jati teh
jeung kawula nu ngaran Sang Nurbayan
8. Asal Mekah pernah putu Kangjeng Rosul
didiyeu eukeur tapa

sareng ari lilana teh
kira duaratus taun geus meunang

9. Jeung geus pasti eta kersaning Yang Agung
ti maneh asalna
pabuka agama teh
kacarios raden Kuncung enggeus bingah

10. Geus diwuruk agamana Kangjeng Rosul
ka Sang Nurbayan
sadayana geus kahartos
Sang Nurbayan ka raden Kuncung nyandika

11. Maneh mudu sumping ka basisir laut
nyieun padukuhan
geuwat bral ngababad bae
jeung agama maneh eta eta kitu

12. Cakra Bumi ngaran maneh eta kitu
ayeuna geura beral
Cakra Bumi pamit miyos
gancang bae henteu kocap di jalana

13. Enggeus dongkap ka eta basisir laut
damel panaak sadiya
jeung ngadamel masjid gede
dipancungan kebon pasir ngarana

14. Nu mimiti dibabad di lembur Sembung
leuweung gede pisan
cucuk haur eujeung kaso

kakaiyan dinya gede pisan

15. Jengkar Bumi golakna enggeus dicatur
 eujeung sasauran
 geura cacar maneh golak
 kakocapkeun golak cabang geus ngababad

16. Kakaiyan pirang-pirang geus rubuh
 langkung tina gancang
 beruk-beruk kai nu galede
 sirna kabeh sarupaning kakaiyan

17. Tina golak bijil seuneu gede hurung
 kai beunang nyacar
 enggeus kaduruk sakabeh
 nu kagungan ngeunah kadeuleu dipondokeun

18. Ngan ngalaksana nyacar bae geus ngagempur
 leuweung jadi caang
 catur ari legana teh
 beunang nyacar golak nu bijil seuneuna

6. MIJIL

1. Kira aya saratus jeungkal pasagi
 kitu eta ceuk carios
 serta nyiyeun pager di dinya teh
 kadang jaba-jaba eta deui
 tuluy nyieun bom
 di kanonoman alus

2. Dewa putri tina ali bijil
calik bari mando
Indang Geulis eta garwana teh
jeung saderekna Roro Santang putri
langkung sami asih
Indang Geulis sujud

3. Cakra Bumi enggeus nama nelahna
Kuwu Santang Kebon (?)
beurang peuting tara pisan sare
ari padamelanana maring
mun ngala tarasi
seug unggah ka gunung

4. Gunung Cangak engona tarasi
nya eta Cirebon goreng eta ngaran teh
parahuna disorong tumali
ku panangan hiji
unggahna ka gunung

5. Kuwu Santang bari nyandak waring
henteun pisantawong
saban powe damelna teh
kacaroyos lami ti lami
enggeus reya jalmi
nu hanyang dudukuh

6. Jalma-jalma marelak bitani
sarta nyiyeun pondok
beuki lami nagri tambah rame
sakur pepelakan jadi

rame miah leungit
salaman patepung

7. Mani enggeus dongkap ka basisir
nu nyarieun imah pawon
Kuwu Santang anu ngababadna teh
malah Kuwu Santang leuweung deui
tetep nyiyeun bumi
di kanoman punjul

8. Panggedena Palimanan kawanti
saban bukin caos
pajeg tarasi henteu pisan geseh
jeung harita palunana ditarik
gawuh nagri

9. Kakocapkeun Kuwu Santang deui
ngala tarasi jongjon
enggeus sataun eta lamina teh
di gunung Cagak ngala tarasi
enggeusna tuluy mulih
ti gunung geus lungsur

10. Enggeus tepang sareng garwa putri
enggeus sapatemon
minangka jadi tapa bae
eta nya eta hoyong meunang ilmu
ayeuna geus lami
teu emut ka guru

11. Henteu ngadeuheus ka Gunung Jati

kubawaning poho
 henteu emut reya gawe
 enya eta damelna sok maring
 eta ngiras jadi
 tapa di laut

12. Kakocapkeun ayeuna Sang Nurjati
 enggeus lami ngantos
 Kuwu Santang tacan dongkap keneh
 tuluy bae jengkar teh Nurjati
 sakedap geus sumping
 kakanoman jimunduk
13. Geus tepang jeung Kuwu Santang deui
 jeung uluk salam alon
 geus diwangsul eta sakumna teh
 duwanana ti dinya lalinggih
 saur Sang Nurjati ka Santang Kuwu
14. Naha lawas maneh Santang Bumi
 henteu geura lapor
 boro diantos unggal powe
 tapi maneh henteu wae sumping
 manan enggeus lami
 geus leuwih sataun
15. Iyeu dukuh ge geus rame teh teuing
 kasirima marontok
 imah-imah geus pepepek sakabeh
 kuwu Santang ngawangsul ta'dim
 taya sanes abdi ngan bebendu guru

16. Sadayana lepat jisim abdi
rumaos nu bodo
ngan pamugi dihampura bae
reh sakitu kalepatan abdi
pandita ngalahir
raden putra tangtu
17. Jeung deui ayeuna pamenta kami
maneh mudu mios
ka Baetulloh jeung dulur maneh
nya eta mudu mungmah haji
tapi Indang Geulis
eta montong milu
18. Didiyeu bae matuhna cicing
di nagara ngantos
reujeung maneh di saha bae mondok
iyeu bawa surat kami
kuwu Santang ta'dim
dawuhaning guru
19. Sumangga sim kuring seja ngiring
Sakersa cumaos
geus amit keuduwaan bae
kuwu Santang sareng Nyai Putri
nya ilaing ngiring
duwa anom laju

7. SINOM

1. Tapi ari kareuwas mah
ha Mekah henteu ngiring
ngantos bae di nagara
kocap nu geus angkat tadi
di jalan teu kawarta
enggalna nyai geus cunduk
enggeus dongkap ka Jedah
tuluy bae ka nagri
enggeus dongkap eta ka nagri Mekah

2. Tepang jeung seh Bayanulloh
duwanana geus lalinggih
di jero bumina seh Bayan
seratna enggal ditampi
ti seh Gunung Jati
geus kamanah Bayan nyaur
kawula teh arek naya
dimana seh Datuk Kopi
Kuwu Santang enggal bae ngawalon

3. Sumuhun di tanah Jawa
bumina seh Datuk Kopi
iyeu leuweung Santerima
niyat bade mungguh haji
seh Bayan nyaur deui
atuh mun kitu mah sukur
alhamdulillah pisan
lamun sampeyan rek mulih
poma-poma nurut kawula rek numpang

4. Nya eta nu diteyangan

ku kawula enggeus lami
 kuwu Santang ngawalon
 tuwan seh mangga teh teuing
 mun kula enggeus haji
 sarta kula seja guru
 gancang bae carita
 Kuwu Santang enggeus wirid
 geus diwuruk perkawis kalimah sahadat

5. Jeung pawuruk ilmu kitab
 sadaya enggeus kaharti
 seh Bayan nu kacarita
 geus kaungkulan ku murid
 hal sadaya ilmu-ilmu
 bag-bagan agama Rosul
 Kuwu Santang enggeus paham
 ngungkulan Seh Bayan Sidik
 tunda heula gentos nu dicarita

6. Kocap di Mesir nagara
 ratu nu keur perhatin
 reh katinggal ku garwana
 mulih ka romatulloh
 kalangkung barang ta kingkin
 kasengsem manah Sang Prabu
 ngumpulkeun para ulama
 sadayana kitab madim
 di paseban ngaguruh para ponggawa

7. Miwah ratu langkung susah
 reh garwa seh raja putri

eta keur bobot pupusna
 tuluy nyaur raden patih
 patih Anwar geus sumping
 Sang Ratu lajeng ngadawuh
 maneh kipatih ayeuna
 rek dipiwarang ku kami
 mudu indit ngajajah unggal nagara

8. Nu numbang jeung garwa kami
 ciri wancina sadaya
 jeung jaba ti dinya deui
 sarua jeung den putri
 garwana kami anu pupus
 ulah waka arek mulang
 lamun maneh tacan hasil
 poma-poma patih maneh masing meunang

9. Patih Anwar matur nyembah
 parantos timbalan gusti
 mugi kenging aya ka berkah
 jijig pandua ti gusti
 geus idin lajeng indit
 patih angkatna geus jauh
 ti dayeuh Mesir nagara
 ngajajah unggal nagri
 nya eta neyangan putraning raja

10. Anu nimbang jeung gustina
 garwana Sang Ratu Mesir
 dongkap ka nagara peuntas
 Istambul Sam jeung Turki

Bustam henteu manggih
 los ka Aceh geus nimu
 malik deuyi seug ka Mekah
 megat anu mantos haji
 sugan aya urang Jawa nu ka Mekah

11. Den Patih megat deui di jalan
 ka kocapkeun nu mulih haji
 eta Raden Kuwu Santang
 jeung Roro Santang nyi Ehing
 ku patih geus katingal
 aya istri langkung punjul
 istuning sarua pisan
 jeung garwana ratu Mesir
 dieureunkeun ku patih pek dipariksa

12. Rahaden anu ti mana
 jeung saha eta kakasih
 Raden Santang ngawalonan
 Kuwu Santang jisim kuring
 tanah Jawa matas haji
 nurut kapakong guru
 iyeu pun adi wastana
 Roro Santang nyai eling
 ari pondok kuring di seh Bayan

13. Patih Anwar pek ngandika
 mangga raden paman ngiring
 ka bumi tuwan Seh Bayan
 tiluwan geus jengkar deui
 jeung Bayan enggeus papanggih

opatan calik ngariung
 seh Bayan pek ngandika
 mariksa ku Santang deui
 eta saha tatamu nu anyar dongkap

14. Kuwu Santang pek ngajawab
 eta piwarangan gusti
 pati ti Mesir nagara
 seh Bayan pek nyaur manis
 naon kersa raden patih
 nu mawi ka diyeu cunduk
 patih Anwar pek ngajawab
 kawula piwarangan gusti
 dipiwarang neyangan putri nu endah

15. Nu simbung jang garwa gusti
 ayeuna dipareng manggih
 nya iyeu tatamu tuwan
 samalah kudu kairing
 jeung tuwan Bayan sidik
 sampeyan geus kudu milu
 ngadeuheus ata ka Raja
 eta di nagara Mesir
 katurunan sumangga cek Bayanulloh

16. Gancang carita geus miyang
 opatan ka nagri Mesir
 henteu kocap di jalana
 geus kapungkur Arab nagri
 enggeu meh dongkap ka nagri
 tunda heula nu lumaku

gentos deui carita
 kocapkeun sang Ratu Mesir
 enya eta sumuhun Raja Utara

17. Nu geus ka sengsrem ku garwa
 teu peyat muji ka gusti
 mugi-mugi sing laksana
 hal angkatna raden patih
 Raja eukeur nganti-nganti
 henteu lila patih jebul
 patih enggeu uluk salam
 enggeu diwarangsulan deui
 sadayana geus caralik di paseban

18. Kaget sang Ratu manahna
 Ratu ningal ka den putri
 meh lali raja Utara
 bis dirontok nyai putri
 emut ka nu geus mulih
 nya eta ka nu geus pupus
 estuning sarupa pisan
 taya bedana saeutik
 paribasa teu miceun sasiyeur pisan

19. Putri dipencrong ku raja
 samarasa langkung isin
 Raja Utara mariksa
 kumaha maneh ki patih
 eta dipiwarang ku kami
 ki patih nyembah jeung matur
 nuhun bebendu gamparan

berkating gusti bet manggih
nanging iyeu putri asal tanah Jawa

20. Tatamuna Bayanulloh

Den Roro Santang kakasihna
meuntas haji ti Baetulloh
sareng saderekna deuyi
pun Kuwu Santang kakasih

21. Sang ratu deui ngandika

aeh ayeuna Bayan Sidik
eta tatamu sampeyan
ku kula di penta pasti
piunjuk Bayan Sidik
ka Raja Utara Prabu
nun kersa gamparan
nya mundut ka Santang bani
tina margi tateh nu gaduh tanggelan

22. Geus kitu ratu ngandika

ka rahaden Santang Bani
samoan mungguh karempugan
eta perkawis den putri
disuhunkeun ku kuring
jadi eusining kadatu
seug ngawangsul Rahaden Santang
ku menggah eta sim abdi

suka pisan upami sianggo garwa

23. Ulah bon lawan (?) adi teya

sanajan diri

moal saha nu kagungan

ka Jawa gamparan gusti

kanjeng ratu Sukagalih

biyeung cariyos dicatur

gancang ratu enggeus nikah

ka Roro Santang nyi eling

enya eta walina teh Kuwu Santang

24. Kuwu Santang geus diganjar

sorban minangka mas kawin

panjangna sawidak depa

sorban titipan jung Nabi

diduwakeun sakali

jadi duwa pada gaduh

eta teh sapotong sewang

anu kake onjak antri

kapasihkeun nya eta ka Raden Santang

25. Jeung enya sasaratana

jenenganana para Nabi

kitu deuyi kakasihna

jeung suruhan Gunung Jati

jeung sakabeh para wali

kakasihna geus kasebut

ta sorban geus katampa

jeung diasupkeun sakali

kana jimat ali ampal teya

26. Seug nyaur raja Utara
 sareng ngaran enggal ganti
 jenengan seh Abdul Kiman
 nuhun hatur Santang deui
 Abdul kiman lajeng pamit
 ka raja Utara mundur
 seug nayur ka Roro Santang
 masing betah maneh nyai
 ka caroge nyai nitipkeun salira

27. Masing ati-ati pisan
 engkang ayeuna rek balik
 Abdul Kiman enggeus jengkar
 sareng Bayanulloh Sidik
 kakocapkeun putri
 anu kantun jero karaton
 langkung-langkung nya nalangsa
 nangis bae beurang peuting
 nu kacipta ngan saderekna Abdul Kiman

28. Teu weleh-weleh ngupahan
 Rakana Sang Raja Mesir
 tangis nyai Roro Santang
 tambah nalangsa nya pikir
 mu damang mah nyai putri
 nyai putri geuwat mungkur
 langkung cewad manah raja
 langkung barangta ka putri
 tunda heula kacatur Abdul Kiman

29. Jeung Bayan nu enggeus dongkap
 mulih ka pondok geus tepi
 nya eta bumi seh Bayan
 badami numpang ka Jawa
 niatna hayang papanggih
 ka Seh Gunung Jati estu
 nya eta rek muwapakat
 kitab Qur'an sareng ilmu
 haturna seh Abdul Kiman sumangga
30. Tapi kudu ngantos heula
 watesna satengah sasih
 sok hayang uninga heula
 jajahan Mekah nagri
 Bayanulloh nyaur deui
 nya sae diantos tangtu
 Abdul Kiman enggeus mangkat
 lepas lampahna digurit
 geus ngajajah wewengkon Mekah nagri
31. Nagri Aceh anu kocap
 keur usum reya panyakit
 susah kabeh sanagara
 jalma reya anu mati
 gering isuk sore pupus
 samaleh garwa seh Raja
 nu sepuh geus lastari
 jeung ningalkeun putra barey keneh pisan
32. Orok beureum ceuk babasan
 ngan sahiji seueurna istri

matak watir anu ningal
 kitu deui kanjeng gusti
 raja Aceh nya kakasih
 kakasihna teh sultan Kut (?)
 keur nganglus wales teu damang
 kocap nu ngajajah nagri
 Abdul Kiman angkatna geus lepas pisan

33. Ka nagri Aceh geus dongkap
 seug tepang jeung hiji istri
 istri naroskeun enggal
 ka semah nu anyar sumping
 gamparan anu ti mendi
 Abdul Kiman seug ngawangsul
 kula semah ti Jawa
 seja ngalayad ka gusti
 tawur deui emban ka Andul Kiman

34. Seug kawasana henteu meunang
 ulaban gamparan deuyi
 nahan sadaya ponggawa
 atawa parabupati
 henteu pisan kenging
 asup ka jero kadaton
 seug ngajawab Abdul Kiman
 hayang nyaho bae nyai
 coba-coba nujukeun ka Raja

35. Kula sanggup ngalandongan
 kitu deui hayang panggih
 gancangna nyi emban mangkat

melebet ka jero puri
 dongkap kapayuneun gusti
 nyi emban nyembah jeung matur
 nun gusti yu aya semah
 haji asal tanah Jawa
 enya eta nemana pun Abdul Kiman

36. Eta Sanggem ngalandongan

Sultan Kut (?) nyungkeul sakali
 reh teu tiayasa sasauran
 tina walesna kasakit
 emban enggeu mengerti
 geus nyembah barina tuluy
 nepangan ka seh teya
 mangga disaur gusti
 geus ka Abdul Kiman ka jero pura

37. Jeung sultan Kut geus patepang

para emban nu ningali
 sadaya kaget manahna
 wantuning anyar papanggih
 seug nyaur Abdul Kiman
 ku Raja anu keur ngangluh
 ayeuna teh geura damang
 sultan Kut geus damang deui
 teu kalawan dilandongan den putra

38. Pangawasa ali ampal

langkung-langkung tinamatih
 duwanana geus salaman
 geus lalinggih dina korsi sulta pek nyaur

engkang basa rayi kitu
 naon kersa kang raka
 ngawangsul Abdul Kiman
 engkan hayang uningan dipanyabaan

39. Enggeus lami sasauran
 nyarioskeun agama Nabi
 geus mupakat sadayana
 seud tidinya Dul Kiman
 nguping aya anu nangis
 nya eta putra Sang prabu
 emban teh bingung manahna
 nalangsa di jero pikir
 murangkalih dipangkon ku Abdul Kiman

40. Harita repeh nangisna
 seug Abdul Kiman ngalahir
 rayi iyeu putra sae
 Sultan kut ngalahir deui
 eta sayaktosna rayi
 eta teh teu gaduh ibu
 Abdul Kiman angandika
 disuhunkeun putra rayi
 deuk dibantun ayeuna ku engkang mulang

41. Sultan Kut ngawangsul enggal
 taya sawiyos teh teuing
 kang rayi pasrah ka engkang
 geus kacandak murang kalih
 seug diasupkeun sakali
 ka lelepen ampal tuluy

Abdul Kiman geus pamitan
 geus mangkat ti Aceh nagri
 enggeus leupas di jalan teu kacatur

42. Kocapkeun seh Bayannulloh
 rek numpang angkat ka Jawa
 neyangan seh Abdul Kiman
 sejana mupakat ilmu
 jeung kitab Qur'an deui
 lamina seh Bayan tunggu
 teu acan satengah bulan
 teu acan dongkap kana jangji
 nanging tuwan Bayanulloh henteu sabar

43. Kersana rek angkat sorangan
 kapalna geus tarapti
 tuluy bae beber layar
 seh Bayanulloh geus indit
 geus leupas lampahna deui
 tunda heula nu dicatur
 Raden Abdul Kiman
 Sumping ka Mekah nagri
 kaget ningali seh Bayanulloh geus mangkat

44. naha mana Bayanulloh
 bet henteu netepan jangji
 ka aing teh nyieun cidra
 ninggalkeun ka tanah Jawa
 Abdul Kiman geus ningali
 didinya aya paraem
 seug tuluy bae dicandak

geus dongkap ka sisi basisir
Parahu eta lajeng bae ditunggangan

45. Di jero manah geus nyipta
katingal seh Datul Oom
parahu gancang lir kilat
sumping ka kebon pasisir
sarta geus mulih rapi
jadi aki-aki linglung
nyorong parahu gawena
ka girang balik ka hilir
bari ngantos sumpingna seh Bayanulloh

46. Kocapkeun seh Bayanulloh
geus dongkap kana basisir
sareng Abdul Kiman tepang
mariksa ka Dul Kiman
lebah mana gunung Jati
Abdul Kiman ngawangsul
ana salah tuwan ti mana
Bayanulloh nyaur deui
asal Mekah seja ka gunung Amparan

47. Mesem nyaur Abdul Kiman
tuwan nyandak naon deui
wangsulna ngan mawa kitab
jeung mawa kalimah kalih
Abdul Kiman seug ngalahir
mun neyangan watak kebrul (?)
tuwan teh mudu ka wetan
ka gunung gajah nya indit

jaga tuwan tepang jeung retuning Saluja

48. Tepangna geus tangtu pisan
 geus pamit seh Bayan Sidik
 geus dongkap ka gunung Gajah
 tuluy tatapa sakali
 dana dinata ka jalmi (?)
 ningal nu ngalihah kudu
 sok dibere kadaharan
 atawa maparin cai
 langkung manis na tapa teh Bayanulloh

8. DANGDANGGULA

1. Anggeus mashur anu tapa lila
 Gunung gajah pangeran Pancaraga
 gentos anu dicarios
 kocapkeun aukeur di laut
 Abdul Kiman kalangkung barangta
 maring bae damelna
 nyorong-nyorong parahu
 beurang peuting di sagara
 dipamrih eta ulah kulem teuing
 minangka kalakuwan
2. Henteu aya kyai anu dipikir
 enya eta sirnaning raja
 asalna euweuh jadi aya teh
 sang geusan aya kitu
 euweuhna teh ka mana deui
 mudu pisan uninga

ka parwaning hirup
 enggeus lamun henteu kapendak
 enggeus tangtu sasar patina sikapir
 kaya patingning hewan

3. kahayangna hayang ka sawarga
 eta tekad anu bingung teya
 Abdul Kiman kacarios
 kalangkung barangta wuyung (?)
 kana unggal basisir mampir
 nya eta nyieun tapak
 tunda wali punjul
 tina emut ka garwana
 reh kapungkur piwarang munggah haji
 ti laut tuluy hanjat

4. Kapanceman hennteu lila jol sumping
 geus teu nyampak guru teu aya
 nganaya serat bae
 enggalna geus kauraphun
 lamun maneh haying panggih
 kudu kapandan jalma (?)
 sareng maneh kudu
 netepan adapt biyasa
 ani jadi wajib
 pameget jeung istri
 tina sabab enggeus lawas

5. Abdul Kiman ti dinya enggeus mulih
 sareng Indung Geulis geus patepang
 Indung gelis sujud bae

seh Abdul Kiman nyaur
 missing sabar tawekal nyai
 ngantos ku lampah engkang
 sabab najan tutup
 engkang nyieun kalakuwan
 putri imut sakersa kuring ngiring

6. Gancangna bae harita

Abdul Kiman sareng Indung Geulis
 geus sampurna netepan wajib
 sakumaha adat bae
 istri pameget campuh
 sakumaha anu galib Indung geulis teu kocap
 katurunan wahyu
 gancang den putri geus nyiram
 Abdul Kiman pek nyaur ka nyai putrid
 nyai iyeu kandaga

7. Mudu jaga masing ati-ati

sangkan kasinuhun
 reujeung nyai mudu wirid
 jeung putra ulah tinggal
 lamun geus ngajuru
 iyeu engkang mere ngaran
 mun awewe di ngaranan
 den Pakuwati
 pomo masing esto pisan
 sareng maneh kudu
 netepan adat biyasa
 ani jadi wajib
 pameget jeung istri

tina sabab enggeus lawas

8. Abdul Kiman ti dinya enggeus mulih
sareng Indung Geulis geus patepang
Indung Geulis sujud bae
seh Abdul Kiman nyaur
missing sabar tawekal nyai
ngantos ku lampah engkang
sabab najan tutup
engkang nyieun kalakuwan
putri imut sakersa kuring ngiring

9. Gancangna bae harita
Abdul Kiman sareng Indung Geulis
geus sampurna netepan wajib
sakumaha adat bae
istri pameget campuh
sakumaha anu galib Indung Geulis teu kocap
katurunan wahyu
gancang den putri geus nyiram
Abdul Kiman pek nyaur ka nyai Putri
nyai ieu kandaga

10. Mudu jaga masing ati-ati
sangkan kasinuhun
reujeung nyai mudu wirid
jeung putra ulah tinggal
lamun geus ngajuru
iyeu engkang mere ngaran
mun awewe dinggaranan
den Pakuwati

poma masing esto pisan

11. Mun lalaki kuma karep nyai

Abdul Kiman ti dinya geus jengkar
 enggeus jauh angkatna teh
 pandeu jalma nu dijugjug
 barang dongkap ka pandeu jalmi
 guruna henteu aya
 seh Nurjati suwung
 ngan aya bae tulisan
 geus dibaca unggelna enggeus kaharti
 yen maneh Abdul Kiman

12. Mudu didiyeu bae nya cicing

Maneh mudu nyiyeun patapakan
 Abdul Kiman nurut bae
 kana pituturba guru
 gancang carita digending
 Abdul Kiman geus babad
 kersna nyieun dukuh
 jenengan Ki Sabla Panadan
 enggeus jadi sukurna Panadan jalmi
 barina jeung nagsuh putra

13. Anu disimpen eta dina ampal ali

enya eta anu ti Aceh teya
 Istri langkung geulis teh
 cahayana murub mubyar
 sasat henteu aya tanding
 jenengan den Ganda Sekar
 rama asih liwat saking

nurut sakersaning putra
 nyai putri tatapa di Kertasari
 di dinya damel tapak

14. Ngalih deui tapana putri

ngadamel tapak di wanasuba
 teu kacatur lamina teh
 ti dinya seug ngalih tuluy
 tapa deui di Sungsang
 nya eta anu disebut
 Pangarogan estu
 geus nelah den pangurugan
 ramana mah nurutkeun teu kari
 matuh dipangurugan

15. Abdul Kiman nu dicatur deui

ayeuna kersa ngadamel sawah
 legana eta sawah teh
 geus pirang-pirang bau
 sarta getol nu omong tani
 beurang peuting maculna
 parena geus numpuk
 diakut tina sawahna
 henteu panjang dicaturkeun kampah tani
 geus henteu kakirangan

16. Kocap deui eta kangjeng ratu Mesir

ratu nu keur asih ka garwa
 nanging tacan sapasamon
 anu mawi sang prabu
 Langkung susah ningal sang Putri

tegesna papasangan (?) Rorosantang ratu
 taya layan nu kacipta
 ngan saderek Abdul Kiman beurang peuting
 teu tolih ka Sang Raja

17. Kacariyos eta dijero puri
 di jaga ku parekan jeung ku embank
 putri sedih manahna teh
 Sang raja tambah muyung
 kawas jalma meunang ku pirhatin
 kasmaran jero manah
 ti dinya tapakur
 neneda ka nu kawasa
 malah mandar aya pitulung nya ngawidian
 gancangna geus ditarima

18. Kocap piwarangan gusti Yang Maha Suci
 hiji manuk gede ti sawarga
 tuluy kapungkuran bae
 asup ka jero kadaton
 nyampeurkeun putrid nu nangis
 nya eta Rorosantang
 kaget liwat langkung
 ningal manuk gede pisan
 ngadaregdeg salirana nyai putri
 leuleus teu bisa obah

19. Manuk nyaur ulah reuwas nyai
 iyeu kami piwarangan Alloh
 ngemban dawuhan pang manon
 maneh teh kudu nurut

ulah baha ka raja Mesir
 sabab raja utara
 turunaning Rosul
 ngan mudu boga pamenta
 menta putra sakembaran duwa lalaki
 kitutimbangan Alloh

20. Sareng maneh nyai enggeus pasti
 jodo maneh nyai enggeus ka Raja Utara
 henteu meunang pisan geseh
 sang putri nyembah matur
 neda pamit ti dinya indit
 manuk leungit harita
 putri tuluy asup
 ngadeuheus ka payun raja
 tuluy nyembah Rorosantang raja putri
 ratu bingah manahna

21. Barang ningal ka garwana teh sumping
 gasik nyaur sang raja Utara
 enden engkang langkung atoh
 enden naon pamundut
 moal burung ditekanaan nyai
 rupaning dunya barana
 inten amas jamrut atawa jaba ti eta
 nu araheng nu euweuh di nagri Mesir
 moal burung laksana

22. Rorosantang matur sarta tak'dim
 nun sumuhun langkung nuhun pisan
 lahir gamparan eta teh

sarta abdi rek nurut
 sakumaha kersaning gusti
 dupi kulan nya barata
 abdi teu ka imut
 ngan paneda abdi teya
 hayang gaduh putra kembar tur lalaki
 sarta jumeneng raja

23. Sarengna marentah eta ka para wali

sarta ditalukan ka sakaya
 estuning bumi langit kabeh
 huleng raja raja ngadangu
 ngamanahna sajeroning galih
 eta lamun kitu mah
 aing henteu sanggup
 ku sabab henteu kawasa nyiyeun jalma
 ngan Alloh nu Maha Suci
 tegana kabina-bina

24. Eta pamundutna nyai putri

tuluy nyaur anatasan sakedap
 kangjeng raja kacariyos
 kana mibar geus asup
 salat hajat kersana deui
 antara geus beurang-beurang
 sang ratu ngadawuh
 kersaning Alloh taala aya sowara
 tanpa rupa langkung gaib
 eh jabar maha Raja

25. Sanggupan bae eta pamenta putri

geus ditanggung ku mungguhing Alloh
 Raja Mesir langkung atoh
 enggal ti mimbar lungsur
 mulih deui ka jero puri
 geus tepang sareng garwa Rorosantang matur
 naros hal kapungkur teya
 enggeus sanggup nraja Mesir ka dieu putri
 kantong kasinaran

9. ASMARANDANA

1. Kasmaran barang taning ati
 di jeroning pangkuleman
 manah putri langkung kaget
 wantu-wantu nu kakara
 kumpul rasaning rasa
 enggeus katurunan wahyu
 rohaning para ambiya

2. Gancang harita den putri
 bobotna geus opat bulan
 catur raja utara teh
 geus pamitan ka garwana
 sejana rek balanya
 rek angkat ka nagri Erum
 sakalian hayang tepang

3. Jeung saderek pernah rayi
 di Erum sang raja gota (?)
 ratu jeng Mesir jengkar bae
 henteu kocap di jalana

ka Erum enggeus dongkap
 jeung raja Gota geus tepang
 tuluy bae sasalaman

4. Raja Gota pek ngalahir
 haturan kaulanun raka
 jawab nuhun walonan teh
 pek deui mindo haturan
 Raja Gota ka Utara
 Kawas aya damel parju (?)
 Ratu Mesir ngawalonan

5. Saperkawis hayang panggih
 reh geus lila henteu tepang
 kaduwa pedah engkang teh
 rek barang beuli ka pasar
 jawadah saeusi pasar
 sareng rayim mudu rawuh
 ka Mesir nungguwan hajat

6. Hal bobotna embak putrid
 Raja Erum hatur mangga
 gancang bae cariyos
 Raja Erum miwarangan
 barang galeuheuna ka pasar
 dikana ontakeun tuluy
 sadayana enggeus sadiya

7. Harita wantu wengi
 keur kulem raja utara
 sareng rayina ngarendeng

kocapkeun raja utara
ngimpen prantos tepang
sareng eyang kangjeng Rosul
pisaur Nabi Muhamad

8. Eh ayeuna putu kami
mulang bae ka kasirnaan
moal sabaraha maneh
nyemahna di alam dunya
reya pisan sajabana
di angkat ku angyang tangtu
enya teu teu pikajangjina

9. Yen ayeuna mudu mulih
maneh ka alam sampurna
Sang ratu harita keneh
teu damang wales pisan
geus dongkap kana ajalna
Raja Utara geus pupus
Raja Erum kaget manahna

10. Liwat langkung Rajanangis
reh katelar ku rakana
henteu panjang dicarios
nu narangis dinagara
mayit geus diberesihan
lestari jisim dikubur
gancangna sang raja Gota

11. Eh Ki patih maneh indit
iyeu serat aing bawa

sanggakeun bae ka embak
garwana Raja Utara
nya eta ka Rorosantang
matur nyembah patih mundur
enggeus ka Mesir nagara

12. Di jalana teu kawarti
patih dongkap ka nagara
serat disanggakeun bae
dibuka ku Rorosantang
sadayana geus kamanah
ngajerit sang putri nyuuh
nangis bari sasambat

13. Ka raka nu geus mulih
nya eta sang Raja Utara
nalangsa rehna keur bobot
patih Erum kacarita
klangkung melas ningalan
gancangna bae geus mundur
hanteu kocap dijalana

14. Ka nagri Erum geus sumping
geus matur ka raja Gota
ayeuna ditunda bae
kocap ratu Rorosantang
gancangna carita bae
bobotna teh enggeus sepuh
umur duawelas bulan

15. Tuluy babar bae putri

pameget putrana kembar
 langkung tina kasepna teh
 cahaya lir upama bulan
 keur tanggal opat belas

16. Kakasihna geus disebut
 bu cikal Syarif Hidayat
 rayina Syarif Arifin
 kocap gancangna carita
 ti harita yuswana teh
 keur meujeuhna baleg kembang
 kitab Qur'an enggeus putus
 nurut agama Nabi Muhamad

17. Pantès nyarek nagri Mesir
 eta kakasihing agama
 wawakil Nabi nu kahot
 di nagri Mesir harita
 rame anu ibadah
 Syarif Hidayat kacatur
 linggih di masjid nyalira

18. Harita wancina wengi
 keur mukaan kitab-kitab
 lapad sadaya geus seep
 kahartos sadaya kitab
 teu aya anu kaliwat
 ti dinya Syarif ulah
 muka deui hiji kitab

19. Kempel tulisina teh asri

ngagebur di atar (?) emas
 ari eta euusina teh
 lapad sareat salikat (?)
 hakekat sareng marifat
 basa ma'rifat sing puguh
 hartina aman kapendak

20. Lamun maneh hayang ilmu
 teyangan Nabi Muhammad
 lamun geus kapendak tangtos
 eta maneh jadi mulya
 tangtu ieu timpangan
 ka mujilat kanjeng rosul
 atawa para ambiya

21. Kitu ceuk nyang nulis
 seh Syarif henteu percaya
 kana eta tulisan teh
 nyaur sajero manahna
 duwanana anu geus wafat
 diteyangan moal timu
 ti dinya Syarif Hidayat

22. Teu peureum hayang ningali
 ngagebur cahaya Muhammad
 ari pisaur sora teh
 eh maneh Syarif Hidayat
 mudu diregepkeun pisan
 lamun maneh hayang luhur
 teyangan Nabi Muhammad

23. Poma-poma sing kapanggih
jeung pasti kersaning Alloh
maneh anu jadi gentos
wawakil Nabi Muhammad
kaget den Syarif Hidayat
reh aya sora kadangu
enggal bae lajeng mulih ginjah
24. Nyaur dina jero ati
iyeu piwarangan Alloh
tuluy deui sarep embak
teu lami aya sowara
Syarif maneh cing percaya
waliwung kami mudu nurut
tepangan Nabi Muhammad
25. Kaget ngorejat deui Syarif
barang ginjah kaget ningal cahaya
cahaya hurung aya kenehh
tuluy raden sayripulloh
kasmaran tingal cahaya
cai socana murubut
naha teung teuingeun pisan
26. Henteu boga bapa aing
euweuh anu ngawurukan
kana hal elmu sakabeh
anu henteu boga bapa
Syarif Hidayat seug lungsur
ngadeuheus ka Ibuna

27. Kaget ibu ningali
bari ngusapan mastaka
naha eneng nangis bae
naon anu dipikahayang
anggur geura garwaan
neyangan putraning ratu
moal burung moal katekanaan
28. Da urang anu boga nagri
ditalukan para raja
Sarif nelah matur alon
jisim abdi tacan niyat
saupami gaduh garwa
sumawona jadi ratu
gampil jaga geus kapendak
29. Eta alamat sim abdi
Geus piujuk sadayana
Wang tuwa Sarif keur ngimpen
Sareng ningali cahaya
Ratu Santang angandika
eta eneng henteu umum
neyangan Nabi Muhammad
30. Apan eta kangjeng Nabi
Nabi Muhammad geus wapat
di Madinah makamna teh
ke eneng rek diteyangan
tangtu moal kapendak
anggur eneng jadi ratu
garwaan ka putra raja

31. Eneng Syarif mattur tak'dim
sim abdi yaktos teu ningal
tacan niat gaduh bojo
gampil jaga geus kapendak
sareng jeung Nabi Muhammad
amit sim kuring rek mundur
sareng moal waka mulang
32. Mun Nabi tacan kapendak
suka riwan pisan wapat
Syarif nelah jengkar bae
Rorosantang langkung susah
nangis dina jero manah
ka masjid pademen asup
tapakur Sang Ratu Santang
33. Syarif Hidayat kawatir
geus lepas pisan angkat
ngajugjug keramat bae
kana makam Nabi Musa
disinya teh dikulemna
meunang tujuh peuting suwung
teu pisan meunang alamat
34. Syaripulloh lajeng ngalih
ka Nabi Ibrohim makamna
disinya ge suwung keneh
teu pisan meunang wirayat
rahaden Syarif pindah
ka makamna Nabi Rosul

seug di dinya salat hajat

35. Duwa rokaat tteu lami
ngadangu eta sowara
Syarif Hidayat maneh teh
neyangan Nabi Muhammad
poma-poma sing kapendak
ku maneh kudu katimu
eta jatining Muhammad
36. Rahaden Syarif geus nguping
sora sakitu terangna
Syarif angkat deui bae
teu puguh anu disejja
angkatna saparan-paran
turun lebak unggah gunung
geus leupas Syarif Hidayat
37. Ka gunung Jambesi sumping
di dinya aya nu tapa
oray langkung tina gede
eta sagunung awakna
ngarana Naga Pertala
eta aing meunang bendu
timbang ku Alloh taala
38. Henteu bis ausik malik
kusabab beurat awakna
banget pisan nyerina teh
sagede gunung bareuhna teh
henteu lami geus ningalan

ayat satiya anu rawuh
tuluy disimdangkeun pisan

39. Raden Syarif enggeus mampir
Naga Pertala ngandika
salira ti mana yaktos
naon anu diteyangan
walon den Syarif Hidayat
keur neyangan Kangjeng Rosul
kula ti Mesir nagri
40. Sang Naga ngandika deui
hanteu umum teuing tuwan
bet kakara mendak oge
apan mah Nabi Muhammad
eta teh enggeuus wapat
di Madinah geus dikubur
hantem bae diteyangan
41. Wangsul iyeu diir abdi
pang nuageurkeun ku gamparan
seug nyaur Syarif Hidayat
lamun kami enggeus tepang
jeung kangjeng Nabi Muhammad
42. Memeh cageur eta diri
Naga Pertala geus waras
ku karamat Syarif Anom
piunjuk Naga Pertala
raden iyeu tingalian
anu aya dina buntut

jimat pusaka Sang Sukma

43. Eta cincin marbat put
 mangga raden geura candak
 kasiyatna leuwih aheng
 awas dianggo ningalan
 lamun ningal kahandap
 parat bumi anu tujuh
 eusi kabeh kasiyatna
44. Mun ka luhur ninggal langit
 tangtu parat saeusina
 langit tujuh tembong kabeh
 teu baseuh meuntas sagara
 ka seuneu ge henteu teurak
 karamatna ali merbat
 ti dinya Syarif hidayat
45. Anggeus nyandak eta cincin
 dina cinggiir dianggona
 eusining alam sakabeh
 ku raden geus katingalan
 pelong-pelong teu halangan
 ku Syarif nelah dipundut
 Naga Pertala ngndika
46. Ka pulo manyeti nusa
 di dinya teh aya Seh
 keur tapa pulo Mardada
 seug pamit Syarif Hidayat
 omong maneh rek diturut

gancangna bae geus jengkar

47. Meuntas sagara seh Syarif
 karamatna ali teya
 henteu baseuh ku cai teh
 raden Syarif anggeus leupas
 tunda anu keur angkat
 pulo manyeti kacatur
 anu keur dangdan ngajadi

10. DANGDANGGULA

1. Kacarriyos di pulo manyeti
 di jaga sagala sato hewan
 sapi badak sareng banteng
 jeung eta sato babruh (?)
 sami kumpul gede leutik
 iyeu syaetan siluman
 sadaya kalebet
 ngajaga mayit sulaeman
 cahaya gilang gumilang dihatil rukmin
 langkung endah rupina

2. Dibaheulanan eta dibawa ku ejin
 enya eta ku raja marut
 ejina eusik ngarana teh
 waktu sulaeman pupus
 eta diteundeun diina kasil
 direbut ku jin teya
 jeung ku para ratu
 gancangna bae geus beunang

enya eta diteundeun di pulo manyeti
dijaga ku sadaya

3. Kocap seh ola tapa geus lami
asal Mekah neyangan Nurbayan
di ggunung Jati anu kahot
tatapi hanteu timu
tuluy bae tapa geus lami
di pulo mardada
geus meunang tahun-tahun geus kitu ngadangu sora
yen didinya aya jimat sipat cincin
ngaran cincinn mamlakat (?)

4. Kagungan Nabi Sulaeman eta ali
nata (?) ola langkung tina hayang
seug ti dinya tuluy naek
kana cemara kayu
nata ola sareng ningali
di handap pirang-pirang
eta anu tunggu
sato galede pisan semu galak
orayna semu maratia
seh ola langkung gila

5. Teu kadangueun mun nyokot ali
lamun maksa geus tangtu tiwas
ti dinya neneda bae
ka Alloh anu Agung
mugi-mugi Alloh maparin
lantaran ka umatna
kacida sumujud

tunda heula nu keur tapa
 kocap Syarif Hidayat geus sumping
 seh Ola tuluy mangkat

6. Enggeus salaman lajeng pada linggih
 nata Ola pok bae mariksa
 ti mana asal raden
 Syarifulloh seug matur
 jisim kuring urang Mesir
 ngaran Syarif Hidayat
 neyangan jeung Rosul
 langkung kaget ratu Ola
 henteu umum teuing ajengan Syarif
 nu geus wapat diteyangan

7. Mapan geus mashur yen Kajeng Nabi
 nggeus pupuus sumareng nagri Madinah
 eta diteyangan keneh
 moal datang katimu
 kalah paeh batan kapanggih
 enggur itu tingalan
 anu mmarab mancur
 nu mawi sim kuring tapa
 sasatoan hayang gaduh eta ali
 saha-saha anu boga

8. Dikabulkeun ku setan eujeung jin
 ku eusining bumi langit sadaya
 sato hewan taluk kabeh
 umat kabeh pada sujud
 kasiyatna mamlakat ali

tunggul Jati Muhammad
 Sulaeman anu gaduh
 Ari Sulaeman geus wapat
 enya iyeu pisan anu dina kasil
 nu nganggo cincin mamlakat

9. Raden Syarif ngawangsul ta'dim
 atuh mangga wae urang candak
 duwaan geus jengkar bae
 ngarendeng angkat maju
 anggeus dongkap ka deukeut kasil
 jeung Nabi Sulaeman mayitna dicatur
 lamina di pulo eta
 geus saratus tahun pulo manyeti
 mancur keneh cahayana

10. Henteu kaciri yen
 kuwuh eukeurna hirup
 ceuk pitutur pangajak wali
 jaga Sulaeman sirna
 mun aya nuu cunduk
 putra ti Mesir nagara
 kocap deui seh Nata Ola geus sumping
 kanti Syarif Hidayat

11. Seh Nata Ola kacatur
 uluk salam kanjeng Nabi Sulaeman alibi
 nanging henteu diwalonan
 Nata Ola mundur gasik
 teu dipasihkeun harita
 ti dinya lajeng seh Syarif

uluk salam geus diwangsul

11. KINANTI

1. Uluk salam geus siwangsul
lamun yasa ngalahirkeun
surna Nabi Sulaeman
geuwat-geuwat maneh Syarif
iyeu ali mudu tanpa
mamlakat kasiyat leuwih

2. Geus pasti maneh nu gaduh
ka iyeu mamlakat cincin
jeung maneh dilandi ngaran
Seh Iman Lukat Raspati
ditalukan kabeh umat
tur jadi ratuning wali

3. Eta teh carek pitutur Syarif Hidayat tampi
mamlakat dianggo enggal
Nata Ola geus ningali
yen mamlakat enggeus beunang
sarta dianggo sakali

4. Seh Nata Ola ngarebut pa
pageuyeung-geuyeung jeung Syarif
henteu lami aya gelap
ti Nabi Sulaeman bijil
sarta angina gede pisan
teh Ola kalawan ku angin

5. Ti dinya teh tuluy kabur
Rag-ragna digunung surandil
Nabi Sulaeman geus sirna
Mulih ka sahimatulloh

6. Tunda heula nu dicatur
ka kocapkeun di nagri Mesir
enya eta ratu santang
nu ditingal
ku den Syarif
langkung susaheun manahna
teu kulem teu tuang cai

7. Ari putrana anu bungsu
jenengan Syarif Aripin
di Mesir geus jadi raja
nyai Rorosantang putri
nu dianggo ketir manah
ngan putra Hidayat Syarif

8. Beurang peuting henteu suwung
ngan muji bae ka Gusti
mugi salamet kang putra
jeung Nabi masing panggih
teu lami ngadangu sora
pisurna teh leuwih sidik

9. Mun maneh nyaah saestu
ka putra Hidayat Syarif
ayeuna leumpang ka Jawa
antosan di Gunung Jati

ngorejat Sang Rorosantang
emut ka guruna deui

10. Anu keur tapa di gunung
Amparan seh Datul Koni
geus katingal jero manah
lajeng nganggo nyai putri
raksukan antara kusumah
henteu lami lajeng indit

11. Nagri Mesir geus kapungkir
gancangna bae geus sumping
geus tepang sareng guruna
nya eta seh Datul Koni
lajeng nyaur seh Nurbayan
bageya nu anyar sumping

12. Naha ninggalkeun kadaton
matur nyebah raja putri
nu mawi telar nagara
yaktos titah teu betah sim kuring
sangges lolos Syarifulloh
seh Nurbayan nyaur deui

13. Bener nyai mudu tunggu
ngantosan didiyeu nyai
serta mudu pindah ngaran
Babu Dempun ngaran nyai
di diyeu bari tatapa
rama mah rek pindah deui

14. Ka guha dalem patekur
enggeus jengkar seh Nurbayan
tunda heula nu keur tapa
kocapkeun nu ragrag deui
ka gunung Suransik teya
enya eta rahaden Syarif

15. Geus gugah eta di gunung
seh Syarif eta ningali
yen aya hendi pertulah
eusi cai ti sawarga
kendi tuluy uluk salam
haturan lukan raspati

16. Salamna enggeus diwangsul
pertulah perk ngomong deui
mangga iyeu cai enggal
dileueutkeun ka imam Raspati
enggeus lawas teuing aya
yen cai ti sawarga

17. Samemeh tuwan tumuwuh
tegesna samemeh lahir
sim kuring enggeus ngantosan
geus sadiya ieu cai
sumangga nun den mamlakat
tuluy dileueut sakali

18. Seep satengahna banyu
kendi pertulah ngalahir
geus tangtu jaga tuan

karaton aya anu ngalandih
 sabab nyai henteu beyak
 kitu deui den Raspatih

19. Jadi sultan henteu nurun
 kana putra den Raspatih
 ti dinya Imam mamkalat
 enggal nyandak deui kendi
 cai diseepkeun pisan
 ngomong deui eta kendi

20. Najan dilindih geus tangtu
 tetep langgeng di nagri
 henteu pisan kana owah
 sareng jaga seh Raspati
 mun gambaran jeung sultan
 sim kuring seja rek ngabdi

21. Imam mamlakat seug nyaur
 karep maneh moal hasil
 kendi pertulah geus musnah
 geus kitu imam ningali
 ditajud aya nu tapa
 henteu pegat-pegat dipikir

22. Jenengan dicatur
 eta seh Amrulloh
 asalna ti nagri Kampa
 anu mawi tapa lami
 neyangan seh Datul Kiman
 pandita ti Bani Israel

23. Amrulloh rek guguru
tapi tacan kungsi panggih
eta kersaning yang sukma
nya eta seh Datul Koni
mandita di tanah Jawa
anu menak teu kapanggih
24. Seh Amrulloh dicatur
tuluy bae tapa lali
di dinya geus lami pisan
sapuluh taun meh kenging
taya liyan anu dicipta
eta sajatining hirup
25. Sareng sajatining Datul
tatapi tacan kapanggih
eta sajatining Alloh
Imam mamalakat pek matur
haturan nuaanyar panggih
tuluy imam uluk salam
sarta geus diwalonan
26. Seh Amrulloh pek matuh
haturan anu anyar panggih
naon pikersaeun tuwan
nu mawi ka diyeu sumping
ngawalon Imam mamlakat
sim kuring nenyangan alabi
27. Nya eta rek guguru

hakekat kalimah kalih
 Seh Amrulloh ngandika
 henteu umum den Raspati
 nu geus wapat ditreyangan
 kalah bongkok mowal panggih

28. Teu kirang yang agama
 di alam dunya sayogi
 deuk guguru reya pisan
 teu kurang jalma anu alim
 montong neyangan Muhamad
 Nabi Muhamad geus mati
29. Wawakil mutlak yang agung
 saha nu ngayakeun gusti
 kasebut dina dalilna
 eta téh pastina kapir
 henteu warna henteu rupa
 teu eroh henteu enggon deui
30. Langgeng jenenging yang agung
 sa aktosna yang maha suci
 nu murba ka anjeunna pisana
 jeung misesa kabeh deui
 nu ngariksa jeung nu ngaganjar
 kakawulana geus pasti
31. Imam mamlukat ngok matur
 ayeuna dimana deui
 moal lamun henteu aya
 mun aya dibumi langit

tekadna ni bingung eta
jeung ngaku-ngaku yang widi

32. Dirina ngaku yang agung
eta tekadna nu kapir
paehna hanteu sampurna
lir patina sapi munding
Seh Amrulloh ngajawab
bener saur Den Raspati
33. Tapi kersaning yang agung
anu murba bumi langit
eta kabeh karep tuan
ngan Alloh nu maha suci
saha anu ngayakeeun Alloh
dalilna geus pasti kapir
34. Henteu sah islamana tangtu
ngajawab lohah Raspati
kumaha pisaeuheunnana
nu hurip jenenging tunggal
kaayaan ing dat eta
tetela diri pribadi
35. Eta jenenging yang yang agung
ngahuleng henteu ngalahir
seh Amrulloh satengah
yaktos hati ka harti
tuluy leungit Amrulloh
ngajak-ngajak ka pulo Jawi

36. Sadaya-sadaya ning ilmi
 nama susunan-susunan
 geus reya muridna deui
 gede leutik sadayana
 sepuh anom anu wirid

12. SINOM

1. Gentos ani dicarita
 seh raja Kawarti (Erum)
 nya eta sang raja Gota
 saderekna ratu mesir
 harita téh geus wirid
 ka Seh Amrulloh guru
 seg tatapa di gunung
 parentah Seh Amrulloh
 geus tetep tatapanna ngalakonan

2. Sultan Erum hayang patepang
 eta jeung guruna deui
 neyangan seh Amrulloh
 los kacampa teu papanggih
 bareng di jalan téh tepang
 tepang jeung seh Imam mamlakat
 Sultan Erum angkat ngincid
 enggal bae Imam mamlakat dipegat

3. Tuwan téh mulih ti mana
 jeung neyangan naon deui
 Sultan Erum males ngajawab
 neyangan Amrulloh

tapi kuring henteu panggih
 eta téh ka dinya guru
 seug nyaur Imam mamlakat
 lamun tuan hayang panggih
 mudu angkat ti diyeu ka tanah Jawa

4. Eta di gunung Mariya
 jeung mun hayang jadi wali
 tuwan téh mudu tatapa
 di gunung Kancana deui
 Sultan Erum teu ngalahir
 heran sajeroning kalbu
 Raja Gota enggeus nyata
 yen jalmi téh leuwih
 geus kacipta jatining Yang Maha Mulya

5. Sakedap bae geus musna
 ka tanah Jawa geus sumping
 tapa di gunung Kancana
 tapi hoyong meunang ilmi
 nyangsang btatapa deui
 gentos ayeuna dicatur
 nya eta she Imam Mamlakat
 angkatna beurang jeung peuting
 geus kaider sakabeh alam dunya

6. Neyangan Nabi Muhammad
 weleh bae tacan panggih
 teu meleh maju
 enggeus kitu tuluy panggih
 eujeung sahiji istri

teu punjul
 sapi eta candakeun
 henteu reya ngan sahiji
 jejekekan Imam Mamlakat hudang heula

7. Imam Mamlakat geus sindang
 bari naroskeun ka istri
 naon perluna nyauran
 sang putri ngawalon manis
 mung sumangga tuwang rayi
 saha nu ngadahar tangtu
 ngarti kana sewu basa
 Arab Jawa sareng milu
 jeung malayu Bugis Makasar

8. Sareng sajabana ti dinya
 lamun enggeus tuwang roti
 tangtu ngartos sadayana
 sumangga ceuk den Raspati
 enggeus dituwang sakaliu
 putri tapa mindo nyaur
 eta téh yaktosna tuwan
 anu mawi ka diyeu sumping
 damel jeung naon nu diteyangan

9. Imam Mamlukat ngajawab
 sim kuring neyangan Nabi
 seja guguru agama
 hakekat Rosululloh
 nyai putri nyaur deui
 lamun tuwan rek guguru

neyangan jeung Rosululloh
 tuwan mudu cicing
 antos bae di dieu sakedap netra

10. mun aya nu tunggang kuda
 di awang-awang keur nyirig
 ngabujeng sing enggal-enggal
 muntang kana buntut tarik
 geus leungit eta isteri
 den Imam Mamlukat kantun
 teu lami awas ningalan
 ka awang-awang ningali
 jebul bae aya anu tumpak kuda

11. kaburu ku Imam Mamlukat
 serta muntang na buntut gasik
 kuda lumpat gancang pisan
 nun tunggangna Nabi hidir
 Nabi hidir seug ningali
 aya nu muntangan buntut
 disepakan ku sukuna
 kuda gancang langkung tarik
 enggeus jauh geubisna Imam Mamlukat

12. di nagri ajrak ragragna
 na pangkon Abdul Saparin
 nya eta rajana ajrak
 raja ajrak geus ningali
 ka raden Imam Mamlukat
 bet ujang kawas nu estu
 rahaden teh geura gugah

ujang manusa timendi
saha ngaran reujeung kumaha purwana

13. saha nu kagungan putra
numatak ka diyeu geubis
pok matur Imam Mamlukat
abdi putra ratu Mesir
ti awal dongkap ka ahir
sadaya geus kapiunjuk
lajeng nyaur raja ajrak
hayu tuwang sareng ujang Syarif
sareng eyang ngariung urang satobas

14. matur den Imam Mamlukat
nuhun pisan jisim abdi
rehna eukeur nyegah dahar
tidinya Imam Mamlukat
ku Raja Abdul Saporin
dicandak ka masjid asup
seug diiriang ku patihna
nu ngaran Sadanastri
geus dongkap ka jero masjid sungsang

15. Abdul Saporin ngandika
baheula eyang diweling
ditiptan duwa buwah
ti malaikat hajroil
dan buwah nu duwa siskina
bawah kalmukat tur alus
upamana eta buwah
geus pasti kersaning widi

tutu eyang anu pingadahareunana

16. Buah kalmukat ditampa
 serta dituwang sahiji
 rasana sarebu rasa
 langkung ni'mat Den Raspati
 kantong sahiji deui
 ku Imam dituwang tuluy
 eta teh geus henteu beda
 tara anuu enggeus tadi
 ngan ieu mah sarebu rasaning wapat
17. bawaning ni'mat kacida
 geus miprai Imam Raspati
 dongkap kana langit dunya
 tepang sareng para mu'min
 sakabeh aruluk salam
 geus diwangsul ku raspati
 bagja teuing siasih ku Alloh taala
18. Unggah ka langit ka dua
 Imam Mamlukat geus panggih
 jeung sakabeh Malaikat
 anu sipat manuk asri
 saliwatna teh lir jalmi
 make jangjang cara manuk
 sadayana ngabubungah
 bagja temen tuwan Syarif
 eta tuwan dipaparin darajat
19. Sadaya geus uluk salam

enggeus diwangsul sakali
 unggah langit ka tiluna
 Imam Mamlukat panggih
 eujeung Malaikat deui
 sujud jalma cara lembu
 sawareh mah cara naga
 jeung sawareh kawas kambing
 ngabubungan nagajungjung darajatulloh

20. Langit ka tilu geus kaliwat

Imam Mamlukat geus sumping
 ka langit opat dongkap
 sok jeung Nabi Isa panggih
 keur kulem dinya geus lami
 antara saratus taun
 kitu carek cariyosna
 Imam Mamlukat kawatir
 isuk salam ku Nabi geus diwalonan

21. Lajeng gugah sasalaman

Isa mariksa ka Syarif
 nyawana jalma kumaha
 jeung neyangan naon deui
 jawab Imam Raspati
 nyawana barangta wuyung
 ari anu diteyangan
 Nabi Muhammad sinelir
 seja guguru hakekat kalimah sahadat

22. ari saur Nabi Isa

bagja mun bisa papanggih

jeung Kangjeng Nabi Muhammad
 jeung mmanh mudu dilandi
 Seh sidik Mapna Tunggil
 Mamlukat seug tuluy sujud
 gancangna geus pamitan
 Nabi Isa enggeus idin
 Esen Sidik enggeus unggah ka langit ka lima

23. Tepang jeung per malaikat
 anu pirang-pirang keti
 kapalna mah ngan opat
 nu tipayun Jaroil
 Minkail jeung Isrofil
 Hijroil anu tipungkur
 sakabeh aruluk salam
 jeung ngalandi na kakasih
 pangandika Jajaroil Syarif Jabar

24. ngandika Minkail eta
 Seh Surya ariari Isrofiil
 Syarif Jabar panglandina
 Ijroil enggeus ngalandi
 Esen Sidik hatur nuhun
 tidinya enggeus pamitan
 ka langit ka genep sumping
 enggeus tepang jeung sadaya para anbiya

25. Sadaya geus uluk salam
 geus diwangsul ku Seh Sidik
 jeung pada maparin ngaran
 Nabi Adam geus ngalandi

Eseh Kamil Ratuwali
 Ibrohim mere jujuluk
 nya eta Syarifulloh
 Nabi Musa geus ngalandi
 Sarif Maprup kitu deui para nabiya

26. Eseh Sidik enggeus tampi
 tidinya teh enggeus pamit
 unggah ka langit ka tujuh
 kocap Sarif maprup teya
 nyukang sirotol mustakim
 anjog kana taraju dolimin didinya

27. mendak anu keur ditimbang
 jeung amal jariah deui
 lamun dirina teh beurat
 tidinya tuluy digunting
 ka naraka enggeus manjing
 beyak daging kulir ajur
 seug naros Seh Sarif Jabar
 ka Malaikat Ijroil
 eta teh jalma nanahaon dosana

28. Ijroil males ngajawab
 eta teh siksaan jalma
 anu sok ninggalkeun solat
 teu nurut ka agama nabi
 Sarif Jabar enggeus indit
 wot sirotol geus kapungkur
 loh kolam anggeus kaliwat
 dingding jalan alas kursi

enggeus dongkap Sarif Jabar kana hijab

29. gumilang gilang cahyana
 tetebeug beureum jeung kuning
 kocap gancang carita
 Sarif jabar seug ningali
 kana cahaya nu dumeling
 nyaeta cahya Kangjeng Rosul
 liwat langkung na cahyana
 hanteu aya annu nanding
 lajeng sujud tidinya Seh Sarif Jabar
30. tidinya leungit tetbeug eta
 geus katingal Kangjeng Nabi
 eta teh ku Sarif Jabar
 duwanana geus lalinggih
 Sarif Jabar kawarti
 uluk salam ka Jeng Rosul
 tapi hanteu diwangsul
 dongkap duwa tilu kali
 kara jawab salamna ku Nabi duta
31. Jeng Nabi lajeng mariksa
 ka eta Hidayat Sarif
 nyawana jalma kumaha
 Sarif Jabar matur ta'dim
 abdi nyawana jalmi
 nu mati raga saestu
 nya eta hoyong patepang
 sareng jeng gamaparan gusti
 sim abdi seja guru hakekat kalimah sahadat

32. sareng hartosna agama
tegesna sare'at deui
kumaha hartos martabat
dat sifat kumaha deui
sareng mana aras kursi
dingding jalal nu mana estu
mana anu sok disebut
wot sirotol mustakim
jeng sawarga naraka nu mana teya
33. ngandika Nabi Muhammad
hanteu meunang maneh Sarif
kusabab enggeus disengker eta eta larangan
geus disengker ku para nabi
saha-saha anu wani-wani
ngabuka larangan tangtu
hukumna ku pati eta
jeung deui agama teh Sarif
hanteu meunang ngawurukan agama
34. sabab kami enggeus wafat
reujeuung kurang naon deui
di dunya enggeus sadiya
sakabeh elmuning widi
kitab Qur'an geus sayagi
aya ulama nu punjul
guru-guru sadayana
teu kurang di alam lahit
anu matak ayeuna mah geura mulang

35. asup guru ka ulama
ngawngsul raden Raspati
abdi moal waka mulang
mugiya diwejang ilmi
sahadat anu sajati
dimana nyatana estu
margina bingung kacida
ningal lapal hadis dalil
enya eta reya pisan caritaan
36. jaga lamun enggeus wafat
disiksa naraka pasti
jeung di jero kubur eta
jaga geus tangtu kapanggih
sareng Malikat deui
Munkarun jeung Wanakirun
gada beusi teh bentuna
ditenggeulkeun tilu kali
kana mayit geus teu bisa walakaya
37. naon eta sayaktosna
hayang uninga sim abdi
pisaur nabi Muhammad
masing deukeut maneh Sarif
maneh masing mengereti
kami ayeuna pitutur
ngan kubur natasangrangan
jeung sagala siksa deui
katinggalna wantuna eukeur sakarat
38. lamun geus paeh nyawana

eta rek kumahha deui
 geus pasti kersaning sukma
 jangjina sahiji-hiji
 untung ala untung becik
 poma-poma sing kamafhum
 keur waktu urang sakarat
 samemehna urang mati
 saenyana Alloh taala teu nyiksa

39. ngaganjar ka nu ibadah
 mun nyiksa mah Alloh pasti
 hanteu sidik nama Alloh
 sipat langgeng Maha inggi
 sakersana pibaddi
 hade goreng enggeus tangtu
 Qur'an eta teh dalilna
 geus ditulis dina diri
 jeung lafalna kitab jenengan sorangan

40. Sareng lafad yahuu eta
 ayana di maneh Sarif
 tegesing Alloh nya eta
 sifat langgeng Maha Tinggi
 henteu keuna ku gering
 sareng hanteu keuna lebur
 mun teu nyaho sahadat
 geus ppasti paehna teh kafir
 enya eta masih kumambang di dunya

13. MASKUMAMBANG

1. Eta anu nanggung lara sareng pati
ki sir sareng rasa
eroh nu nanggung kasakti
eta tegesna ki rasa

2. Sareng deui ari tegesna esir
eta nyataning nyawa
mun paeh nyawana pasti
eta nu ngaran wafat

3. Raga tea upama kurungan paksi
tegesna nya eta
hanteu paeh hanteu hirup
bubuhan burakrakan

4. Eta kitu mun teu awas ka Yang Widi
nu ngaran loh Kolam
kolam notol kana mangsi
nya eta nu ngaran ayat

5. Ari hayat tepungna rasa jeung esir
nya maneh jadona
jeung nu nggaran aras kursi
enggeon kanda anu nyata

6. Ari kursi eta tingal anu pasti
jeung ari sawarga
kamulyaan maneh di ahir
anu ngaran panggahota

7. kategesna nu ngaran kalimah kalih

katemoning rasa
ibu rama enggeus pasti
eta nu ngaran kalimah
adon-adon beureum

8. hejo putih kuning
nya maneh buktina
eta sahadat nu pasti
jeung omong-omong urang

9. eta kabeh oge jadi sembah puji
tapi poma-poma eta teh
karangan bakti
hanteu meunang lalawora

10. masing getol ibadah eta wajib
teu tetepan agama
kasebut dina dalil
lafadna tolabul ilma

11. saridotun wajib pamegget jeung istri
tareangan Alloh
sareng sajatining nabi
poma-poma sing kapendak

12. Gancanging carita Syeh Kamil
geus deuk diwurukan
sadaya elmuning nabi
anteu aya nu kaliwat

13. Mindo nyaur kangjeng nabi

kangsinelir
ka Sarif Hidayat
masing getol mungguh haji
jeung eyuna geura mulang

14. jugjug bae maneh ka gunung jati
guguru elmuna
ka Syeh datul Kiman Sidik
nu aya di tanah Jawa

15. Enya eta keur tapa di gunung jati
tunggal putu eyang
ti mekah asalna tadi
jeung eyang maparin jubah

16. Iyeu jubah aksara karajaan wali
pasti kersa Alloh
maneh jadi ganti nabi
nama Sunan Jati Purba

17. geus dilandi kangjeng susuhunan sejati
sadaya nyaksian
eusining bumi langit
nelah jumeneng susuhunan

18. Gancang carita kangjeng Sunan Sejati
ti dinya pamitan
geus kaidinan ku nabi
Syeh Jati Purba geus jengkar

19. ngan sakedap Sunan Jati Purba lilir

korejat geus gugah
masih di jero masigit
nya eta nagri ajrak

20. Geus lungsur Sunan Jati Purba ti masjid

teu nepangan heula
ka maha raja Saparin
ngajugjug ka tanah jawa

21. Gancang bae geus dongkap ka Gunung Jati

tepat jeung ibua
enya eta raja putri
Babu Dempun enggeus nelah

22. Harita mah di Gunung Semar nya linggih

numawi didinya
asala baheulana putri
waktu tepat jeung guruna

23. Bareng tepat jeung putra Hidayat Sarif

tidinya dicandak
lalinggih di Gunung jati
calik dina batu bodas

24. Babu Dempun mariksa ka Sunan jati

mugi kahatur
tuwan anyar sumping
asal tuwan teh timana

25. sareng deui ujang saha nya kakasih

Sunan Purba jawab

ti Mesir asal-asal sim kuring
seha neyangan pandita

26. Enya eta nu jenengan Datulqoni
mun mariksa ngaran
pun Sarif Hidayat kuring
langkung kaget Ratu Santang
27. Emut bae yen eta putrana yakin
dirontok putrana
Babu Dempun bari nangis
duh putra ibu ujang
28. hanteu nyana ibu teh bisa papanggih
nyaur Jati Purba
neunggeus ibu montong nangis
kedah sukuran ka pangeran
29. Wangsul kuring ka ibu rek naros deui
dimana ayeuna
jenengan Seh Nurjati
ibuna lajeng ngajawab
30. Tadinamah di dieu di Gunung Jati
ayeuna geus pindah
di guha Dalem Kerbarengti
tegesna keur mancadriya
31. Sunan Purba ka ibuna enggeus pamit
ngajugjug patapaan
geus lepas angkat deui

kocap anu eukeur tapa

32. Langkung sujud keur nyipta diri pribadi

enggeus sapoyanan

sinareng sukma sajati

Mi'raj dina jero manah

33. Seh Nurjati ngadangu sora sarta sidik

Yen maneh ayeuna

Bakal katamuwan Sarif

Sarif gentos Rosululloh

34. Geus pinasti kersaning yang maha suci

Seh Imam Mamlukat

nu jadi ratuning wali

maneh mudu asrah pisan

35. saba'dana mancadriya Seh Nurjati

jadi geus uninga

bakal katatamuwan wali

kacirina dina cahyana

36. Enya eta bakal ganti jeng nabi

aing geus karasa

aya jalma nu ngalindih

aing bakal diparentah

37. Seh Nurjati tuluy bae damel ttulis

ka Sunan Purba

lamun tuwan hoyong panggih

reujeung ngaran Seh Nurbayan

38. Enya eta pandita ngaraga jati
teyangan sing kapendak
lamun rek muwakah ilmi
hhal agama rosululloh
39. Nu kocap Sunan jati Purba geus sumping
kana guwa teya
hanteu aya Seh Nurjati
ngan nyampak tulisna
40. unggel serat geus kaharti
tapi geus ningal
wujudna Seh Datulqoni
dina cincin merebot teya
41. Seh Nurjanti geus nulis deui
dina batu bodas
unggellna mun tuwan Sarif
hoyong tepang jeung pandita
42. jujuk bae ka patapaan Gunung Jati
tapi anjeuna mah
yaktos teu ka Gunung Jati
angkatna ka masjid Pangjunan
43. Sunan Purba engggeus mendak deui tulis
kahartos unggelna
ka Gunung Jati geus sumping
di dinya hanteu kasampak

44. Geus katingal dina cincin merebot putih
 seug nyaur Sunan Purba
 geura nyumput masing buni
 da moal burung kapendak
45. Najan kahalangan ku bumi jeung langit
 aing geus uninga
 geus angkat imam raspati
 sumping ka masjid Pangjunan
46. Datulqoni barang sumping ka jero masjid
 langkung heran manah
 geus nyampak Seh Sarif Kamil
 ongkoh aing ti heula
47. Geus patepang sasalaman bae gasik
 enggeus linggih duwaan
 lajeng nyaur Seh Nurjati
 teu pada mucung budina

14. PUCUNG

1. Kahaturan tuwan anu anyar tawuh
 jeung ti mana asal
 jeung neangan naon tuan teh
 geus dijawab sadayana ku Sunan Purba
2. Jisim kuring yaktosna seja guguru
 Seh Jati ngajawab
 hal perkawis naon bae
 jawab deui hal-hal kalimahing sahadat

3. Seh Nurjati tuluy mindo deui nyaur
nanging mudu suumpah
urang duwaan sing jempe
saha cidra bisi jaga manggih bahaya
4. gancang carita ayeuna dicatur
duwaan geus sumpah
geus muwapakat ilmu kabeh
taya pisan bedana estu saruwa
5. Seh Nurjati geus maparin kittab alus
ku Sarif ditampa
pisaur seh Nurjati teh
geus pinasti kersaning yang maha mulya
6. Lamun tuwan nu jeneng wali kutub
ngarehrot sajagat
nelah Pangeran Cirebon
nu susuhunan Jati Purba
7. Kitu deui sim kuring nu nyebut guru
kalinggih ajengan
tina sabab enggeus tangtos
tuwan anu kudu anggeus kadodokan cahya
8. Nurhayuning para nabi enggeus kumpul
nu nyangking sareat
agama nabi nu kahot
Sunan Purba enggeus nampi piwurukna

9. Barang Sarif tidinya sejana munjung
Seh Jati geus musna
tipayun Sunan Purba teh
enya tea jumeneng Seh Lemah Abang

10. calikna Seh Lemah atawa Pangeran Malati estu
Sarif langkung heran
tapi geus katingal bae
hanteu samar dina merbur putih teya

11. Calikna Seh Lemah Abang geus kamaphum
ari kitab teya
lajeng dibukaan bae
enggeus cocog taya pisan geahnna

12. Sunan Purba tinya harita geus tuluy
mere ka ibuna
gancangna enggeus cumoncang
geus muwapakat
perkawis elmu sadaya

13. Langkung atoh Sunan Purba ningal ibu
kasampak geus tanpa
ngelmu sajatina teh
Babu Dempun lajeng nyaur ka putrana

14. Ibu nguping caritaan anu tangtu
yen di tanah wetan
aya jalma langkung sohor
enya eta jenengan Seh Amrulloh

15. Di Gunung Mariya keur ngawuruk elmu
muridna geuus reya
para pangeran bupatos
Sunan Purba pok ngawangsul ka ibuna

16. Lamun kitu ibu teh di diyeu kantong
Sim kuring rek beat
Ibuna geus idin bae
Sunan Purba geus jengkar leupas angkatna

17. Tunda heula Seh Amrulloh anu dicatur
geus reya muridna
pangeran-pangeran bae
tuluy eta kasantrina Seh Amrulloh

18. Eh sakabeh murid urang eta lamun
hayang jadi mulya
kudu ngalalampahkeun bae
tararapa neyangan kalimah sahadat

19. Karana wajib dikanyahokeun kudu
ku kabeh manusa
sadaya nya geus sanggup bae
Pangeran Kendal ngabisu eta tapana

20. Enggeus pamitan Pangerran Kendal ngabisu
Pangeran masdun tapana
munjum dina basisir bae
mencerong panonpoe eta Ppangeran kajoran

21. Sadayana pada pamitan kaguru

ngalampahkeun tapa
 neyangan sahadat jati teh
 sareng lamun hayang mulya mudu tepang

22. Eta jeung Seh Purba wali kutub
 wakilna muhammad
 geus budal pangeran kabeh
 anu kantun Seh Amarulloh nyalira
23. Kakocapkeun Jeng Sunan Purba geus cunduk
 lajeng bae uluk salam
 seug dikawalon ku amarulloh teh
 duwanana geus calik eta didinya
24. Amarulloh ka Seh Jati Purba matur
 tuwan haturan
 anu timana tuwan teh
 kitu deui naon anu diteyangan
25. sareng saha jenegan anu kamashur
 Seh Purba ngajawab
 teh puguh imah kuring teh
 ngan ngaran wastana pun Seh Jati Purba
26. Keur neyangan kuring sajatining ilmu
 seja rek mupakat
 hal sahadat anu tangtos
 mindo nyaur Seh Amarulloh ngajawab
27. Hal sahadat geus mupakat ti kapungkur
 di nagara Arab

terus ka nagara jawa ge
ngan Muhammad eta jatining manusa

28. Sunan Purba geus nampi eta pitutur
sadaya mupakat
hal perkawais sahadat teh
taya liyan kawula eta ngan Alloh

29. Anu sipat suci ngan Alloh nu agung
tapi saha-saha
anu ngayakeun Alloh teh
geus tangtu kupur kasebutna dalilna

30. Sunan Purba tidinya nyusul pihatur
eta leres pisan
namung kalimah sahadat teh
sayaktosna dimana anggota nyata

31. Jeung tauhiding para nabi kitu deui kitu
dimana nyatana
mana jatining gusti teh
Amarulloh ngajawab teu liyan kudroting Alloh

32. Eta tauhiding para nabi saestu
jeung lapad Muhammad
kumpuling opat teh
hal kalimah tohid sadayana mupakat

33. Amarulloh tidinya seug deui nyaur
yen aya nutapa
ngawurik kalimah roro

nya eta nu ngaran Seh Bayanulloh
 di Gunung gajah eta teh
 enggeus leupas angkatna Sunan Purba

34. Kakocapkeun di Gunung nu keur tapakur
 hanteu pegat-pegat
 mancadriya bae jongjon
 dana dina kasmaran jero manahna

15.ASMARANDANA

1. Eta Seh Bayanulloh
 nu tapa di gunung gajah
 damelna ngan ngebon jagong
 ngalampahkeun danadina
 lamun jagongna geus bodas
 harita enggeus dipupu
 Bayanulloh tuluy nyadap

2. Tangkal kawung ngan sahiji
 lahangna dianggo amal
 dibawa ka jalan bae
 unggal jelma nu ngaliwat
 eta teh dibere lahang
 hiji mangsa eta kawung
 saat teu juuh caina

3. Seh Bayan heran ningali
 nyaur dina jero manah
 iysu na sadap aing teh
 numatak kiyeu petana

geus tar timang-timang
 numatak teu pati juuh
 lajeng naek Bayanulloh

4. Bari hararang hariring
 anggang-anggang nu katingal
 anu deukeut teu katembong
 jauhna tanpa wangenan
 deukeutna tanpa gepokan
 lamun diteyangan tangtu
 deukeut bae henteu anggang

5. Numatak hanteu kapanggih
 kahalangan ku salira
 lamun ditingal eta teh
 lir utama surya kembar
 eta jatining sahadat
 Sunan Purba ngadangu
 lajeng bae uluk salam

6. Enggeus diwalonan deui
 serta lungsur Bayanulloh
 duwaan geus linggih bae
 Bayanulloh seug ngandika
 mugiya tuwan haturan
 sareng saha nya jujuluk
 jeung naon anu diseja

7. Jeng Sunan Purba ngalahir
 kawaul teu puguh imah
 Seh Jati Puba ngaran teh

hayang tepang jeung nu tapa
nu di Gunungn Danadina
yaktos hayang guguru
tembang anu tadi teya

8. Kedah di muradan deui
nu deukeut tanpa gepokan
Seh Bayanulloh ngawalon
leres cara surya kembar
moncorong lir kaya lintang
lir tujuh nu tanpa banyu
9. Eta teh jatining sahadat
Seh Jati Purba ngalahir
eta teu jadi kalimah
mun teu cocok opat oge
sereat sareng tarekat
hakekat sareng ma'rifat
kitu deui mun ngan weruh
eta kalimah sahadat
10. Agung karamatna wali
lamun tuwan teu percaya
mangga iyeu tangkal jambe
mun diwacakeun sahadat
geus tangtu jadi emas
ti dinya Seh Purba tuluy
maca kalimah sahadat
11. Kocap tangkal jambe tadi
harita geus jadi emas

Ki Seh Bayanulloh bengong
bet jambe teh jadi emas
saumur aing nu boga
bet tacan nyaho yen kitu
kutan gede karamatna

12. Iyeu jalma wali leuwih
pantes oge diguruwan
tuluy Seh Bayanulloh ngarontok
jisim kuring seja be'at
Eseh Purba lajeng musna
ngan aya sora kadangu
lamun rek guguru tuwan

13. Undakna kalimah kalih
jaga mudu bae angkat
ka Gunung Jati Cirebon
di dinya tangtu kumpulan
para wali nu salapan
tinya Seh Purba geus tuluy
angkat neyangan nu tapa

14. Kocap nu tapa geus lami
eta di Nusa kambangan
Damar Cahaya namana teh
asal ti nagri Mekah
baheulana anu tapa
di Pulo Mardada matuh
nu jenengan Nata Ola

15. Nu hayang kagungan cingcin

mamlukat Nabi Sulaeman
 kaburu ku gelap bareto
 ragragna di tanah jawa
 tuluy guru ka Amarulloh
 kocap Sunan Jati Purba
 gancangna kadinya cinduk
 serta bari uluk salam

16. Ka Ula geus diwalon deui
 Nata Ola pok mariksa
 timana asal tuwan teh
 jeung naon nu diteyangan
 ngajawab Seh Jati Purba
 teu puguh imah jeung lembur
 ari ngaran Sarifulloh

17. Seja rek guguru ilmi
 kitu deui eta tuwan
 elmu naon eta teh
 anu keur dilampahan
 jeung mandina hanteu emas
 teteuleun sote isuk
 tuwan naona anu diseja

18. Seh Bagus mindo ngalahir
 parentah Seh Amarulloh
 aji ma'dum sarfin yaktos
 lamun eujeung katapaan
 sok bisa ngaraga opat
 kitu ceuk pitutur guru
 Jeng Sunan Purba ngandika

19. Lamun enya ma'dum sarfin
eta mah langit sahadat
jeung langit lampahing kahot
rek ngayakeun hirup duwa
eta teh tacan sampurna
lamun tuwan tacan weruh
dikaramating sahadat
20. Geura bae iyeu cai
engkena keuna ku saat
seug Sarif ngawaca bae
sekedap cai geus saat
karamat Seh Jati Purba
Seh Kambangan tuluy sujud
sumeja guru ka tuwan
21. Sunan Purba enggeus leungit
lamun tuwan arek be'at
nya ka Gunung Jati bae
kumpulan para aoliya
Sunan Purba enggeus angkat
leupas lampahna dicatur
nu kantong damar cahya
22. Nya eta jadi bupati
ngrereh nagri Majalengka
Sunan Kudung nama teh
kocapkeun waktu harita
eta Seh Damar Cahaya
enggeus dipulung minantu

ku kiyahi Eyang Kuningan

23. Kabawah ku Majapahit

tapi geus Agama Islam
ditunda ku kacariyos
angkatna jeung Sunan Purba
mendak deui anu tapa
Seh Mayang anu kasebut
putrana Raja Pandita

24. Ayeuna keur tapa lila

nya eta di Gunung Payak
meunang parmaning yang nawan
teping eujeung Sunan Purba
enggeus mupakat kitabna
sareng sanes pangaweruh
enggeus mupakat sadaya

25. Pangeran Payak kawarti

baheula kagungan kitab
titinggalna Sarif Juned
pandita alim di Mekah
eta kitab geus mupakat
sadayan pangaweruh
hanteu aya sulayana

26. Sunan Purba enggeus pamit

geus leupas pisan angkatna
tinya mendak deui bae
Sunan Kendal eukeur tapa
Seh Jatining sahadat

Sunan Kendal seug ngabisu
tegesna teu sasauran

27. Tina hoyona meunang ilmi
ngabisu kawas nu edan
mage-mage jalan bae
pangeran Kendal patepang
sareng daolat Sunan Jati Purba
ulukan salam tuluy
Pangeran Kendal ngajawab
haturan nu anyar tembong
duwaan enggeus lalinggih
nyaur ngaran karang kendal
haturan anu anyar tembong
timana nya asal tuwan
sareng saha jenengan
sareng naon anu dimaksud
numawi kadiyeu dongkap

28. Walon Sunan Sarif Kamil
lembur matuh teu kantenan
Sarif Hidayah kuring teh
sayaktosna nu diseja
ayeuna eukeur neyangan
anu keur tapa ngabisu
Pangeran Kendal langkung wirang

29. Heran sajeroning kalbu
jalma bangsa naon eta
ka lampah aing bet nyaho
pantes eta waliyulloh

wajib lamun duguruwan
gancang bae tuluy matur
leres neyangan sagadat

30. Ngabisu tapa sim kuring
parentah Seh Amarulloh
Seh Purba ngandika alon
nyegah sabaraha perkara
jawab opat perkara
paucap sareng pangambung
pangrungu sareng pangningal

31. Nyaur Sunan Sarif Kamil
nya eta ngaran sahadat
lapad Muhammad eta teh
nya eta ngaran agama
eta teh ngaran sare'at
iman tohid deui kitu
jeung eta ma'rifat Islam

32. Ngeran Kendal sujud gasik
seja guguru ka tuwan
Sunan Purba musna leyo
sakedap hanteu katingal
anu kantun langkung cuwa
ngan aya sora kadangu
lamun tuwan seja be'at

33. Jugjug bae Gunung Jati
kumpulan para soliya
Sunan Purba kacariyos

angkatna geus leupas pisan
 ngajugjug ka Balangbangan
 didinya enggeus pateupung
 jeung nu tapa munjung tea

34. Tina hoyong meunang ilmi
 Sunan Purba uluk salam
 ku nu tapa geus diwalon
 Pangeran Mamduh geus buka
 haturan kalanun tuwan
 sareng saha nu kasebut
 naon anu diteyangan

35. Seh Sarif Jabar sim kuring
 keur neyangan urang jawa
 anu tapa munjung mando
 ngagebeg Seh Ma'dum heran
 leres sim kuring keur tapa
 eta pituduhing guru
 nu ngaran Seh Amarulloh

36. Neangan sahadat Jati
 nyaur Sunan Jati Purba
 sabarrah nu dicegah teh
 Seh Ma'dum walon jawab
 ningal opat parakara
 pangucapa sareng panagambung
 pangrungu sareng pangningal

37. Jeng Sunan Purba ngalahir
 eta jatining sahadat

lapad Muhammad eta teh
 iman taohid ge nya eta
 geus aya eta di tuwan
 Pangeran Ma'dum seug sujud
 jisim kuring seja be'et

38. Seh Jati Purba geus leungit
 sakedap teu katingalan
 ngan ningalan sora bae
 lamun tuwan seja be'at
 tuwan eta mudu angkat
 tidiyeu mudu ngajugjug
 indit ka Gunung Amparan

39. Seh Jati Purba kawarti
 geus leupas pisan angkatna
 ka nagri manduro geus jol
 tepang jeung pangeran Joran
 nyeta anu keur tapa
 mencerong panon poe wungkul
 parentah Seh Amarulloh

40. Neyangan sahadat jati
 Seh Purba geus uluk Salam
 lajeng walonan bae
 ngaran kajoran geus buka
 ti mana nya asal tuan
 sareng saha nu kasebut
 numawi kadieu dongkap

41. Nya ngaran syeh Sarif Kamil

sumeja eukeur neyangan
 tapa mecerong srangenge
 kaget Pangeran Kajoran
 naha jelema kumaha
 kana tingkah polah maphum
 gancangna bae ngajawab

42. Leres satijalan sidik

sim kuring iyeu keur tapa
 mencerong kana panonpoe
 perintah Seh Amarulloh
 eukeur neyangan sahadat
 pok Seh Jati Purba nyaur
 tinggal sabaraha perkara

43. Ja'ran jawab pat perkawis

saur Sunan Jati Purba
 nya eta kalimah roro
 nu aya dina salira
 ulah arek salah-salah
 Pangeran Kajoran sujud
 Sunan Purba leyos musna

44. Ngan sora maneh monyang wirid

ka Gunung Jati nya angkat
 kumpulan para wali kabeh
 Jeng Sunan Purba geus leupas
 ka basisir ta angkatna
 kakocapkeun nu nyumput
 di basisir ratu buda

45. Mungpang ka agama nabi
enggeun ninggalkeun nagara
raja tas angin geus nyaho
kasemahan Sarifulloh
seug nyumput deui harita
nyumput kadasaring laut
katingal ku Sunan Purba
46. Di susul ka jero cai
buda lumpat ka nagara
nagri tas angina diburu
tuluy deui buda lumpat
teuleum ka jero sagara
ku Sunan Purba diburu
dongkap ka cai kasampak
47. Kocap Patih Keling manteri
eukeur malidkeun ramana
sabab waktu harita teh
di nagara Keling teya
teu acan nyaho petana
yen mayit kudu dikubur
Sunan Purba mariksa
48. Keur nyieun naon Den Patih
Patih keling hatur nyembah
ka Seh Jati Purba walon
nun keur malidkeun pun bapa
maot dongkap ka waktuna
Seh Jati Purba seug nyaur
cik Patih kadiyeu bawa

49. Coba bawa eta mayit
ku patih enggeus dibawa
gancang disiraman bae
saribacin (?) enggeus musna
karamatna waliyulloh
sareng mayit jadi lembut
saruwa jeung anak hayam
50. Den Patih enggeus bakti
nurut ka Agama Islam
ngalahir Sunan Purba teh
jaga patih kudu leumpang
jugjug ka Gunung Amparan
di dinya para wali kumpul
lamun maneh hayang mulya
51. Geus jengkar Hidayat Sarif
ngider geus saeusining jagat
ngider unggal nagri bae
kocap sumping ka Palembang
didinya muwafakatna
Seh Palembang enggeus sujud
mufakat hal sahadat
52. Kocap seh Hidayat Sarif
lamina ngideran jagat
nyebarkeun kalimah roro
nerus bumi langit pisan
miwah sawarga naraka
geus sawidak tilu tahun

manis pait geus kajajah

16. DANGDANGGULA

1. Enggeus leupas angkatna Seh Sarif
 malah sumping ka nagara Cina
 kersana bubujang bae
 nyamar hoyong jadi dukun
 matuhna dibandar usin
 harita teh urang Cina
 reya anu pupus
 nya eta eukeur sasalad
 kitu deui reya pisan anu gering
 kocapkeun anu menta ubar

2. Ngaleut bae ka ki bandar usin
 enggeus matuh ka Sarif hidayat
 yen aya nu menta landong
 Jati Purba seug nyaur
 eta sakur anu gering
 Geura sahadat
 ngan eta teh sakitu pikeun piubareunana
 harita ge anu gering geus walagri
 karamatna waliyulloh

3. Ki bandar usin eta kawarti
 sareng kapondokan ku Seh Jati Purba
 Behngar ngadak-ngadak bae
 dunyana geus rebu-rebu
 kakocapkeun lami ti lami
 geus mashur di nagara

aya dukun lepus
 Raja Cina geus uninga
 tuluy nyaur eh ayeuna patih
 leumpang ka kinagkod

4. Bandar Usin jeung bujangna deui
 anu nagarana Ki Sarif Hidayat
 mudu diiringkeun ku maneh
 patih geus amit mundur
 enggeus dongkap ka bandar Usin
 gancangna enggeus mangkat
 ngadeuheusan ka ratu
 teu dicatur di jalan
 dongkap bae kapeban geus caralik
 Ratu Cina geus ngandika

5. Coba dukun iyeu garwa kami
 reuneuhna teh liwat tina mangsa
 beuteungna geus beuki gede
 ku maneh kudu disebut
 enya reuneuh atawa lain
 jeung lamun reuneuh teya
 eta kudu puguh
 wadon atawa wong lanang
 tina sabab kami teh langkung hawatir
 matur Seh Jati Purba

6. Nun sumahun eta keur bobot putri
 sareng istri piputraeunana
 Ratu Cina geus kahartos
 yen bohong eta dukun

majar maneh putrana isteri
 jeung lain reuneuh enya
 bokor nu dikandung
 eukeur nyoba Jati Purba
 Ratu Cina ngiceupan ka Raden Patih
 ku patih enggeus kamanah

7. Geus ditangkap eta Seh Sarif
 dibarogod ku patih Cina
 piwarangan piceun bae
 digubruskeun ka laut
 tunda iyeu nu kocap deui
 ayeuna garwa raja
 bokor nu dikandung
 barang dibuka teu aya
 yaktos bobot tina karamat Seh Sarif
 Ratu Cina heran manahna

8. Gancang babar putrana teh isteri
 langkung geulis tur mancur cahayana
 tapi tegeer sangen bae disesepan ku ibu
 kocap geus ageung nyi putri
 kinten eta yuswana
 duwa belas tahun
 jeung teu kersa sapacapan (?)
 jeung ibuna puguh jeung ramana deui
 jeung hoyong neyangan ramana

9. Nyai Putri eta geus ningali
 yen ramana waliyulloh
 tuluy kersana ngololos

anggeus ka sisi laut
 urut miceun ramana tadi
 teuleum ka jero sagara
 kocapkeun nu kantun
 di jero kadaton Cina
 langkung rame para nyai nu narangis
 komo ibu ramana

10. Ratu Cina tuluy nyaur patih
 diteyangan dipiwarang neyangan nyi putri
 gancangna patih geus leyos
 wadya balad ngaguruh
 para ponggawa para manteri
 sadaya geus barudal
 tarumpak parahu
 geus ngambang tengah sagara
 enya eta keur neyangan nyai putri
 putra ratu Cina

11. Tunda heula anu pirhatin
 kocap deui den putri geus tepang
 sinarengan ramana teh
 eta dijero laut
 gok tepang jeung Nabi Hidir
 tuluy bae mariksa
 bageya nu cunduk
 reujeung isteri eta saha
 Jati Purba ngawalon ka Nabi Hidir
 iyeu iyeu putri putra Cina

12. Nabi Hidir mesem jeung ngalahir

Jati purba bisi teu uninga
 eta putri putra maneh
 nya bener mudu kitu
 lamun jalma rek mulya misti
 uninga diawakna
 tangtu jadi lulus
 jeung eyang nu mere ngaran
 eta putra maneh dilandi Den Junti
 tateh pamoring jagat

13. Sareng iyeu jimat utara bumi
 mudu tanpa ku Seh Jati Purba
 jeung ari nu boga teh
 eta teh umat ratu
 Sangiang Nganggamina (?) kakasih
 ku Sarif geus ditampa
 reujeung maneh kudu
 ka Mesir nagara
 pundut bae eta an ngar (?) ratu Mesir
 bawa ka pulo Jawa

14. Sunan Purba tidinya geus pamit
 kersana angkat ka mesir nagara
 di jalan teu kacariyos
 kocap ka Mesir geus dunduk
 sareng rayi Sarif Arifin
 tinya dek sasalaman Ratu Mesir matur
 haturan kangjeng raka
 jawaba jeng raka nya kitu deui
 geus pada langgah duwanana
 matur deui Den Sarif Arifin

15. Sumangga nun raka getos raja
kang rayi ngan darma bae
jadi wawakil ratu
jeng raka nu kagungan wajib
saderek pangsepuhna
Sunan Purba nyaur
masing tetep maneh
rayi bae di Mesir mangku nagri
menggah diri engkang mah
16. Rek ngurus keun di Jawa nagri
eta jadi retuning oliya
enggeus kersaning yang manon
ngan aya anu pardu
dek menta putra kang rayi
ngaran Den Pulanggana
rayina seug matur
nun sumangga rido pisan
jisim kuring ti dunya dongkap ka ahir
ku Sarif enggeus ditampa
17. Seug disimpen jero jubah buni
Jeng Sunan Jati Purba geus pamitan
serta lajeng jengkar bae
di jalan teu dicatur
enggeus sumping ka tanah jawa
ngajugjug ka karawang
uluk salam geus dijawab
mufakatan bagbagan agama suci
jeung kalimah sahadat

18. Geus mupakat sadayaning ilmi
hanteu aya anu sylaya
gancang geus pamitan bae
di jalan teu dicatur
enggeus sumping ka Gunung Jati
nimbulkeun karamatna
reya jalma guru
menak kuring kolot budak
jeugn awewe lalaki pada wirid
ka Sunan Jati Purba
19. Nu jarauh enggeus pada sumping
nu lalkon sabedug darongkap
atawa anu sapopowe
sabulab jeung satengah tahun
sadayana geus asup wirid
ngaguruh di nagara
muridna geus kumpul
rame pisan nu ibadah
geus mashur eta kawates nagari
ditunda naur keur be'at
20. Kakocapkeun Nyai Indang Geulis
Enya eta garwana Somadulloh
di Ranjuran linggihna teh
emut kana pitutur
ti caroge Somadulloh
lamun aya oliya
asal mekah kudu
asup wirid jeung putrana

enya eta nu ngaran Den Pakuwati
sareng hiji kandaga

21. Ayeuna geus nguping sidik
aya oliya mekah
enggalna geus dongkapna bae
Indang geulis pok nyaur
hayu urang wirid
urang kapandeurian
tinggaleun ku batur
batur-batur enggeus beat
ayeuna mah ngan akri urang pribadi
numatak geuwat-geuwat
22. Enggeus jengkar Panjunan kawingking
tunda heula anu keur angkat
gentos anu dicariyos
para aoliya rawuh
Seh Samsunang (?) sumping
ti kulon Seh Karawang
Seh Mayak geus cunduk
Pangeran Kaningwat dongkap
ti Kajoran ti Gunung Gajah geus sumping
sareng jaba tidinya
23. Geus sasalaman sarengna Seh Sarif
sadayana nyarium sampeyan
geus ngariyung wali kabeh
taya liyan nu diurus
ngan misaur jatining hurip
hal hususna sahadat

gentos nu dicatur
 sabotna keur sasauran
 jebul sumping Nyi Indang Geulis jeung Pakuwati
 pangapunten basana

24. Sumangga nun saur Kanjeng Sunan Jati

jeung timana bumi ibu eta nya asal
 Nyi Indang Geulis matur alon
 sim kuring seja deuk guru
 ka agama kanjeng nabi
 ari rorompok ti Panjunan
 Sunan Purba nyaur
 ibu naon dicandak
 kadiyeukeun haying uninga sim kuring
 kandaga enggeus dicandak

25. Geus dibuka ku Jeng Sunan Jati

katingal eusina surban
 kagungan jeng nabi kahot
 handapeun surban rasul
 aya serat Somadulloh
 lajeng bae dibuka
 unggelan kasebut
 haturing kanjeng putra
 Sarifulloh jumenen ratuning wali
 sinarengan iyeu serat

26. Kang rama nyanggakeun sorbani

baheulana paparin ti rama
 maha ratu Mesir yaktos
 sareng jaba ti baktus

iyeu putra kang rama bakti
 Pakuwati wastana
 lumayan dianggo garwa
 enggeus tamat ku Sunan Purba kaharti
 gancangna bae carita

27. Sadayana geus diwuruk ilmi
 geus muwapakat kalimah sahadat
 Sunan Purba kacariyos
 harita nikahna putus
 ka sabrayna Neng Pakuwati
 ari anu nikahkeunana
 Seh Amarulloh
 Seh Ora nu nyaksiyan
 jeung Seh Payak sarengna pangeran Giri
 tiluwan jeung Seh Mayang

28. Enggeus runtut pameget jeung istri
 duwanana sarua asihna
 tinya Jeng Sunan Jati teh
 ti Amparan geus lungsur
 enya eta kersana ngalih
 iyasa bumi sorangan
 karajaan punjul
 disebut kawedarahan
 enya eta dadamelan para wali
 ari kanoman mah

29. Eta damel Abdul Kimani
 anu disebut kacirebonan
 kitu cariyosna teh

Kawedarahan dicatur
 anyar keneh jadi nagri
 masigitna tacan aya
 harita kaburu para wali amit mulang
 ka bumina sewang-sewang enggeus jangji
 tilu tahun lamina

30. Di Kawedarahan yasa rajin
 bumina Sunan Jati Purba
 disebut langgar
 jalageran kahot
 sigeug heula teu dicatur
 sempalaning cariyos deui
 kocap di nagri Tuban
 anu jadi ratu
 arya wining manah
 nu jenengan Surya Diwangga bupati
 harita nagara Tuban

31. Kabawah keneh ku Majapahit
 ari garwa eta tumenggung Tuban
 putra raja Mesir kahot
 Nyi Jongmirah nu kasebut
 turunan Seh Abdul Kornaen
 eta tumenggung Tuban
 ayeuna dicatur
 geus kagungan duwa putra
 nu cikal Raden Sahid Abdurrohman
 nu istri Den Arsa Wulan

32. Matak watir eta rahaden sahid

reh ibuna ramana geus wapat
 numatak jadi pirhatos
 taya liyan nu dimaksud
 ngan neyangan margining pati
 kusabab jalama teya
 eta enggeus tangtu
 keun hirup jeung paehna
 Raden Karsa Sahid kersana amal ka jalmi
 lampahna dana dina
 sakur jalma pakir miskin

33. Sadaya dipaparin

jeung deui Raden Sahid teh
 reh ramana geus pupus
 geus dipulasara mayit
 Raden Su Sahid kacida
 sajeroning kalnu
 ningal ka saderekna
 Arsa Wulan harita masih leutik
 Kocap Seh Abdurrohman

34. Barang-barang dijuwal geus abis

dianggo eta amal jariyah
 ka pakir miskin sakabeh
 taya anu kalarung
 geus walatra di jero nagri
 Raden Sahid harita
 langkung tina wuyung
 keukeuh pisan hoyong terang
 ka eta nu ngaran sa jatining hurip
 enggeus mungkur kana dunya

17. PANGKUR

1. Harita Pangeran Tuban
 geus ngumpulkeun ngaguruh sakabeh jalma
 sakur ma'siyat kumpul
 sabab di nagri Tuban
 waktu harita teya agama rasul
 agama masih Buda
 kadaharan hanteu tampik

2. Nginum arak sareng madat
 lauk babi lutung owa careuh beurit
 nu diharamkeun ku rasul
 teu aya pisan tatana
 Raden Sahid dunyana kabeh digempur
 dianggo amal jariyah
 sadayan geus beres

3. Ayeuna Pangeran Tuban
 boga niat arek ngajuwal nagri
 lajeng den patih disaur
 Patih Sutiman geus dongkap
 Raden Sahid tidinya pok bae nyaur
 eh paman patih ayeuna
 karep kula ieu nagri

4. Mudu beuli ku paman
 hargaana dua rebu dinar misti
 reujeung paman jadi ratu
 kaget den patih ngorenjag

jeung ngarontok aduh gusti ulah kitu

eta hanteu sae pisan

Pangeran Tuban ngalahir

5. Eta kitu karep kula

mudu pisan diturut

ku paman patih

gancang carita dicatur

patih nurut kersana

nagri Tuban dibeuli ku patih ratu

duwa rebu dinar teu kurang

ku Durrohman geus ditampi

6. Seug lajeng angkat ka pasar

barang sumping ka jalan lajeng papanggih

jeung aki-aki bengkung

aki-aki tuluy megat

jeung ngeureunkeun ki sepuh pok bae nyaur

beh mana nagara tuwan

ngajawan Sahid ka aki

7. Sumuhun nya iyeu pisan

aya naon bangun nu perdu

ki sepuh ngawangsul

aki teh kuhayang tepang

jeung tumenggung Tuban sono liwat langkung

Sahid pareman pok jawab

geus pupus tumenggung tuban

nya ieu kula putrana

aki-aki tidinya pok nyaur deui

lamun kitu mah sukur

aki teh saerangna
 dagang dongeng lamun raden hiyang lulus
 jeung hayang jadi aoliya
 mudu galeuh dongeng aki

8. Hargana duwa rebu dinar
 hanteu meunang pisan kurang saduwit
 Raden Sahid nu dicatur
 seug dibikeun dinarna
 jejeg keneh eta duwit duwa rebu
 ku aki geus ditampa
 pok ngadongeng eta aki

9. Jijilah muka rasiah
 duwa ulah tampik rujeki leutik
 tilu ulah kulem keur tunduh
 opat jeung ari keur ponyo ulah dahar
 lima mudu nyegah napsu
 ngan sakitu dongeng eyang
 mudu limpahkeun misti

10. Eta kitu mun hayang mulya
 jeung iyeu ku raden mudu ditampi
 eyang teh maparin baju
 ngaran bondet baju tambal
 kasiyatna iyeu baju bias ngapung
 tapi eta poma-poma
 ulah waka wani-wani

11. Nganggo iyeu baju tambal
 lamun tacan tepang jeung wali leuwih

tuluy leungit aki sepuh
 Abdurrohman heran manah
 serta nyaur deui jeroning kalbu
 eh awak masing peryatna
 atawa sing ati-ati

12. Ku aing rek dipaehan
 enya eta harita rek nyeuseuh diri
 parentahna aki sepuh
 tayohna mah Malaikat
 Raden Sahid tidinya tuluy lumaku
 ngajugjug urawan (?) nagara
 keur pepek ponggawa menteri
13. Raden sahid jebul dongkap
 enggeus diunjukeun ku sahiji manteri
 Raja Orowa seug nyaur
 eta teh putra timana
 cedok nyembah Raden Materi unjuk hatur
 sumuhun putra ti Tuban
 ka gamparan seja abdi
14. Sang raja resep ningalan
 leuwih hade maneh lamun arek ngabdi
 gancangna raden geus asup
 lami-lami geus katangar
 hade gawe serta ka gusti sumujud
 Seh raja asih kacida
 ka Sahid Abdurrohman
15. Teu meunang pisah jeung raja

beurang peuting lamun angkat raden bareng
 Abdurrohman boga batur
 gandeuk ngaran Taruna
 eta putra Judipati tukang bunuh
 geus tilu tahun lamina
 Abdurrohman dinya eta abdi

16. Serta teu aya cacadna

langkung ngestukeun timbalan gusti
 emutna kana pitutur
 dongeng aki sepuh teya
 hiji mangsa kersana Urowan ratu
 rek bubujang ka alas
 tuluy nyaur ka den patih

17. Patih maneh geura dangdan

jeung kumpulkeun kabeh ponggawa manteri
 bedil tumbak ulah kantun
 aing arek moro uncal
 patih nyembah sumangga timbalan ratu
 gancang patih enggeus mangkat
 timbalan ka para manteri

18. Wadya balad geus sadiya

lajeng jengkat Seh Urowan dipati
 ngaguruh sowara tambur
 surakna wadya balad
 upama eta nu rek perang pupuh
 geus leupas pisan angkatna
 gancangna bae geus sumping

19. Kana leuweung pamorowan
geus ngadamel pamondokan jajar tangsi
eta leuweung geus dilingkung
ku kabeh para ponggawa
raja kaemutan pusaka karuhun
kantun keneh di nagara
Raja Urowan ngalahir
20. Eh Durrohman geuwat-geuwat
balik deui heula anan kanagari
jimat aing kudu pundut
anu ngaran talapak
cokot bae eta di jero kadaton
Durrohman geus indit gancang
Abdurrohman lumpat tarik
21. Ka jero pura geus dongkap
kakocapkeun harita parameswari
keur kulem di tempat tidur
sinarengan mas Taruna
lampah sidra sareng garwana jeng ratu
teu lami gurudag dongkap
Sahid piwarangan gusti
22. Bawaning rusuh kacida tuluy bae mukakeun kulambu
tuluy bae mukakeun kulambu gasik
jimatna enggeus kabantun
kaget den putri ningalan
serta nyeuseul ka Den Durrohman murubut
siya bangsat kurang ajar
ngaluntang pisan ka aing

23. Ngawangsul Sahid Durrohman
 iyeu abdi dipiwarang ku gusti
 mundut jimat nu kantun
 yen aya dipakuleman
 kudu pisan ku abdi eta kabantun
 hanteu idin ku nu liyan
 beuki tambah pusing putri
24. Nyeuseul ka Sahid Durrohman
 tatapina teu pisan diperduli
 reh dipiwarang ku ratu
 Den putri ngarebut enggal
 talapakan Durrohman pageuh kalangkung
 pagunyeng-gunyeng didinya
 ku Abdurohman geus kenging
25. Jeung tuluy dibawa lumpat
 anu kantun permeswari ngajerit
 serta langkung tina napsu
 panganggo disasaak
 hanteu lami ka Durrohman enggeus nyusul
 putri ngadeuheus ka raja
 paheula-heula jeung sahid
26. Kocap sang raja Urowan
 jeung baladna di leuweung enggeus ngabaris
 ngaguruh sowara tambur
 bende ngungkung disada
 rame-rame di leuweung suka kalangkung
 hanteu lami jebul dongkap

Sahid piwarang gusti

27. Geus disanggakeung jimat
 geus tampi raja ngalahir
 ayeuna bener mudu kitu
 maneh mun dipiwarang mudu gancang
 sabab dititah ku ratu
 teu lami sumping rayina
 Cisoca bijil

18. MIJIL

1. Langkung kaget sang raja ningal
 jeung ngalahir alon
 na ku naon numatak nangis teh
 saha nu gangu ka nyai
 iswari (?) ka ratu

2. Abdi hanteu suka liwat saking
 aya anu cologok
 piwarang gamparan teh
 wantun-wantun asup ka jero puri
 taya adab teuing
 mukakeun kulambu

3. Digalemoh ku Raden Sahid
 abdi masing ebog
 jeung deui panganggo abdi oge
 raksukan pisan ieu rawing
 teu suka teh teuing
 mugiya kenging hukum

4. Langkung heran manahna jeng gusti
yen Durrohman bohong
hanteu nyana kitu petana teh
dadaber bulu soca centik
taya liyan deui
nandakeun yen bendu

5. Lajeng ngadamel serat gasik
sakedap parantos
Den Durrohman disaur bae
geuwat-geuwat bae bawa surat aing
ka ki Judipati
Durrohman geus mundur

6. Enggeus leupas angkatna Den Sahid
di jalan gok amprok
Mas Tauna tuluy nanya bae
eta mawa naon Raden Sahid
rek kamana deui
jawabna diutus

7. Mawa surat keur ka Judipati
Mas Taruna ngartos
tidinya teh tuluy deui bae
Mas Taruna leumpangna pandeuri
Durrohman kawarti
ka pasar geus cunduk

8. Kabeneran keur ngariung jalmi
keur sidekah jongjon

Den Durrohman diajak bae
 tuluy ngariung Den Sahid
 ngestokeun perjangji dongeng kipungkur

9. Serat disimpen gigireun linggih
 keur ngariung jongjon
 Ki Taruna ngan ngawaskeun bae
 salah gawe direbut kening
 sareng geus kajingjing
 kituna laju

19. SINOM

1. Mas Taruna leumpangna ngadigdig
 raman kasondang
 serta para wali sadaya
 pada mere jimat deui
 Sultan Cirebon maparin
 jimat ngarana sihantu
 Raden patah enggeus tanpa
 geus nyembah nyuhunkeun pamit
 gancang jengkar jeung ngiringkeun balad Islam

2. Ngaguruh sora balad
 jeung tabur ditabeuh nistir
 raja langkung get ningali
 serta heran teh teuing
 ka putra bintang estu
 birukna ka urang Islam
 malah jadi senapati
 raja nyaur ka Dipati Tarung putra

3. Kumaha putra kaduga
ngamusuh dulur pibadi tur dulur teh pangkolotna
Raden Husen matur ta'dim
najan jeung dulur pibadi
tur eta parentah sepuh
abdi teu aya kumaha
geus tangtos dilawan jurit
putra oge da teu nurut ka gamparan

4. Teu emut ka ibu rama
anggur biluk ka perwali
nyaur Parbu Berwijaya
eta bener liwat saking
seug atuh geura indit
ku ama dibantu-bantu
urang neneda ka dewa
Dipati geus indit tarung geus indit
manag perang raden ngalawan Raden Bintara

5. Maha perbu Berwijaya
geus mulih ka jero puri
hanteu kaget para emban
ngukus tibeurang tipeuting
neda ka dewata leuwih
kocapkeun dipati tarung
geus mapag wadya balad carakep pakarang bedil
enggal bae geus sumping kapangbarisan

6. Tunda heula nya nudikocap di nagri Majapahit
diapti Raden Karangga

tadina ngereh ka para menteri
 nya eta anu diganti
 ku Husen dipati tarung
 harita enggeus mareman
 geus hanteu mikir-mikir
 barang sare tipeuting aya anu alamat

7. Yen nagara bakal ruksak
 diangkat tuluy deui
 di jero kadaton

20. MIJIL

1. Mendak gedong Raden Sahid mampir
 asup kana gedong
 pabalatak eusi jalma paeh
 kabeh gedong diasupan deui
 jero aya mayit
 eusina patumpuk
2. Langkung haran Den Sahid ningali
 tuluy deui bae ningal gedong
 mapay-mapay di jero kadaton teh
 kabeh gara (?) para para emban naringali
 kaget jeung ngajerit
 bari tulung-tulung
3. Yen Durrohman disebutkeun maling
 ponggawa ngarogrog
 pada megat Durrohman ku kabeh
 ceuk sawareh ngetan maling

ceuk sawareh deui
tuh maling ngidul

4. Durrohman katangkep ku Raden Patih
tuluy dibarogod
hanteu pisan baha Den Sahid teh
enggeus dicandak ka jero puri
disanggakeun gasik
ka sang putri ratu

5. pok mariksa sang raja putri
aya gehger naon
di jero patih matur alon
nun sumuhun parios jeng gusti
abdi nangkep maling
di jero kadaton

6. Hibar gusti ieu teh bet kenging
ieu dibarogod
pun Durrohman eta namana teh
ti nagri tuba eta asalna deui
Sang Raja ningali
kasmaraning kalbu

7. Raja putri pok deui ngalahir
montong dibarogod
geuwat laanan eta tambang teh
geus dilaan tambangna ku patih
geus di taros deui
asal anu tangtu

8. Raden Sahid unjukan ka putri
nyarios parantos
geus kahartos ku putri teh
langkung bungahna sang putri
harita geus kawin wengina dicatur

9. Den Durrohman emut kana wangsit
najan sapatemon
tidinya tuluy nyipta paeh
tanpa polah naming hanteu mati
nyegah sirik pidik
bakatal haram makruh

10. Langkung keuheul sang raja putri
lani ngantos-ngantos
Den Durrohman hanteu kersa sare
harita waktuna geus wengi
tibra nyai putri
kulem lir pupus

11. Hanteu lami Den Durrohman sumping
suwara cumekot
awas ningal si Durrohman teh
ti rarangan putri aya nu bijil
babakaur putih
matak paur langkung

12. Bis bae ngegel ka Raden Sahid
nyigget kawas nempo
kek dicandak dibeubeutkeun bae
babakaur geus jadi keris

dingaranan ta keris
kala mayang duhung

13. Geus beurang-beurang diluar kawarti

di jero kadatun
anu marapas padung rame
ku Raden Sahid harita kakuping
mariksa ka patih
naon nu ngaguruh

14. Di jero pura mana rame teuing

patih matur alon
keur ngadamel padung eta teh
bari ngubur caroge putri
nya gamparan misti
nu bade dikubur

15. Sabab nurutkeun adat sasari

nu enggeus kalakon
tiyap putri kagungan caroge
nikah sore isukna mati
anu mawi gusti
gedong eta pinuh

16. Nu salapan kabeh eusi mayit

caroge sang katong
Den Durrohman pok ngandika bae
montong tulus ayeuna patih
kersaning yang widi kula hanteu pupus

17. Cariyos Roro kidul geus lami

tacan sapatemon
 jaga jaman ahirta tepungna teh
 malah sumpah Roro kidul putri ganti deui laku

21. KINANTI

1. Roro kidul nu dicatur
 geus mulih ka laut deui
 ngadatona dasar sagara
 kitu deui Pangeran Sahid
 geus angkat deui tidinya
 neyagan guru sajati
 geus leupas angkatna ngaperuk
 tunda eta catur deui
 pandita di apel denta
 guruna sadaya mu'min
 jenengan Seh Amarulloh
 santerina geus reya deui

2. Di wetan para tumenggung
 nu deukeut ka ampel danti
 geus diuwuruk kitab Qur'an
 teu lami Durrohman sumping
 Seh Amarulloh geus awas
 yen eta bakaling wali
 Abdurrohman geus guguru
 langkung mangartos ilmi
 malah santeri anu reya
 kabeh geus diwuruk ilmi
 ku den Sahid Abdurrohman
 kitab Qur'an geus patitih

3. Seh Amarulloh pok nyaur
lamun hoyong jadi wali
tuwan kudu tapa barja
hartana ngabegal maling
sing jejeg sareng jalmi
di Japura tuwan cicing

4. Jeung tuwan ngalih jujuluk
Loka Jayata panglandi
Den Loka Jaya pamitan
Seh Amarulloh geus idin
hanteu kocap di jalana
ka leuweung japura sumping
Ngabegal saumur-umur
ngagolesek sirah jalmi
bugis makasar jeung Cina
sirahna patumpang tindih
geus carang anu ngaliwat
kocap putra Majapahit

5. Ngaran Den Bondan kasebut
jeung Gedheng Mingarsa deui
pareng ngaliwat kadinya
parduna hayang papanggih
sareng kitarub eta
didinya dibegal deui

6. Den Bondan ngalawan ngamuk
duhurup ku duwa jalmi
Loka Jaya leuwih kuwat

Den Bondan geus nyabut keris
kerisna potong congona
teu tahan ngalawan jurit

7. Geus lalumpat teu dicatur
kocan nu keur angkat deui
nya eta Seh Gunung Payak
ngaran Seh Mayang Dulkopi
pandita asal ti Mekah
diiring ku para santeri

8. Dek baktos ka wali ratu
jenengan Hidayat Sarif
panganggo kabeh sadia
geus leupas angkatna deui
dongkap ka leuweung japura
dek dibegal ku Den Sahid

9. Panganggo kabeh direbut
hanteu aya anu kari
hanteu aya anu kari
Den Loka Jaya susumbar
geura tumbak iyeu kami
atawa geura dek pedang
mowal dibales ku kami

10. Sabab kami dagang umur
Seh Mayang lajeng ngalahir
mowal kacukupan
anu ngarah barang jalmi
balikan geura tingalan

eta nu ngagantung rimir

11. Mun eta mah matak cukup
Den Loka Jaya ningali
buah caruluk samanggar
sadaya geus katingali
jadi emas sadayana
eta karamating wali

12. Loka Jaya heran kalangkung
kana karamating wali
caruluk bet jadi emas
Loka Jaya nyegruk nangis
Seh Mayang geus katingalan
tunda dicatur deui

13. Seh Bayanulloh lumaku
sareng jeng garawan deui
anu ngaran Nyi Mukena
ngadeuheus ka Sunan Jati
sejatina guguru
kapekna geus dijingjing

14. Seh Bayanulloh geus tipayun
ari garwana pandeuri
kocap begal enggeus megat
barangna direbut kening
geus tuluy dibawa lumpat
Seh Bayanulloh geus nyusul deui

15. Bari muji ka Yang Agung

nyuhunkeun hampura deui
 sabaraha dosana
 anu soka maehan jalmi
 barina maca istigfar
 dipedangan bae tarik

16. Loka Jaya heran kolbu
 na kumaha iyeu jalmi
 hantem dipedangan teu teurak
 ngunggut bae bari dikir
 pantes iyeu diguruwan
 tuluy sujud Raden Sahid

17. Jisim kuring seja guru
 mangga barang candak deui
 weuteuh keneh hanteu owah
 Seh Bayanulloh ngalahir
 masih kotor diri tuwan
 perdu heula sing beresih

18. Nya eta kudu dikubur
 Loka Jaya nurut deui
 Seh Bayan mindo ngandika
 jeung ngaran tuwan dilandi
 Jaga Baya enggeus nelah
 harita enggeus dibasmi

19. Jaga geus dikubur
 kocap Bayanulloh indit
 geus leupas deui angkatna
 ka nagri Cirebon sumping

sareng jeng guru geus tepang
nya eta jeng Sunan Jati

20. Gentos deui nu dicatur
di nagri Tuban Den putra
saderek Den Abdurrohman
nu kantong di jero puri
kakasih Den Arsawulan
ngololos waktu tipeuting
21. Angkatna Den Putri ngapruk
sapaparat jalan nangis
nyorang leuweung gunung bala
sato galak bararijil
lalumpat ningal nu angkat
neyangan aderek putri
22. Hanteu pisan barang tuwang
geus lila angkatna jauh
turun gunung unggah pasir
hanteu pisan barang tuwang
sumawona kulem deui
panganggona enggeus ruksak
Den Putri matak hawatir
23. Hanteu lami geblug labuh
satengah mati Den Putri
geus mi'raj di jero manah
tepang jeung Dulkornaen
nya eta pernah eyang
sertana geus dipaparin

24. Pamegaran oray alus
dianggo raksukan putri
ari kasiyatna eta
sepuh teu keuna ku ku pati
kumaha lampahing bulan
harita putri geus eling
25. Ningali mencek keur derum
enya eta Nabi Hidir
ngarupakeun kidang emas
geus ditunggangan ku putri
nurutkeun mencek lampahna
geus leupas lampahna deui
26. Kana taman enggeus cunduk
kocap nu keur tapa lami
Sultan Erum Raja Yuta
nu ngalong beurang peuting
eta dina tangkal pala
geus salapan bulan leuwih
27. Mencek teh seug hayang nginum
enggeus ngebak kana cai
sakaliyan tuluy siram
sang putri enggeus beresih
cahaya leuwih mancur
geus cara sasari deui
gancangan Den Putri hanjat
ningali mencek geus leungit
ret ningali patuwangan

bet bobot harita putri

28. Tur bobotna enggeus sepuh
 kira geus salapan sasih
 Arsawulan langkung wirang
 saha nu ganggu ka aing
 jeung aing tacan ngarasa
 reureujeungan jeung lalaki
29. Jeung kiyeu mah anggur pupus
 wirang salawasna hurip
 sang putri bari ningalan
 aya nu keur tapa lali
 di luhureun kai ayana
 tetela yen eta jalma
 enya eta Sultan Erum
30. Tapa ngalong enggeus lami
 Den Putri nyaur ti handap
 eh tuwan anu dina kai
 lungsur heula tuwan geuwat
 teu suka yen sudi teuing
31. Bet reuneuh teu puguh-puguh
 leungitkeun ku tuwan misti
 tuwan anu katempuhan
 sabab mowal saha deui
 ngan tuwan eta nu aya
 di diyeu nu dina kai
32. Lamun hanteu kersa lungsur

tangtu dipanah ku kuring
Sultan Rum walon ngandika
kami moal turun bae
tina sabab eukeur tapa
najan tepi kana misti

33. Jeung hanteu rumasa estu
ngaganguwan maneh nyai
jeung samemeh nyai datang
kami enggeus tapa lami
didiyeu teh enggeus lila
teu kitu kiyeu ka nyai

34. Arsawula bendu langkung
ngajerit barina nangis
temen moal lungsur tuwan
raoskeun senjata kuring
tangtu di leupaskeun panah
bari nyarekan teu inggis

35. Sultan Erum enggal lungsur
Den Putri deui ngalahir
geura leungitkeun ku tuwan
iyeu kakandungan kuring
tuwan anu boga dosa
Sultan Rum wirang kapati

36. Neda ka Yang Maha Agung
ninggal opat para kawis
pangrungu sareng paninggal
pangambung sareng pangucap deui

gancangna geus ditarima
menggah ku Yang Maha Suci

37. Gancangan carios dicatur
enggal babar nya putri
bijil ti indung panangan
eta kersaning Yang Widi
serta pameget putrana
jeung mancur cahaya bening
38. Den Putri tidinya matur
kuring pasrah murangkalih
enggal kumaha didinya
gancang Den Putri enggeus oamit
angkat ka Gunung Kambangan
dinya seja tapa putri
39. Lamun jaga enggeus cunduk
nu jenengan Ratu adil
kakara putri dek buka
moal mangun tapa deui
kocap sultan Erum tea
dipasarahan murangkalih
40. Manahna kalangkung bingung
nangis dina jero galih
gancangna enggeus dicandak
ka nu tunggu huma sumping
anu ngaran Darma Sura
di Sampalangi (?)

41. Enggeus ditetepkeun matuh
 ku ki Darma geus ditampi
 nyi Darma langkung atohna
 dipaparin murangkalih
 ku rama dijenenganan
 Pangeran Darjat kakasih

42. Ari jenengan ti ibu
 Kidang Nalangkas kakasih
 kitu deui Darma Sura
 nya eta nu nelah nami
 Pangeran Dareyu teya (?)
 ka putri kalangkung manis

22. DANGDANGGULA

1. Aya deui cariyos digurit
 di Palenjang Sunan Bonang
 Ariya Damar jenengannana teh
 putrana istri punjul
 dianggo garwat ku bupati
 Maha Raja Barwijaya Majapait ratu
 malah geus kagungan putra
 nu jenengan Raden Patah kasep leuwih
 putrana sang Barwijaya

2. Raden Husen eta hiji deui
 kapernah rayi ku Raden Patah
 tapi ngan sa ibu bae
 ari Raden Patah estu
 putra Berwijaya bupati

ari Husen ramana buta
 ayeuna dicatur
 eta Raden Husen teya
 meunang ijin enggeus jadi senapati
 ngereh Mangkunagara

3. Sarta enggeus kasebut tarung pati
 anu muter kabeh wadiya balad
 di negri Majapait teh
 tidinya kersa ratu
 Raden Patah buwat ngaganti
 ari Majapait teya
 serta kasebut maha Raja Barwijaya
 namun Raden Patah teu kersa teh teuing
 lamun jumeneng raja
4. Malah pundung Raden Patah tadi
 enggeus jengkar ngajugjug pandita
 rek guguru kaseh Ampel
 sertana enggeus diwuruk
 ilmu Agama nabi
 didinya enggeus lawas
 antara satahun
 keur guguru ka Amarulloh
 tunda heula kocap Bayanulloh sidik
 pandita ti gunung Gajah
5. Kira enggeus meunang salapan sasih
 emut yen nguburna jalmi
 waktu meuntas dibegal teh
 ngucap sajeroning kalbu

iyeu aing doraka teuing
 maehan tanpa dosa
 lajeng bae lungsur
 enggeus neyang kubur teya
 di Japura gancangna sumping
 tuluy bae sadayana
 kuburna teh harita di kali
 geus kapendak Raden Loka Jaya
 geus lir kapuk salirana teh
 nagaplak bodas tur kuru
 lajeng bae dicandak mulih
 geus dongkap ka bumina
 Nyi Mukena muru
 semu karunyeun pisan
 ngalandongan dipangbuburkeun gasik
 parukuyan hanteu elat

6. Langkung geten nyi Mukena putri
 kocapkeun seh Sahid Abdurohman
 sakedap geus Mi'raj bae
 pitulunging Yang Agung
 sapocapan eta ninggali
 teu lami eunggeus waras
 teu aya pisan cacadna
 sebat terus jumeneng sunan Kali
 nyaur seh Bayanulloh
 lamun tuwan hoyong deui ilmu
 mudu guru ka Sunan Purba
 eta wakil nabi kahot
 Sunan Kali amit mundur
 seh Bayanulloh geus idih

kocap geus leupas angkatna
 kocapkeun seh Ma'rup
 karsanan mapag di jalan
 sampe yuswa geus aki-aki
 amprok sapeng Durrohman

7. Tikreuh-tikreuh di iteuk panjali
 geus dipegat ku Sahidurrohman
 sareta di pariyos
 Durrohman bari imut
 geus wakca Seh Ma'rup tadi
 yen murid Sunan Purba
 mun tuwan rek guru
 kula mangga nuduhkeun jalan
 Abdurrohman geus nuturkeun pandeuri
 ka Cirebon geus dongkap

8. Sarif Ma'rup pok ngalahir deui
 raden didiyeu bae antos
 sumangga cek Abdurrohman teh
 Seh Ma'rup enggeus tuluy
 rek nepungan Sang Siliwangi
 Abdurrohman ditinggal
 di Kuta ngajentul
 ngantosan Seh Ma'rup teya
 tunda heula kocap Parbu Siliwangi
 nagri Pajajaran

9. Langkung susah Parbu Siliwangi
 reh katilar ku putra sadaya
 teu aya baris pagentos

ka ramana jadi ratu
 mangku Pajajaran nagri
 turug-turug patihna
 eta oge kabur
 geus kitu di hiji mangsa
 Parbu Siliwangi teh enggeus ningali
 yen bakal katamuwan

10. Ku Seh Jati Purba wali lineuwih
 serta bakal nyelamkeun (?) ka raja
 Siliwangi nyandak bae
 encis titinggal buyut
 Kayu Galo ngaran encis
 ditancebkeun harita
 kana taneuh tuluy
 serta aya kajadianana
 enya eta jadina kayu lakondi
 hartina saliyara
11. Nagarana jadi leweung kai
 anu kantun ngan wadya baladna
 ngaguruh jajar ngabaris
 minangka waris retu
 ka Jeng Sunan Purba milik
 buktina nagara eta
 ayeuna geus lebur
 kocap Kanjeng Sunan Purba
 Barang sumping tetla geus katingali
 jero merbut cincin teya
12. Yen eyangna teu kersa agami

enya eta geus kapalang sepuh
 Sunan Purba nyaur alon
 gentrana langkung harus
 urang Pajajaran nagri
 lampahna kawas macan
 buktina nyarumput
 geus pasti kersaning Alloh
 meunang sapati Sunan Jati Purba deui
 pasti jadi maung harita

13. Gancang Sunan Jati Purba nyaur deui
 sareng balena mudu pindah
 serta dikemitan bae
 eta ku opat puluh
 sueg gigliran saban sasih
 pihaturna sumangga
 gancangna dicatur Sunan Jati Purba jengkar
 eta seja nepangan ramana deui
 jenengan Seh Abdul Kiman

14. Sunan Jati ka Sendang geus sumping
 dinya rama Seh Kiman teu aya
 dina patapaana teh
 ka Jungjang geus di jugjug
 ku Sunan Jati geus katingali
 didinya keur ngahuma
 jeung putranan matuh nu ngaran Nyi Pangurakan
 lajeng nyaur Kanjeng Sunan Gunung Jati
 ka rama Seh Abdul Kiman

15. Yen ayeuna rama teh kudu mulih

ka Cirebon bade nyaksian para wali
 Seh Abdul Kiman langkung kaget
 nguping sowara arum
 tapina bet teu aya bukti
 Seh Abdul Kiman harita
 tuluy bae emut
 gancangna bae geus angkat
 enya eta kersana mulih
 enggeus leupas di jalana

16. Kocap gancang Sunan Jati
 angkat ka Darma Sura nu ngahuma
 serta enggeus tepang bae
 jeung putrana anu kasebut
 Pangeran Darajat geus ngabakti
 ku sunan diwurukan
 hal agama rosul
 serta geus diladi nama
 Pangeran Darma Kusumah eta kakasih
 kecap Sunan Jati Purba

17. Tidinya geus jeungkar
 sunan Jati Purba leupas katna
 tunda nu keur ngalalakon
 digentos anu dicatur
 semapalaning cariyos deui
 Sang Prabu Berwijaya
 saderekna tilu
 Berwijaya putra cikal
 nu kaduwa Jaka Tarub
 pernah rayi

putra nu katiluna

18. Kasebutna Kiyahi Gendeng Sabni (?)

Nyai Karanglo eta nu bungsuna

enggeus kagungan caroge

ka Darma Sura etu

anu mulung putra Den Putri

nyaeta Pangeran Darajat

ari Jaka Tarub

Banjaransari (?) landina

nu ngababad leuweung bala

eta dipajagi

widadari garwana

19. Malah enggeus kagungan putra isteri

Jenanganana Den Nawangti eta

Wangsit geus kagungan caroge

ka Raden Bondan estu

asal putra ti Hajapait

nu bumina di Saelan

eta Jaka Tarub

sanggeus putra carogeyan

ti Panganjang geus pindah tatapa deui

di Songkok tatapana

20. Enggeus nelah kasebut Seh Benting

ari ukuranana tatapa

aya hiji tangkal gede api-api nu nyebut

lamun enggeus katangkeup kai

tidinya hade buka

ari nu dimaksud

neyang jatining sahadat
 enya eta hoyong jadi wali
 ayeuna geus katarima

21. Geus katangkep tangkal api-api

tuluy bae buka Ki Tarub eta
 daharna kacida ponyo
 teu nolih ngaler ngidul
 jeung luwak liyeu deui
 kocap She Jati Purba
 kadinya geus cunduk
 serta tuluy uluk salam
 ku Ki Tarub henteu pisan diperduli
 jongjon-jongjon bae daharna

22. Kanjeng Sunan Jati Purba lajeng ngalahir

bari maca kalimah sahadat
 teu lila geus jadi bebek
 meri geus ngarebut sangu
 hanteu kaur ngahuap deui
 Jaka Tarub amarahan
 kek dicerek tuluy
 meri dibeubeutkeun enggal
 enggeus parh tuluy dipiceun ka cai
 api-api jadina

23. Gancang Sunan Jati Purba ngalahir

naha meri kami dipaehan
 eta katempuhan maneh
 hirupkeun deui kudu
 sabab maneh bet wani-wani

maehan nu tanpa dosa
na teu hade kitu
lamun kitu kalakuan
boro maneh eta haying jadi wali
kitu deui keur tapa

24. Nu diteyangan kalimah kalih

lamun maneh hanteu bias
mudu guru heula bae
ka Sarif nu kasebut
enya eta retuning wali
Jaka Tarub ngajawab
eta manteu umum
dimana anu geus modar
moal aya anu bias ngahirupkeun deui
lamun aya anu bisa

25. Enggeus tangtu urang rek ngabdi

Jati Purba pok maca sahadat
meri hirup deui bae
Ki Heran ngalangkung
enya ieu riwayat aing
eukeur aing ngimpi teya
iyeu nu ngawuruk
kana kalimah sahadat
tuluy sujud Jaka Tarub ka Seh Jati
Seh Jati Purba musna

26. Ngan sora bae nu kakuping

lamun maneh haying uninga agama
mudu angkat ka Cirebon

kumpulana auliya agung
 Seh Jati geus leupas katna deui
 Ki Bongko kacarita
 langkung tina wuyung
 raya liyan nu katingal
 Jaka Tarub kajaba sukma jati
 lir pucung Sang Pandita

23. PUCUNG

1. Sigeung heula nu keur bayangta wuyung
 kocapkeun nu keur angkat
 Seh Jati Purba geus anjong
 anggeus dongkap ka Kutadungkuk harita
2. Kocap pangeran Tuban nu keur ngabengkung
 digigireun kuta
 lamun geus cangkeul ngabengkung
 tuluy cengkat Pangeran Tuban ngajengkang
3. Kacariyos lamina di Kutawengkuk
 geus salapan bulan
 numatak bengkung Kuta teh
 enya eta tidinya pisan asalna
4. Sunan Purba uluk salam geus diwangsul
 pok Sarif mariksa
 twan teh neyangan naon
 jawabana teh neyangan kalimah sahadat
5. Kitu deui jisim kuring sja guru

jawab Seh Jati Purba
sumangga taya sawiyos
tatapi di nagara mah hanteu meunang

6. Sayaktosna eta mudu sisi laut
sareng mudu nyandak muncang
saratus sing jogo (?)
enya eta perdua pikeun emutan
7. Mangga wae tuwan tiheula geura jung
ari sim kuring mah
nuturkeun pandeuri bae
tuluy pamit pangeran Tuban geus jengkar
8. Serta nyandak muncang reyana saratus
geus leupas angkatna
sukping ka sisi laut teh
eta cai Ciandul eta ngarana
9. Pangeran Tuban sisi laut ngajentul
ngajentul ngantos Seh Jati Purba
geus meunang salapan powe
tacan sumping eta teh Seh Jati Purba
10. Pangangguran Pangeran Tuban tuluy
naekan kalapa
seug muncang anu dikandung teh
tikecemplung murag kana cai teya
11. Tacan pisan muncang teh dianggo ngitung
eta geus murag

tuluy diteleuman bae
 anu beunang kira-kira saparona

12. Pangeran Tuba enggeus eungapeun kalangkung
 teu lami deui enggal
 teu lila caah cai teh
 Pangeran Tuban palid kabawa ku caah

13. Enggeus jauh malah nepi kalaut
 kabawa ku lambak
 kalem ka dasar laut teh
 enggeus asup ka pulo Anting didinya

14. Langkung jembar teu siga di dasar laut
 lir di alam dunya
 jeung didinya aya gedong
 tetebahna petana kawas sawarga

15. Sareng deui aya tampiyan mas mancur
 inten teretesna
 pepetelan langkung sae
 cai ngocor sakurilingna teu herang

16. Pangeran Tuban nguriling ngaronda situ
 manahna kasmaran
 teu lami antarana teh
 Pangeran Tuban ningali aya pandita

17. Enya eta Nabi Hidir keur tapakur
 teu ngadowa ningal
 eta ngan salira dewek

nu nyipta eta ngan jkatining sukma

18. Geus ningali eta tatamu nu cunduk
 bakal jadi aulia
 eta tutuping wali teh
 hanteu lami Pangeran Tuban ngadeuheusan

19. Kapayuneun Nabi Hidir serta sujud
 Nabi Hidir teya
 manahnakalangkung kaget
 pok mariksa maneh timana nya asal

(kaca 157 teu aya)

dina tanah Gunung Diyeng bari tapa

20. Enya eta yaktosna urut
 urut sawarga loka
 waktu di jaman Buda teh
 gancang bae pangeran Tuban geus mangkat
21. Geus pamitan geus kaidinan ku guru
 geus leupas angkatna
 gancangna geus sumping bae
 Pangeran Tuban ka Gunung Diyeng geus dongkap
22. Geus pamitan seug curhat coret peso tehe nulisan gunung
 nulis dina tanah
 nya eta di Gunung Diyeng
 hanteu lila harita geus jadi wayang

23. Sarupana lalakon Buda kapungkur
enggal disimpenan
tidinya eta peso teh
tuluy leungit katingal aya nu tapa
24. Enya eta retuning Buda kapungkur
ngarana konteya
anu mawi tacan maot
sabab eta kagungan kalimah sahadat
25. Tidinya teh layang kalimah dipundut
ku Pangeran Tuban
serta ditingali bae
enya eta lapad kalimah sahadat
26. Sang Koneya ku Pangeran Tuban diwuruk
pihartieunana
sami-sami ngaji bae
anu matak Koneya eta ngarana
27. Sami jeung sayaktosna eta kitu
lahir Pangeran Tuban
tuwan mudu ka Cirebon
nya didinya kumpulan para auliya
28. Ngagelar kana agama kanjeng rosul
matur Sang Koneya
iyeu jimat Buda keneh
ari iyeu mustika jamus ngarana
29. Memehna tepi ka jangji geus weruh

jeung saha nu boga
 kitab mustika jamus teh
 geus pamitan niyatna Pangeran Tuban

30. Yong tepang jeung jeung Sunan Jati Purba ratu
 rek nyoba elmuna
 di jalan teu kacariyos
 ka Cirebon harita geus samara dongkap

24. ASMARANDANA

1. Gentos di Cirebon deui
 kocapkeun para auliya
 anu arangkat ka Cirebon
 nu ti kulon nu ti wetan
 kaler kidul enggeus dongkap
 sareng sadaya lelembut
 saeusining alam dunya

2. Perbaya mamlukat cingcin
 ditalukan ku sajagat
 jeung di Pertulloh oge
 harita geus ngadeuheusan
 sumpingna para aoliya
 uluk salam geus wangsul
 enggeus caralik sadaya

3. Opat puluh para wali
 campur jawa sareng arab
 ngaguruh sowara rame
 anu eukeur dipirempag

ku kabeh para suliya
 dek ngadamel masjid agung
 gancangna bae geus budal

4. Nyaliyar saratna deui
 aya nu ngulon nu ngetan
 aya nu ka peuntas bae
 sawareh neyangan emas
 tamaga sareng perak
 angki mirah sareng jamut
 Jati Purba oge mangkat

5. Di bumina enggeus sepi
 anu kantun para garwa
 di bumi nyalira bae
 kocap anu eukeur mangkat
 eta Pangeran Tuban
 ka bumi Sarif enggeus cunduk
 serta tuluy uluk salam

6. Taya nu nembalan deui
 garwana Seh Jati Purba
 mukakeun jendela nempo
 serta pok bae mariksa
 saha eta anu dating
 Raden Sahid seug ngawangsul
 iyeu kuring urang Tuban

7. Den Putri pok nyaur deui
 Sunan Purba hanteu aya
 budal jeung sahterina kabeh

nya eta keur balangsiyar
 ayeuna keur sepi pisan
 bari jandela ditutup
 Pangeran Tuban rek jengkar

8. Kendi Pertulloh ngalahir
 eh Tuban antosan heula
 Pangeran Tuban rut bae
 mangga geura linggih heula
 ngantosun Sunan Purba
 Durrohman heraning kalbu
 serta jeung goyang mastaka

9. Panyana aing teh jalmi
 ka kami anu nyalukan
 kendi Pertulloh sihareng
 geus Calik Pangeran Tuban
 kenal jeung korsi teya
 uluk salam langkung lucu
 sumangga tuwang entehna

10. Pangeran Tuban heran deui
 korsi kenap bisa ngucap
 poci nyician ku maneh
 tehena teh seungit kacida
 cacangkirna teh ngan duwa
 Pangeran Tuban dicatur
 seug kek cacangkir dicandak

11. Arek ngaleueut teh tadi
 reh kabita ku seungitna

cangkir teya tuluy ngomong
 teh tuwan ulah waka
 nu mudu ngantosan heula
 nu kagungan bumi suwung
 mun kitu kurang hurmatna

12. Gebeg Pangeran ningali
 langkung heraneun manahna
 naha cangkir bias ngomong
 korsi jeung kenop sadaya
 kabeh barisa bicara
 Pangeran Tuban ngaheluk
 teu lila ngadangu sora

13. Mana kitu maneh wani
 ka kami niat ngaduwan
 atawa rek nyoba maneh
 ka ngaran Sarif Hidayat
 sigeung anu bingung manah
 ayeuna gentos dicatur
 per wali nu balangsiyar

14. Lamina saminggu kenging
 kakara ayeuna dongkap
 anu nanggung nu ngagotong
 para wali barang candak
 ngabukberuk kakaiyan
 geus sayagi erek usuk
 saparabot nyiyeun imah

15. Bata-bata geus sayagi

bade ngabangun nagara
 jeung ngadamel masjid gede
 patumpuk batu jeung bata
 tuluy eta per auliya
 sadayana geus arasup
 barang breng ningal aya jalma

16. Ngabengkong bae keur calik

eta Sahid Abdurrohman
 tuluy sasalaman bae
 jeung sadaya per auliya
 serta jeung Seh Jati Purba
 Jeng Abdurrohman kacatur
 geus sami pada uninga

17. Ilmu geus mupakat deui

Seh Abdurrohman ngandika
 kapengker tucan teh bohong
 majar rek muruk sahadat
 dina sisi cai teya
 diantos-antos teu jebul
 jadi tuwan nyiyeun cidra

18. Cidera ka pada jalmi

ngajawab Seh Jati Purba
 eta lain pisan bohong
 enya-nyana nyiyeun lantaran
 lamun tuwan hayang mulya
 mudu papanggih jeung rosul
 lantaran mudu tatapa

19. Geus lami nguruskeun ilmi
jeung sadaya per auliya
Durrohman nu kacariyos
nyanggakeun layang kalimah
ku Seh Jati geus ditampa
seug dibuka layang jamus
eta lapadna sahadat

20. Cocog jeung kitabna nabi
mupakat pisan harita
hanteu aya pisan anu geseh
Durrohman nyanggakeun enggal
mustaka jamus kitabna
sareta dibuka tuluy
eta ku Sunan Jati Purba

21. Eta kitab katingal
teu aya tulisanana
saestu ngan kosong bae
tuluy ku Seh Jati Purba
seug dipasihkeun harita
ka Sahidurrohman tuluy
tuluy dibuka ku Abdurrohman

22. Aksarana geus katingali
lajeng piwarang diwaca
disakseni ku sakabeh
anu araya didinya
para wali para pangeran
sami haroyong ngadangu
Abdurrohman maos layang

23. Eusina anu ditulis
jenengan para auliya
jeung eta pangeran sakabeh
Amarulloh nama Sunan Bonang
Seh Mayang deui disebut
Sunan Jagong panglandina
24. Seh Bayanulloh kawarti
Sunan Giri panglandina
Jaka Tarub kacariyos
Seh Bentong jenenganana
ari Seh Ora namana
namana eta disebut
25. Sunan Kadatoning pura
Abdul Kiman geus dilandi
panglandina Sunan Walang
Seh Panjunan kacaroyos
jenengan Seh Lemah Abang
atawana Seh Sasmaka (?)
26. Ari eta Sultan Erum
Maulana Magrib namana
Sahidurrohman dilandi
27. Namana Sunan Kalijaga
ari Pangeran Kendal teh
eujeung Pangeran Kajoran
teu kaasupa auliya
Sarif Hidayat kacatur

tetep ratuning auliya

28. Anu ngerehkeun sabumi
 nama Kanjeng Sunan Purba
 nu jadi panguluna teh
 eta Sunan Kalijaga
 geus mashur sanagara
 pangkat para wali kumpul
29. Kocap Sunan Kalijaga
 wayang dibuka deui
 Sunan Bonang pok ngandika
 lamun dicitak mah sae
 Sunan Giri pok nembalan
 ka Sunan Kalijaga
 enya bener leuwih rempug
 iyeu wayang mun dicitak
30. Gancang geus dicitak deui
 ku eta Jeng Sunan Walang
 sakedap geus jadi bae
 ngan jadi duwa rampasan
 wayang teh enggeus sadiya
 para wali nu dicatur
 nyiyeun bumi sewang-sewang
31. Masjid agung enggeus jadi
 parantos sawengi pisan
 Patih Keling kacariyos
 ngadeuheus ka Sunan Purba
 jeung nyanggakeun upetina

dunya barana rebu-rebu
saeusina hiji kapal

32. Sunan Purba enggeus nampi
sadayana geus nyaksiyan
eta Dunya barana teh
anu tikeling nagara
sakabeh enggeus diruwang
gentos deui nu dicatur
tidiyang Sangiang Kontiya

33. Ka Cirebon enggeus sumping
nepungan ka per auliya
perwali dek sujud kabeh
Sang Kontiya geuwat ngejat
semuna hanteu keresa
geus linggih papayun-payun
hanteu gancang dicarita

34. Semihaji enggeus wirid
diwuruk agama mulya
enggeus kahartos sakabeh
barang geus tampi sahadat
Semihaji lajeng wapat
gancangna enggeus dikubur
di Gunung Sembung makamna

35. Tunda heula para wali
kakocapkeun putri Cina
nyusul ka nagri Cirebon
nya eta ka eneng putri

nu baheula leungit teya
 Patih Cina enggal ngapung
 bawaning tarik hiberna

36. Panganggona mani rawing
 marurag ka jero pura
 reujeung deui putri oge
 ragrag ninggang kana kuta
 geus samasakali pisan
 putri raja pupus langsung (?)
 gancangna enggeus dikaluwat

37. Barang kutana geus jadi
 sadaya jero nagara
 harita enggeus beres
 para wali enggeus mulang
 tuwa anom sadayana
 ayeuna kari barempug
 halmah Raja Barwijaya

25. SINOM

1. Kocapkeun para auliya
 dina mangsa hiji wengi
 kumpul deui sadaya
 ngarempogkeun senapati
 anu bade maju jurit
 Sang Nata Ola kacatur
 nu sanggup pupucuk perang
 nempuh urang Majapahit
 ngan supaya kuring nambut raksukan

2. Kagungan Pangeran Tuban
pun Bondet nama kolambi
tuluy dipasihkeun enggal
ku Sunan Ngudung geus tampi
Sunan Kali seug ngalahir
tapi sing iyatna kudu
lamun tuwan eukeur jaya
raksukan iyeu teh pasti
tetep bae moal lesot ti salira

3. Tapi mun apes salira
pasti pun Bondet teh leungit
para wali geus nyaksian
pisaurna Sunan Kali
anu jadi senepati
nya eta pangeran Kudung
anu muter wadya balad
gancangna geus mapak baris
langkung rame sowaraning eta balad

4. Di Bonang enggeus sadiya
urang Islam geus caringcing
harita bupati wetan
geus asup agama suci
hanteu aya anu kapir
kabeh enggeus asup guru
ka Jeng Sunan Jati Purba
tuna nu keur mapak baris
kakocapkeun maha perbu Berwijaya

5. Dideuheusan ku sadaya
bupati ponggawa manteri
geus kitu lajeng ngandika
maha parbu Majapait
eh Ki Husen anak mami
ku mama arek diutus
yeuna putra kudu leumpang
serta masing gasik-gasik
jugjug bae Ki Patah di Ampel denta

6. Geuwat disaur ku ama
ama arek pasrah nagri
Raden Husen matur mangga
geus pamit sejana indit
tatapina hanteu kungsi
kusabab kabujeng cunduk
nya piwarangan ti Bonang
sertanan ngabantun tulis
disanggakeun ka Sang Prabu Barwijaya

7. Unggelna serat sadaya
ku raja geus kaharti
tuluy nyaur Berwijaya
montong tulus maneh indit
balik mudu mapag jurit
sabab aya nu ngaruruk
musuhna para auliya
kumaha maneh teh wani
matur nyembah dipati tarung sumangga

8. Sanajan dongko ka ajal

ngiring ka timbalan gusti
 maha parbu Berwijaya
 geus maparin jimat keris
 pun Gagak enggeus ditampi
 dipati tarung geus mundur
 ngumpulkeun wadya balad
 geus kumpul ponggawa manteri
 geus sadiya parabot sadaya parabot perang

9. Seug lajeng ngadamel serat
 ka sadaya para bupati
 tumenggung sabeulah wetan
 Sumenep Sidayun deui
 sareng Balangbangan nagri
 sadaya disalur
 tapi taya anu dongkap
 sabab geus agama nabi
 enya eta enggeus taluk ka Sunan Purba
10. Jadi hanteu pati reya
 wadya balad Majapait kinten aya salaksa
 ganacangna geus barudal deui
 kana tegal enggeus sumping
 papayun-payun jeung musuh
 balad kahir balad Islam
 geus campuh saruwa wani
 wadya balad kahir
 reya anu modar
11. Tumenggung Matangun (?) nengah
 campuh reujeung para santeri

geus kasambut lajeng wapat
 Pangeran Kaningrat ningali
 benduna kaliwat saking
 sikep pedang lajeng ngamuk
 para santri seug narumbak
 teu aya nu teurak hiji
 langkung weduk eta Pangeran Kaningrat

12. Santeri reya anu wapat
 surak wadya balad kapid
 kocapkeun di jero pura
 parupuyan geus maranti
 dedemit enggeus barijil
 Sang Tunjungbang enggeus cunduk
 sejena ngabantu perang
 ngiringkeun kabeh dedemit
 kocapkeun eta Pangeran Kaningrat

13. Ngamukna beuki katengah
 teu lila Kaningrat mati
 surak wadya balad Islam
 Tumenggung Rangsang kawarti
 jeung Ranggabarong deui
 duwanana ge parahuk
 balad Islam lalumpatan
 serta reya anu mati
 urang kapid surakna lir gelap ngampar

14. Sunan Kudung awas ningal
 gancangna geus maju jurit
 pek ngamuk ka wadya kupar

reya pisan anu mati
 dedemit teh langkung wani
 Sunan Kudung rob dihurup
 Ranggabarong enggeus wapat
 Tumenggung Rangsang geus mati
 langkung bendu dipati tarung ningalan

15. Gancangna geus maju perang
 diiring balad dedemit
 balad dedemit langkung loba
 di jalan heurin usik
 Sunan Kudung kawarti
 ku balad saiton dihurup
 nyingkir (?) ku balad setan
 Galamanah tambah wani
 bukbak babuk medangan balad siluman

16. Tatapi taya nu keuna
 kawantu ngalawan jurig
 lamun keuna hanteu teurak
 najan teurak hanteu mati
 saha anu sanggup deui
 jadi kapala perang Pupuh
 sadayana sami susah
 kakocapkeun Sunan Kali
 geus uninga ningali gambar lopiyan

17. Eta kitab jaman Buda
 didinya kasebut deui
 pikeun senapati perang
 eta putra Majapait

Rahaden Patah kakasih
 Raden Bintara kasebut
 muridna Seh Amarulloh
 tuluy disaur sakali
 hanteu lila Raden Bintara geus dongkap

18. Raden mudu maju perang
 nempuh urang Majapait
 geus kitu kersaning sukma
 bakal nangkep tanah jawi
 ngereh ka para bupati
 sadaya harita rempug
 sareng dipaparin jimat
 Sunan Palembang maparin
 mali-mali anu pinuh eusiyan saiton

19. Sunan Walang geus masihan
 badong batok eusi demit
 tempuh ku para wali
 urang kapir hamo tahan
 enggeus kamanah teh teuing
 niat ngalolos tipeuting
 tidinya eta geus jauh
 geus tepi ka lawang tawang
 kabawah Kudus nagara
 yen kukuwuna dinya diganti ngaran

20. Ki Ageng Pangkibing ngarana
 jeung garwana putra diiring
 agamana masih Buda
 ayeuna kocapkeun deui

anu eukeur mapak baris
 ngamusuh jeung pada dulur
 balad kapir balad Islam
 geus campuh perang ajurit
 Raden Patah geus dianggo kabeh jimat

21. Lelepen tepak dibuka

bijil beurit laksa keti
 jimat Majapait ruksak
 badong batok geus dibanting
 bijil simeut sareng lembing
 sakabeh hama tarimbul
 anu ningal matak gila
 beurit tuluy maju deui
 ka jero pura ngaruksak sagala barang

22. Jeung nempuh ka pangbarisan

wadya balad kabeh gimir
 Sang tungjungbang ageung lumpat
 jeung baladna hanteu kari
 siluman sareng jeung jin
 setan geus pada kalabur
 serta reya anu modar
 wadya balad Majapait
 Raden Patah ngamuka beuki katengah

23. Dipati Tarung ningalan

wadya balad Majapait
 lalumpat paheula-heula
 geus hanteu tolih ka gusti
 benduna kaliwat saking

seug tidinya tuluy ngamuk
 jeung rakaka enggeus patepang
 geus campuh saruwa sakti
 sili banting sili tumbak sili pedang

24. Taya anu asor saurang
 rame sili jungjung diri
 Raden Bintara ngandika
 maneh henteu wirang teuing
 ngalawan ka para wali
 lamun maneh jaga pupus
 enggeus tangtu manggih siksa
 coba Sang Tarung dipati
 paeh kitu aing mah kumaha jaga

25. Montong reya-reya ucap
 balikna maneh nu lali
 ka ibu sareng ka rama
 anggur biluk ka perwali
 nurut ka agama nabi
 bet teu boga wirang mutuh
 sabab na agama eta
 matak sangsara teh teuing
 kitu deui aing moal mundur perang

26. DURMA

1. Dipati Bintara seyet narajang
 Raden Husen tadah wani
 enggeus campuh perang
 sili surung sili dupak

Dipati Tarung kawarti
rada teu kuwat
eleh tanaga sisik

2. Tarung leungit ana bijil jadi naga
Raden Patah leungit deui
geus jadi galudra
naga teh enggal
teu lila naga teh leungit
Den Husen enggal
harita geus geni
3. Leungit deui galudra geus hanteu aya
Bintara geus nyipta cai
seuneu teh musna
dipati tarung enggal
enggeus nyipta buta putih
Raden Bintara
enggeus nyipta monyet putih
4. Rame pisan perangna monyet jeung buta
sili garogot deui
eta buta enggeus modar
Dipati Tarung awas
harita geus narik keris
ngaran pun gagak
monyet ditewak geus mati
5. Enggeus tepang jeung raka Raden Bintara
harina ngalaga keris
dipati Tarung susumbar

Bintara maneh sing iyatna
 ieu deuleu keris aing
 ngaran pun gagak
 pusaka nu leuwih matih

6. Ditewakeun eta ka Raden Bintara
 salirana hanteu busik
 hanten diteuwakan
 tihareup jeung ti tukang
 tilu opat lima kali
 masih teu teurak
 Bintara kalangkung sakti

7. Kakocapkeun perangna geus tilu bulan
 saestuna manggih tanding
 saruwa saktina
 tur pada putra raja
 putra prabu raja Majapahit
 Rahaden Patah
 seug emut kana paparin

8. Sunan Jati nu ngaran pun hantu teya
 harita geus dicangking
 pok bari ngandika
 geura iyeu Husen tingalan
 maneh Husen dulur aing
 masing waspada
 katiban iyeu jamparing

9. Geus dileupas Dipati Tarung nadahan
 jamparingna leuwih tarik

mener kana dadana
 mani sapat sapisan
 Raden Husen ngajumpalik
 teu lila wapat
 kocap wadya Majapahit

10. Selang tunjang kalabur paheula-heula

geus di tutup kuta deui
 enggeus dipageuhan
 anu asup hamo bisa
 enggeus ditalukuran deui
 ku uang Bonang
 jeung Raden Patah deui

11. Kocap deui maharaja Berwijaya

dideuheusan ku para manteri
 jeung para ponggawa
 eta di jero pura
 langkung tina pirhatin
 reh putra wapat nu kantong ngan den patih

12. Gajahmada jeung Raden Patih Udara

eujeung Ajar Nunggulmanik
 sang raja ngandika
 cik kumaha petana
 lamun urang turut deui
 agama mulya
 asup ka agama nabi

13. Ajar Tunggulmanik tidinya ngandika

wirang jenenging narpati

mun taluk ka budak
 ka Rahaden Patah teya
 eta putra ama yakti
 anggur mah urang
 ngaracun bae diri

14. Enggeus jadi badami anu tiluwan

seja ngaracun diri
 mapatkeun ajina
 harita eunggeus musna
 jeung nagarana geus leungit
 jadi siluman
 Tunjungbang anggona demit

15. Kocap deui para wali anu ngajaga

nu nuguran kuta tadi
 geus pada uninga
 yen nagara eunggeus musna
 serta jeung rajana leungit
 langkung heran
 nagara Majapahit

16. Ayeuna mah geus jadi leuweung sadaya

enggeus kersaning yang widi
 jaga diahirna
 geus tangtu panggih siksa
 meunag dengdaning yang widi
 para auliya
 gancangna geus budal deui

17. Jeung pangeran kitu deui wadya balad

hanteu aya anu kari
 ngaguruh sorana
 enggeus leupas lampahna
 pati amis matur ka gusti
 ka Suna Purba
 nu lenggah di Gunung Jati

27. DANGDANGGULA

1. Anu kocap di Cirebon negeri
 sasumpingna sadaya auliya
 ngaguruh kalangkung rame
 sadayana dipiunjuk
 pertingkahna waktu jurit
 Majapahit geus bedah
 Jueng ratuna kabur
 Suna Purba ngandika
 nyaksiyan sakabeh para wali
 yen iyeu Raden Patah

2. Ku kawula arek di jiyeun wawakil
 supayana jadi raja Demak
 ngereh ka nagri kabeh
 wetan kaler kulon kidul
 sadayana para bupati
 eta poma-poma pisan
 agamaning rosul
 eta teh mudu di jaga
 sadayana geus pada ngiring ka gusti
 ayeuna teh Raden Patah

3. Jeneng Sultan di Demak ngereh nagari
 ari eta Kanjeng Suna Purba
 ratuning wali sakabeh
 Sultan Demak kacatur
 dipaparin garwa ku Sarif
 jenengan Den Pulunggana
 putra mesir ratu
 gancangna bae Sultan Demak
 geus pamit nyuhunkeun jiyadin gusti
 Den Bintara enggeus mangkat

4. Jeung garwana hanteu kari
 enggeus nitihan kana jolijan
 diiring ponggawa kabeh
 di jalana teu di catur
 gancang bae ka Demak geus sumping
 geus jadi nagarana rame liwat langkung
 murah sandang murah pangan
 kitu deui nu ngalampahkeun agami
 di Demak mecah pisan

5. Para tumenggung kulon wetan deui
 enggeus anut agama mulya
 para manteri sujud kabeh
 geus asup agama rosul
 sultan anu kawarti
 enggeus kagungan putra
 isteri langkung punjul
 kakasihna Pulung Cahaya
 ibu rama liwat langkung asih
 ningali ka den putra

6. Sigeung eta ayeuna kacatur deui
nyarioskeun Nyai Panguragan
isteri geulis serta kahot
digjaya liwat langkung
malah-malah eta Den Putri
reya anu ngalamar
ryanana salawe ratu
tapi putri hanteu karsa
serta nyiyeun saembara Enden Putri
ka kabeh per raja

7. Saha-saha nu bisa ngelehkeun putri
tangtu eta nu bakal jodo
anu mawi ayeuna teh
sadaya para ratu
panglamarna ti unggal nagari
inten emas perak
ti unggal nagri kumpul
ngaguruh sora di luar
per araja salawe negri sumping
dunya Pangurugan

8. Geura papag iyeu engkang nyai sumping
sareng naon pamundut ka engkang
sarupaning dunya kabeh
nu herang hurung mancur
moal burung laksana nyai
kitu ceuk para raja
kocap nu di pungkur
Dul Kiman mariksa putri

sayaktosna tacan kersaeun Den Putri
 teu niyat carogeyan

9. Lamun teya nu nimbang perang tanding
 hartian ngelehkeun ka anjeuna
 mowal kagungan caroge
 Sunan Walang pok ngadawuh
 miwrangan sahiji isteri
 maneh emban seug kaluwar
 tepungan para ratu
 yen putri kitu petana
 tuluy pamit kaluwar eta hiji istri
 enggeus leupas eta angkatna

10. Gancang ka pasangrahan sumping
 langkung gugup kabeh para raja
 raja pok mariksa bae
 nyi Emban pok ngawangsul
 nun perkawis pisaur putri
 ka sadaya para raja
 saha anu unggul
 ka putri kiyat ngalawan
 kitu deui bisa ngelehkeun ka putri
 tangtu jadi jodona

11. Eta kitu saembara para raja ngawangsul ka emban
 geuwat emban balik bae
 Den Putri geura jebul
 urang sanggup ngalawan putri
 ngadu perang tandingan
 geuwat-geuat kituh

gancang nyi emban geus mangkat
 enggeus dongkap ka payuneun Den Putri
 yen eta para raja

12. Sanggup pisan ngalawanan perang tanding

mala ayeuna diantos pisan
 ku Sadaya para katong
 Den Pangurangan tuluy
 nganggo-ngaggo kaperbot jurit
 sikep panah jeung pedang
 putri tambah lucu
 eukeur geulis tur katimbang
 ku panganggo kaperjutitan Den Putri
 sesete (?) jeung saktina

13. Ka mama harita geus pamit

enggeus kaidinan jengkar
 kaluwar tijero kadaton
 cahaya leuwih mancur
 surem kabeh alam bumi
 salawe para raja
 sadaya ngalingkung
 barengong ka putri ningal
 sawareh mah
 ngajentul kasmaran galih
 geus cul kana pakarang

14. Henteu puguh rarasaan diri

tingkah polah kawas nu edan
 sawareh teu bisa ngomong
 nu sawareh ngarungru hanteu emut ka nu maha suci

ningal Den Pangurangan
 sadayana wuyung
 putri tuluy susumbar hayu saha
 anu wani perang tanding
 kadiyeu hiyap geuwat-geuwat

15. Para Raja maju siligenti
 saurang taya anu kuwat
 ku delekna bae oge
 karasana teh giyung
 lir disabet pedang upami
 raja teh kapaehan
 gugahna ngarungrum
 adun Enden Pangurangan
 mugi kersa ngalandongan deui nyai
 ka nu keur barangta
16. Ki Ageng Palered maju deui
 geus dipapag ku nyai pangurangan
 dicabok tuluy ngalonjor
 hudang barina ngarungrum
 enggeus teh tulungan ku nyai
 mugi nyai sing welas
 ka nu keur barangta wuyung
 ki Ageng Gesang narajang
 putri nyingcet dicabok geus tjumpalik
 hudangna kakarayapan
17. Kabeh gegeden keur barangta kingkin
 sasambatna duh Den Pangurangan
 buwah manah engkang yaktos

kembang dada na kalbu
 nu katingal tapahing ati
 koneng gede ceuk jawa mah
 matak garering kalbu
 kacang gede lalambaran
 susah temen mikiran nu lenjang kuning
 Nyai Emas Panguragan

18. Kayu manis derma upami
 tumbuh polah nayi diri engkang
 kembang bonyo dukuh kebon
 ulah arek cidra saur
 tunda heula anu gering pikir
 ayay deui ayeuna nu kocap
 nyaeta Ki Ageng Kedu
 ka putri ngarebut perang
 meh kacandak nayi pitri ngejat gasik
 dicabok meh tijengkang

19. Seug tuluy ngarontok deui ka putri
 meh kacandak putri gancang ngejat
 tidinya diudag bae
 Den Putri enggeus jauh
 dituturkeun lampah Den Putri
 ngaler ngidul kaudag
 teu pegat diburu
 geus nyumput Den Panguragan
 bus ka leuweung Majakarta Den Putri
 seug nyumput di sumur bata

20. Ki Ageng Kedu awas ningali

dirontok nyai putri ngejat
 jauh deui angkatna teh
 nagara enggeus kapungkur
 Ki Ageng ngarontok wani
 ngejat Den Pangurangan
 murag kembang gelung
 kacarita kembang murag
 enya eta palemahan wanasari
 anu matak urang dinya

21. Katurunan hade isteri
 tina sabab kamurangan kembang
 Ki Ageng deui ngarontok
 Den Putri leungit tuluy
 enggeus sumping ka bumi deui
 Gedeng kamu neyangan
 rurusuhan muru
 Gedeng garu beluk nangkuban
 tikudawet sukuna kana jarami
 pok bae cacaduwan
22. Sakabehna anak incu aing
 ulah melak ketan hideung eta
 jeung ketan beureum oge
 ulabon melak nandur
 najan ngampihan ge hanteu sudi
 gancangna bae carita
 Ki Gedeng Garu
 weleh neyangan teu pendak
 tuluy bae damel lembur di Wanasari
 tetep matuh didinya

23. Sigeung heula eta Gedeng anu tadi
 sareng Nyai Pangurangan
 gentos anu dicariyos
 nagri Esam kacatur
 aya hiji putra Eyang Sidik
 nagarana Pangeran Suka
 langkung panjang rambut
 taya nu bisa nyukuran
 anu matak rambutna panjang teh teuing
 malahan Pangeran Suka
24. Geus ngadegkeun saembara deui
 saha-saha nu bisa nyukuran
 tangtu rek ngabdi aing teh
 salawasna hirup Pangeran Suka geus nguping warti
 yen di Cirebon ayeuna
 aya wali kutub
 nyebarkeun ilmu agama
 leuwih sakti teu aya nu nanding jurit
 ditalukan ku sadaya
25. Ku jin setan sakur nu kumelip
 Pangeran Suka gancang unjukan
 ka ramana pamit miyos
 rek nyoba wali agung
 cariyos digjaya sakti
 sugan kuwat ngalawan
 ramana pok nyaur
 heug sing ati-ati pisan
 harita ge Pangeran Suka geus indit

geus ngambah awang-awang

26. Leuwih gancang awor mega putih

cara angin

rahaden angkatna

gancang geus sumping bae

lebah Panjunan cunduk

geus patepang jeung aki-aki

Pangeran Suka mariksa

beh mana ki sepuh

nagri Cirebon teya

jawab aki nya iyeu Cirebon nagri

rek aya naon keresa

27. Sareng ujang asalna timendi

kitu deui saha nya jenengan

jawab Pangeran Suka teh

asal kuring ti Esam lembur

kuring hayang tepung reujeung wali

rah boga saembara

saha anu sanggup

nyukuran buuk kawula

jangji kula eta teh seja rek ngabdi

ki sepuh pok ngajawab

28. Mangga ujang geura angkat deui

dinya tuh ratuning auliya

tapi ratuna awewe

digjayana liwat langkung

taya anu tanding jurit

pangeran geus pamitan

ki sepuh pok deui nyaur
 punten kuring hayang ningal
 ujang rambut ujang sabaraha panjangna deui
 geus mungkur Pangeran Suka

29. Ku ki sepuh pek bae digunting
 ku ramona rambut sapat pisan
 ki sepuh les leungit bae
 pangeran heran langkung
 geus ngagunduk rambut di bumi
 anu matak aya ngaran suka sila kitu
 sareng ngaran Karang getas
 nya tidinya asalna baheula mimiti
 gancang Pangeran Suka

30. Geus melesat eta ngawang-ngawang deui
 ningal di luhur ngidul jeung ngetan
 neyangan aki nu tadi teh
 tapi hanteu kasusul
 diteyangan hanteu kapanggih
 teu lami Pangeran Suka nguping nu ngaguruh
 sowaraning wadya balad
 kitu deui ningal tingkahing para narpati
 anu salawe raja

31. Kawas anu weureu kucubung badis
 tingkah polah kawas nu edan
 Pangeran Suka lungsur bae
 jeung hiji emban tepung
 dipariksa eta hiji isteri
 tateh naon gawena

sakabeh para ratu
 nyi emban matur ngajawab
 sayaktosna eta saembara putri
 Nyai Emas Panguragan

32. Anu eukeur diperangan ku bupati
 saha anu ngelehkeun tangtu pisan
 eta teh jadi caroge
 Pangeran Suka nyaur
 maneh geuwat matur ka putri
 kami nu sanggup ngalawan
 nyi emban geus mundur
 ka gustina geus unjukan
 aduh gusti abdi teh hatur tingali
 di luar aya jalma

33. Langkung kasep eta ti Esam nagari
 pantes picarogeyeun gamparan
 kakasihna anu tangtos
 nama pangeran Magelung
 seja lebet saembara gusti
 sumangga geura papag
 Gadasari nyaurheug ku kami rek dipapag
 enggeus jengkar ti kadaton nyai putri

34. Ngagebay ka pangperangan
 langkung kasmaran anu ningali
 kitu deui Magelung pangeran
 ngahuleng manahna bengong
 ngucap sajeroning kalbu
 samborong kiyeu mah jalmi

sakabeh para raja
 geus kawas nu burung
 ningali Den Gandasekar
 hanteu inget kana diri
 Pangeran Magelung mangkat

35. Geus patepang sareng eden putri
 Gandasari pok bae nyarita
 ti mana satriya iyeu teh
 jawab Pangeran Magelung
 kula ti Esam nagari
 Magelung ngaran engkang balik nyai ayu
 saha ngaran anu nelah
 geus jawab ku Den Putri Gandasari
 barina jeung sasauran

36. Mangga urang ngadu perang tanding
 lamun nyata satriya digjaya
 putraning perjurit gede
 gancang Pangeran Magelung
 enggeus nyandak ka nyai putri
 Gandasari geus ngejat
 sili sendak tuluy
 saruwa pisan gagahna
 geus ditubruk nyai putri ngejat deui
 barina meupeuhna tonggongna

37. Pangeran Magelung geubisna miring
 tuluy cengkat jeung nampiling pipina
 bari Den Putri dirontok
 gancang nyingcet ka pungkur

kana tonggong jedak nalipak
 perangna geus lami pisan
 salilana kitu
 siligenti kabeunangan
 perang otel wantu pameget
 jeung isteri
 kocap Den Gandasekar

38. Langkung wirang nyaur di jero galih
 iyeu jalma tangtu matak tiwas
 lamun perang kiyeu bae
 Pangeran Suka kalbu
 geus ngabereg ka Gandasari
 Den Ganda geus kacandak ganti salin patut
 geus jadi papatong emas
 heug tidinya ku pangeran dibanting
 ta papatong emas teya

39. Ganti deui sipat kembang malati
 jeung meleber seungit angin-anginan
 Pangeran Magelung gentos
 jadi bangbara ngahiung
 kembang harita geus leungit
 geus ganti deui sipatna
 eta jadi jambu
 buwahna ngan hiji pisan
 Sang Magelung engeus jadi sipat paksi
 macok kana jambu teya

40. Hanteu lila jambu eta enggeus leungit
 Gandasari jadi oray naga

Magelung nu dicariyos
 geus jadi galudra manuk
 nyamber ka naga tadi
 sang naga enggeus musna
 jadi seuneu hurung
 Pangeran Magelung teya
 nyipta angin reujeung nyarupakeun cai
 leungit seuneu harita

41. Lumpat tarik nyai Gandasari
 ngajujjug ka Sunan Purba
 Sang Magelung saurna teh
 motong lumpat mas ratu
 niat nyumput ka mana deui
 moal burung kapendak
 harita disusul
 kakocapkeun Sunan Purba
 eukeur linggih dina saluwareun kori
 serta nganggo gamparan

42. Lilinggana emas miwah kuning
 harita panganggo raksukan jubah
 daster sutra nganggo ombak
 titilar ti Kanjeng Rosul
 kocap nu kakara sumping
 Nyi Gedeng Pangurugan
 tuluy bae nyumput
 kana sampeyan sunan
 langkung buni teu aya anu ningali
 kajabi ti Sunan Purba

43. Kakocapkeun Pngeran Magelung sumping
 ka Payuneun Kanjeng Sunan Purba
 eta Pangeran Magelung teh
 manahna langkung bendu
 saha iyeu anu tunggu kori
 maneh wawaniyanan
 ngahalangan pintu
 pok nyaur Jeng Sunan Purba
 tuwan naon anu diteyangan deui
 jawab Pangeran Suka
44. Kula neyangan Gandasari
 enya eta udagan kawula
 Sang Magelung bari mencerong sampeyan jeng sinuhun
 nya didinya nyumputna putri
 ku pangeran dicandak
 Gandasari tuluy
 nyumput deui kana jubah
 Sang Magelung nyaur ka Sunan Jati
 hayang ngilikan jubah
45. Ku Sunan geus dibuka deui
 den Gandasari pindah
 nyumputna kana lelepen geus dicandak ku Magelung
 bisi-bisi beunang Den Gandasari
 Den Ganda geus kaluwar
 pungkureun sinuhun
 Pangeran Magelung nowak
 ngaluhuran mastaka Sunan Jati
 leuleus lesu Pangeran Suka

46. Hanteu bisa eta usik malik deui
 Sunan Purba pok bae mariksa
 na kumaha pikarepeun maneh
 jawab Pangeran Magelung
 emung neda pitulung gusti
 supaya kapigarwa
 ku abdi den ayu
 Sunan Jati pok ngandika
 kuma pikarepeun nyai
 reh kitu petana
47. Nyembah matur Gandasari
 abdi tacan niat carogeyan
 dina waktu ayeuna teh
 abdi gaduh panuhun
 abdi dek gaduh salaki
 jaga jaman dahura
 sinuhun pok nyaur
 Pangeran Magelung teya
 rehna kitu eta pamenta Den Putri
 Pangeran Magelung jawab
48. Nadaya-daya abdi teh sumeja ngiring
 nanging abdi neda disaksiyan
 bisi jaga putri bohong
 sinuhun mindo nyaur
 ka ki Bongko eta Seh Bening
 Jaka Tarub nya eta
 dipiwarang nyaur
 ki lebe pakiringan reujeung kuwu
 emban ulah kari

Jaka Tarub enggeus mangkat

49. Tarub gancang ka Pakiringan geus sumping

geus kairing lebe jeung kuwuna
 hanteu lami geus dongkap bae
 ka payuneun jeng sinuhun
 jeng sinuhun tidinya tuluy ngalahir
 iyeu geura saksiyan
 yen Pangeran Magelung
 bakal jodo Gandasekar
 kitu deui maneh ayeuna kudu ngiring
 geus kersaning yang sukma

50. Lebe kuwu enggeus gentos rupi

jadi banteng kuwu lebe uncal
 putra putri musna kabeh
 ari Pangeran Magelung
 enggeus ngalih jenengan deui
 ngaran Patih Jungkara
 sang putri dicatur
 kasebut Gedeng palingas
 enggeus matuh di Pulo Kuntul Den Putri
 ari banteng jeung uncal

51. Matuhna teh di sewu beurang peuting

tunda heula ayeuna anu kocap
 nu ditinggal ku putri teh
 Sunan Walang enggeus nyingkur
 patapan geus ngalih deui
 di panandar matuhna
 didinya tapakur

barngta nyipta salira
 kocap deui para gegeden nu tadi
 anu ngalamar teya

52. Sanggeus teya Den Gandasari

sadayana geus asup agama
 be'at ka sinuhun kabeh
 hanteu aya anu kantun
 kakocapkeun aya sahiji
 gegeden anu batal
 guru ka sinuhun
 Ki Gedeng Palumbon namana
 geus diwuruk sahadat sajati
 tapi hanteu katampa

53. Pokna cumah guguru ka wali

bulak balik hanteu aya liyan
 ngan sahadat-sahadat keneh
 anggur aing guguru
 ka nu liyan hade teh teuing
 kocap Gedeng Kuningan
 sejana arek guru
 agama ka Sunan Purba
 enggeus indit rek ka Cirebon nagri
 barang di jalan patepang

54. Eujeung Ki Gedeng Palumbon tadi

duwanana enggeus sasalaman
 gancangna enggeus eureun bae
 Gedeng Palumbon nyaur
 rek angkat ka mana rayi

jawab Gedeng kuningan
 kuring seja guru
 ka eta Sunan Purba
 enya eta guguru kalimah kalih
 rayi nantas timana

28. KINANTI

1. Gedeng Palumbon ngawangsul
 engkang oge mentas wirid
 malah mun rayi percaya
 jeung nurut ka engkang rayi
 rayi montong tuluy beat
 sabab hanteu aya deui

2. Sunan Purba ngan ngawuruk
 bagbagan kalimah kalih
 engkang enggeus remen pisan
 ngadeuheus ka Sunan Jati
 kitu keneh ngawurukna
 teu liyan sahadat jati

3. Gedeng Kuningan pok matur
 hayang nyaho bae kuring
 ngaleungitkeun panasaran
 Gedeng Palumbon ngalahir
 teu ngandel ka omong kakang
 nya geura los bae adi

4. Sahadat mah ti kapungkur
 kakang geus bisa pibadi

na dikira hanteu bisa
angguran neyangan deui
sugan aya nu liyan
atawa manggih nu apik

5. Gedeng Kuningan geus laju
geus leupas lampahna deui
kakocapkeun Sunan Purba
nu eukeur ngawuruk ilmi
ka para murid sadaya
ngawuruk dalil jeung hadis

6. Hanteu lami enggeus jebul
Ki Gedeng Kuningan sumping
serta sujud kana dampal
gancangna iyeu perkawis
eta Ki Gedeng Kuningan
enggeus diwuruk agami

7. Hal sareat Kanjeng Rosul
sadayana geus kaharti
tidinya seja mulang
Ki Gedeng Kuningan mulih
hanteu kocap di jalana
ka bumina enggeus sumping

8. Putrana geus asup guru
ka Sunan Gunung Jati
ari enggeus lila-lila
Ki Gedeng tepi ka jangji
geus mulih ka rahmatulloh

jisimna anu kawarti

9. Teu lumrah ti batur-batur
bareuh mayit ngabugigig
sagede bedug jisimna
kawentar geus sejen nagri
Gedeng Palumbon geus uninga
yen Gedeng Kuningan mati

10. Sejena arek ngajugjug
gancang ka Kuningan sumping
jeung Arya Komuning tepang
enggeus sasalaman deui
Gedeng Palumbon mariksa
ka Raden Arya Komuning

11. Naha bapa maneh kitu
mayitna bareuh teh teuing
guguru ti mana teya
ngawangsul Arya Kamuning
teu sanes ti Sunan Purba
Gedeng Plumbon ngalahir

12. Ngareuhak eta jeung nyiduh
teu turut ka omong kami
baheula geus dicarita
maksa teu turut ka kami
keukeuh guru ka auliya
eta teh elmuning iblis

13. Kajadiyanana kitu

cara bugang eta mayit
 gancangna geus disiraman
 ku para hotib jeung modin
 taya wani ngadeukeutan
 bareuhna geus tambah deui

14. Gedeng Palumbon ge milu
 pamanggihna geus aji
 tatapina hanteu teurak
 jongjon bareuh keneh mayit
 Gedeng Palumbon teh wirang
 panemuna hanteu matih
15. Jeng Sunan Purba dicatur
 harita ka dinya geus sumping
 pokna kuring ngilu nyiram
 rek mecak-mecak pamanggih
 Gedeng Palumbon ngandika
 maneh teh ti mana santeri
16. Nu rupi santeri ngawangsul
 asal ti Gebang sim kuring
 Rai Kamil anu nelah
 Gedeng Palumbon ngalahir
 coba santeri geura pecak
 mun pamanggih maneh matih
17. Kami ka maneh rek guru
 tuluy dangdan Kai santeri
 mayit enggeus disiraman
 sakedap geus jadi leutik

hanyir bacin geus sampurna
mayit saruwa jeung pitik

18. Karamating wali luhung
hareran hotib jeung modin
ningal kana mayit teya
Ki Gedeng Palumbon isin
ngadeukeutan santeri teya
bari pok bae ngalahir

19. Ti mana maneh nya guru
matur deui nu rupa santeri
guru kuring taya liyan
ngan Jeng Sunan Gunung Jati
naha teu saruwa atuh
naon nu dipake deui

20. Waktu kami dieuruk mah
ngan sahadat hungkul hiji
dipake bet hanteu teurak
Kai Santeri tuluy leungit

21. Gancang mayit geus dikubur
serta geus sampurna mayit
Gedeng Palumbon nu kocap
ngajugjug ka Gunung Jati
ka Cirebon enggeus dongkap
serta geus sujud ka gusti

22. Sunan Purba gasik nyaur
naon gawe maneh deui

numatak kadiyeu datang
 Ki Gedeng matur jeung ta'dim
 nuhun bebendu gamparan
 mugu kersa majeng deui

23. Kalimah lapad ashadu
 nu sapertos santeri Ramil
 eta ilmu ani nyata
 bisa nyampurnakeun mayit
 Kanjeng Sunan ngajawab
 geus pasti kersaning widi
24. Maneh nampik kana ilmu
 maneh mudu tapa deui
 dina puncak gunung teya
 jeung ngaran maneh dilandi
 Kiyahi Cigugur meujuhna
 Gedeng Palumbon geus pamit
25. Leupas lampahna dicatur
 kana puncak gunung tepi
 didinya geus mangun tapa
 numutkeun pakoning gusti
 sigeug heula anu keur tapa
 kocapkeun sahiji nagara
26. Nyaeta Raja Ratu Galuh
 ratu gede liwat saking
 ngereh kana para raja
 ditalukan ku dedemit
 sagala ejin siluman

tut ka Ratu Gedwati

27. Tamat satengah tujuh
 ing dina powe isnen
 dadamelan awon pisan
 kawantu teu bisa nulis
 aksarana laip pisan
 sumawona bisa nganggit
28. Nyiru numpang kana siwah
 panuhun nu gaduh tulis
 opat leutik dibubuyan
 iyeu wawacan sing apik
29. Bisina kabolyad gunung
 bisina kaluli-luli
 bisi kakaluwaketan
 mihape bisi rujit
 boboreh panglebur ketan
 enggeus tangtu meureun rugi
30. Dahan pinang nangkod lingkup
 ari neundeun masing ampih
 daun tuhur ditangkalna
 masing ras ka anu nulis
 laleur jangkung saba isa
 mihape bisina leungit
31. Nya pakarang nyasar batu
 geus leungit mah susah deui
 tolkasar hanteu endogan

iyeu bisi-bisi teu ngajadi
piring lembut wadah uyah
ari nginjeum mah sok isin

32. Punduk tangtung gagang hulu
meus leuheung mun dipaparin
patik tara gogoberan
latam letem leyos balik
kuring nganggit parantosan
sabab hese nyiyar dang
ding